

SANCTI
VALERIANI
EPISCOPI
CEMELIENSIS
HOMILIÆ XX.


*Item Epistola ad Monachos, de Virtutibus &
ordine doctrinæ Apostolicæ.*

Omnia nunc primùm, præter vnicam Homi-
liam, post annos plus minus mille ducen-
tos in lucem edita.



LVTETIÆ PARISIORVM.
EX OFFICINA NIVELLIANA.
Sumptibus SEBASTIANI CRAMOISY, viæ
Iacobæ, sub Ciconiis.

M. DCXII.
CVM PRIVILEGIO REGIS.



MADE IN
ENGLAND
HOLLAND
XX. MILLON

MADE IN
ENGLAND

MADE IN
ENGLAND

MADE IN
ENGLAND



MADE IN
ENGLAND

MADE IN
ENGLAND



REVERENDISSIMO
atque amplissimo Præsuli
D. HENRICO LVDOVICO
CASTANEO RVPIPOSÆO,
Pictauorum Episcopo.

IN hoc sacrae tuae dignitatis
exordio, Præsul amplissime,
inter publicas priuatasq. gra-
tulationes, nisi me quoque
festiuis choris infererem, animique sen-
sum quoquo modo testarer; verendum
erat profectò, ne qui pristinam erga te
obseruantiam meam nouerant, aut immemorem me, aut inofficiosum putarent. Veni ergo: & quod honori tuo debebatur, non sine munusculo veni. Sic enim mihi persuasi, cum Valeriani Cemelenensis Ho-
a iij

miliās in publicum proferrē, illas nec gratiorem tua tutelam consequi posse, nec cuiquam à me potius quàm tibi hoc tempore deberi. Primum ut hac Pontificatus tui quasi sportula donati lectores, integram tibi honorificentiae gratiam habeant. Deinde ut indicium extet, prodaturque posteris: tum scilicet sanctissimi & eloquentissimi Episcopi opus in lucem prodūsse, cum in noui Antistitis exortu Gallia omnis communi spei publicae latitia ferueret. Postremo ut vota quae pro cæpti felicitis auspicio tua causa conceperam, tanto potissimum auspice ac duce persoluam. Vota, inquam, quae mihi ex omnibus sollemnium officiorū munijis sola delegi. Enimuero poteram sanè, dum laudibus tuis omnia personant, atque hinc aduentus tui desiderio gestiunt Picetaui tui, & conscij natalium tuorum, quid sibi eximia virtus in præcipua nobilitate spondeat augurantur: hinc bonum factum reliquae Prouinciæ prædicant, sapientissimique regis, qui hanc tibi Ecclesiam

desponderat, iudicium collaudant: poterã
Et ipse, sine adulationis metu, in preconij
tui partem venire: atque ea de te comme-
morare, quæ in te à primis vsq. annis ipsa,
quæ admirari facilè nihil solet, ingeniorũ,
morumque exploratrix Roma mirata est.
Sed neque tu hoc à me obsequij genus desi-
deras; Et ego instituto meo alienum du-
xi, qui me votorum, vt dixi, finibus con-
tineo. Quare prosequantur alijs laudes tuas:
Et quæ præclara in te vel natura, vel stu-
dium effinxit, pro meritis efferant, si pos-
sunt: ingenij, qua polles, iudicijque felicitat-
em, doctrinam exquisitam, rerum maxi-
marum supra ætatem vsum ac prudentiã,
ingenitam modestiam, reliquarumque co-
ronam virtutum, sed pietatem in primis,
Et synceram fucique expertem religionẽ.
Ego destinatis semper votis insistam, pe-
tamque à Deo immortalis, vt quorum tibi
munerum est auctor atque largitor, eorum
perpetuò cumulum adaugeat. Tum honorẽ
hunc tibi, Ecclesieque tuæ ita fortunet, vt
a iij

decessorum tuorum tempora tua inui-
deant nulli, relinquant posteris, quod
amulentur. Hilarij ante omnes, quam
precipue optas, contingat imitatio: ut
quod elogium illi Galliae nostrae quondam
tribuerunt, hoc idem tibi aliquando Pieta-
ui referant, piaculo heresis beneficio at-
que ope tua liberati.

R^{ma} A.T.

Deditissimus

IAC. SIRMONDVS
SOC. IESV.



LECTORI.

*De Valeriani Episcopi Homiliis, & quo
tempore ac loco claruerit.*



VALERIANI Episcopi præter
Homiliam de bono disciplinæ,
quæ incerto antea nomine ia-
ctabatur, paucisque ab hinc an-
nis auctori suo restituta est, nihil
hactenus in lucem prolatum accepimus.
Quas nunc damus reliquas vnde-
uiginti, celeberrimo antiquæ Corbe-
iæ Monasterio debemus. Cuius vni-
cum quo vñ sumus, peruetustæ
sed parum castigatæ manus
exemplar, etsi Homiliam de bono
disciplinæ non habebat, & Ciui-
tatis nomen, in qua Valerianus
Episcopus sedit, non indicabat:
facilis tamen ex styli argumenti-
que similitudine coniectura fuit,
has illius germanas sorores esse,
omnesque ab vno & eodem
Valeriano editas, Episcopo Ceme-
lenensi. Neque hac in re quisquam
ni fallor repugnabit. Fuit autem
Cemelenum, siue vt posterior ætas
locuta est, Cemelum aut

Cemela, Vedianiorum in Alpibus maritimis oppidum, cis Alpem summam nono, sexto vt vetus Itinerarium docet vls Varū fluium lapide. Cuius hodieque prisca ruderū vestigia, nomenque haud procul Nicæa restat in colle, quem Cemelam vocant. Sed Cemelum Plinius lib. iiii. cap. v. & Ptolemæus in Italia locant, quia Italiæ initium à Varo ducunt: Itinerarium, quia Galliam iustis finibus ad Alpem vsq. summam porrigit, Galliæ adsignat. Et verò ad Galliam pertinuisse, fidem sine controuersia facit vetus Notitia ciuitatum Galliæ, quæ inter Alpium maritimarum ciuitates, quæ sub Ebreduno Metropoli censentur, sexto loco numerat Ciuitatem Cemelenesium. & Vsuardus in Martyrologio prid. Idus Maias; quo die S. Pontij Martyris natalem in Gallis, Ciuitate Cemela, sollemnē fuisse notat. eius nimirū, quem auctor noster sæpius triplici Homilia de bono Martyrij, sed tacito semper nomine cōmemorat. Cōstat ergo de Valeriani cathedra Episcopali. reliquum est vt quo sæculo vixerit inquiramus. Rem enim coniecturæ nostræ fecerunt Gennadius & Isidorus, alique illustrium scriptorum nomenclatores, qui illum prorsus ignorasse videtur: ita nusquā

cius meminerunt. Mihi verò ex cathedra ipsa Cemelenſi deprehēdere videor illum, ſub annum Chriſti CD. L. hoc eſt Leonis magni temporibus floruiſſe. Poſt Leonem enim, Leonis ipſius decreto, vt Hilari Papæ verbis epiſtola IV. docemur, Cemeliēſis ciuitatis, & Nicænenſis caſtelli Epiſcopi diuerſi non fuerunt: ſed iidem Cemeliēſes ſimul, quādiu Cemela ſtetit, & Nicænenſes. Quod videre eſt in Synodo V. Aurelianenſi, cui Actius preſbyter directus à Magno Epiſcopo Eccleſiæ Cemelenſis & Nicænenſis ſubſcripſiſſe legitur in antiquis exemplaribus, quæ integras eius Concilij ſubſcriptiones habent. nam mutilæ ſunt in excuſis. Quare Valerianum, qui Cemelenſis tantum Epiſcopus nuncupetur, ante Leonis decretum ſedem illā rexiffe oportuit. Atque vt quod ſentio dicam, omnino Valerianum hunc illum eſſe coniicio, ad quem & alios vicinarum Galliæ Prouinciærum Epiſcopos, ſcripta exſtat Leonis eiuſdem epiſtola de Vaſenſis Epiſcopi ordinatione, quam æternæ memoriæ Cardinalis Baronius ex Arelatenſi codice diuulgauit. Confirmorque in ſententia, quòd in illo Epiſcoporum numero Ingenuum video, Ebredunenſem, id eſt Valeriani Cemelen-

sis Metropolitanum Antistitem. Sed & alię
duę sunt epistolę, Leonis vna ad XLIV.
Episcopos Gallię, altera Episcoporum eo-
rundem ad Leonem; in quibus Ingenuus
& Valerianus pariter coniunguntur. Stylus
denique, optimus iudicandi magister, cha-
racterque dictionis Valerianę; grauis in-
quam ac splendida, & dignitatis succique
plena facundia, quę in his Homiliis elucet,
fatis hanc eius quam dixi ætatem prodit.
illam scilicet, qua Eucherius Lugdunensis,
Hilarius Arelatensis Episcopi, Vincentius
Lirinensis, Prosper, & Saluianus presbyte-
ri, Galliam nostram non dissimili eloquen-
tię laude & gloria decorabant. Vellem mo-
dò emendatiores nobis, & quales diser-
tissimus Episcopus pronuntiarat, edere li-
cuisset. Sed in tanta deprauati codicis labe
optandum id magis fuit, quàm sperandum.
Fortasse autem quod prima hæc editio non
potuit, altera præstabit. Tu interim præsen-
tibus, Lector, frui & vale.



EX VETERI CODICE

FLORIANCENSI, IN QVO

varia antiquorum Patrum

opuscula vel fragmenta.

Valerianus quoque Cemelenſis Epiſcopus
in libro de bono diſciplinæ. Bene, inquit, in
omnibus cauſis timor obtemperat diſciplinæ. qui pro hoc
ipſo quòd imminentes periculorum caſus aut iras iudicii
cauere nonit, poteſtatem conſeruanda ſalutis obtinuit.
& quæ ſequuntur, pag. 4. Homiliæ I.

INDEX HOMILIARVM

S. Valeriani Epiſcopi, quæ hoc
volumine continentur.

- I. De bono diſciplinæ.
- II. De arcta & anguſta via. I.
- III. Item de arcta & anguſta via. II.
- IV. De promiſſis & non redditis.
- V. De oris inſolentia.
- VI. De otioſis verbis.
- VII. De miſericordia. I.
- VIII. Item de miſericordia II.

- IX. *Item de misericordia. III.*
X. *De parasitis.*
XI. *Qui gloriatur in Domino gloriatur.*
XII. *De bono pacis conseruandæ. I.*
XIII. *Item de bono pacis conseruandæ. II.*
XIV. *De bono humilitatis.*
XV. *De bono martyrij. I.*
XVI. *Item de bono martyrij. II.*
XVII. *Item de bono martyrij. III.*
XVIII. *De Machabæis.*
XIX. *De Quadragesima.*
XX. *De auaritia.*
*Eiusdem epistola ad Monachos, De Virtutibus &
ordine doctrinæ Apostolicæ.*



S. VALERIANI
EPISCOPI CEMELIENSIS,

Homilia I.

DE BONO DISCIPLINÆ.

MULTI qui sanæ doctrinæ
aduersantur, iustitiam
culpant, & disciplinam
imperium esse iudicant,
ac rationabilem castigationem su-
perbiæ assignant: cùm non sit impe-
rium, nisi vbi aliquid iubetur iniu-
stum; nec sit superbia, nisi vbi negli-
gitur disciplina. Disciplina igitur
magistra est religionis, magistra veræ
pietatis: quæ nec ideo increpat vt læ-
dat, nec ideo castigat vt noceat. De-

A

nique mores hominum irata corri-
 git, inflammata custodit, ita Salomo-
Proh. 3. ne dicente: *Fili, ne deficias à disciplina*
Domini, neque fatigeris cum ab eo increpa-
ris. Quem enim diligit Dominus, increpat:
flagellat autem omnem filium quem reci-
pit. Nihil profectò est, quod non di-
 sciplina aut emendet, aut saluum fa-
 ciat. Quam si quis sapiens apprehen-
 derit, nec gratiam amicitiarum per-
 dit, nec periculum damnationis in-
 currit. Nemo disciplinam irrationa-
 bilem putet, sub qua videt vniuersis
 quæ in cælo, & sub cælo sunt, verbo
 operante compositis omnipoten-
 tis Dei stare consilium. In principio
 enim operis sui Deus nihil prius
 quàm disciplinam fecit. Nam cum
 assistente sapientia cælum suspen-
 deret, terram pararet, maria conclu-
 deret, & suis locis suisque tempori-
 bus cursum solis, lunæque globum
 disponderet, omnia sub disciplina cō-

stituit. Quid autem non esset tene-
brosum, quid non incompositum,
quid non haberetur absurdum, nisi
constitutis legibus cuncta starent
elementa? Nunquid sine disciplina
agitur solis cursus? qui quamuis diur-
ni itineris necessitatem infatigatus
impleuerit, ad officium tamen suum
matutinus occurrit, & se in parte cœ-
li quotidie terrarum spatia lustratu-
rus ostendit. Tanta est disciplinæ ra-
tio, vt intra temporum metas lege
conscriptas ita indefessi itineris alter-
nis vicibus syderum cursus agitetur,
vt nec Luna defectionis suæ damna
effugiat, nec Solem diurni luminis
flamma destituat. Nunquid sine di-
sciplina est, quòd tanti maris fluctus
humili terrarum litore continentur,
& in suo sinu frequenter incitata
ventis altior aggere vnda concludi-
tur? Omnia profectò insipiens natu-
ra confunderet, nisi mundum disci-

plinæ ratio gubernaret. Hæc ideo
proposuimus dicere, vt disceretis
obedire euangelicis præceptis, & cœ-
lestibus obtemperare mandatis.
Quid autem rationalem animam, &
ad Dei imaginem factam expediat,
facile potest homo intelligere, cum
videt sacratis per voluntatem Dei
constitutionibus disciplinæ etiam
elementa seruire. Audite Prophetam
Psal. 2. dicentem. *Seruite Domino in timore, &
exultate ei cum tremore. Apprehendite di-
sciplinam, nequando irascatur Dominus,
& pereatis de via iusta.* Benè in omni-
bus causis timor obtemperat disci-
plinæ: qui pro hoc ipso quòd immi-
nentes periculorum casus aut iras iu-
dicum cauere nouit, potestatem con-
seruandæ salutis obtinuit. Quid igi-
tur adultero castum? quid furi esset
tutum? quid latroni non peruium?
quis non expauesceret concaua lito-
rum, secreta sylvarum? quid non præ-

sumptio possideret, nisi furorem animorum sub metu pœnæ disciplina compesceret? Ac nisi constitutus esset ordo viuendi, uunquam profectò finem poneret natura peccandi. Nihil est quod non gula suadeat, si gulæ disciplina consentiat. Nihil est quod nō perdat luxuria, si amore vitiorum à te disciplina discedat. Nihil est quod non habendi ac possidendi cupiditate animus occupet, nisi auaritiæ vitium disciplina condemnet. Omnia sub metu disciplinæ vitia iacent. Iam non est in quo fides vnquā erubescat, si homo futurū Dei iudiciū respiciat, & causam reddendæ rationis intēdat: nec est in quo vindex scelerum flamma desæuiat, si intuitu disciplinæ aut quæ sunt honesta cogites, aut quæ sunt pudenda castiges. Multi ibi nomen crudelitatis imponūt, vbi pro amore disciplinæ crimē admissi sceleris supplicio vindicatur

latronis: cùm sententia iudicatis iustis legibus seruiat; & non solum præsens, sed etiam futuris manum porrigat. Quis igitur non licitò crederet se debere peccare, si impudicis & impiis actibus iudex non præscriberet disciplinam? Videamus quid lex loquatur: *Non occides, Non adulterabis, Non furaberis, Non falsum testimonium dices.* Hæc sunt disciplinæ legis, quib. etiam districtio sententiæ sæcularis obsequitur; impugnando turpia, resecando criminosæ. Nam adiicit scriptura: *Iudex non est vindex positus boni operis, sed mali.* ita ut etiam vicarium pœnæ genus exigat, cùm dicit; *Oculum pro oculo, dentem pro dente.* Sed istam antiquæ sententiæ seueritatem facile vitare possumus, si flammæ futuri iudicii cogitemus. Absolutè autem docet Paulus Apostolus posse contemnere sæcularis arma iudicii, qui dicit; *Si vis non timere potestatem, quod bonum est*

Exod.
20.

Rom. 13.

Leuit.
24.

Rom. 13.

fac. Sed hæc non otiosè tractanda sunt. Nam cùm de his terrenis potestatibus Apostoli doctrina commemorat, sensibus nostris cœlestis iudicij partes insinuat. Nam cùm docet seruiendum sæculi legibus, admonet necessariò hominem futuris cauere temporibus. Si vis, inquit, non timere potestatem, quod bonum est fac. Hoc est dicere, si vis non futurum timere iudicium, declina à malo, & fac bonum. Ergo hanc primam constitutionis formam, quæ sæculi legibus caret, cauere debemus & vincere, vt possimus à nobis illud præiudicium futuræ mortis excludere: quia quos ista temporalis non affligit pœna, hos illa in æternum insatiabili tormentorum persequitur dolore. Nemo autem illum homicidij crimen euasisse æstimet, quem excusatum sæcularis iudicij corrupti sententia absoluerit. Nec ille adulterij faci-

nus prætermiſſum putet, qui indulgentiæ lege deprehenſus euafit. Nemo cùm ſanam dexteram videt falſitatis reo, debita iure ſupplicia iudicet fuiſſe conceſſa. Defunctis corporibus ſalua ſunt crimina, niſi fuerint priùs apud Deum lacrymarù interceſſione purgata. Expectat enim reum ſuum gehenna debitis armata ſupplicijs. Ad confuſionem magis præſentis vitæ, non ad abſolutionem criminis, pertinet autoritas ſententiæ ſæcularis. Illa ergo nobis ſunt ante omnia cogitanda ſupplicia, vbi homo viuit durante pœna, vbi nec tormenta corpori, nec defunt membra tortori. Quæ tamen facilè vitare poſſumus, ſi habenas diſciplinæ teneamus, ita dicente Apoſtolo: *Si vis non timere poteſtatem, bonum fac, & habebis laudem ex ea.* Quis ſapiens non ad hæc diſciplinæ bona animum lætus adponat, vbi poteſt homo non ſolùm cri-

Rom. 13.

minis pœnam vitare, sed & gratiam
laudationis acquirere? Audite Pro-
phetam dicentem: *Apprehendite disci-^{psal. 2.}*
plinam, nequando irascatur Dominus, &
pereatis de via iusta. In hoc loco ad il-
los, puto, pertinet ista sententia, ad
quos nondum disciplina peruenit:
qui adhuc in deuijs morantur capti
antiquo superstitionis errore. Pro-
bantur enim sub lege nunquam vi-
xisse, qui admonentur vt apprehen-
dant studium disciplinæ. Sequitur in
hoc psalmo: *Ne quando irascatur Do-*
minus, & pereatis de via iusta. Igitur si
illos propheta statuit reos, ad quos
disciplina nunquam peruenit; quid
de illis iudicandum putamus, quos
disciplina destituit? Inter vtrorumq;
actus autoritas propheticæ lectionis
incusat minorem planè culpam non
peruenisse ad disciplinam, quàm le-
gem disciplinæ respuisse. Ecce dicit
Propheta: *Qui spernit disciplinam odit* ^{Prov. 15.}

animam suam. Et verè vt dixit ita est. Nam hostis est & inimicus animæ suæ, qui spretis disciplinæ monitis diabolicis occupatur officijs. Dicunt aliquâti disciplinam satis duris legibus constitutam. Loquantur ista factis miseri, quos ad omne facinus ille diabolus autor mortis inuitat; quorum mentes insatiabilis gula possidet; super quos regnat ebrietas; quos turpis luxuria captiuos tenet; & à quibus nunquam superbia ingrata discedit. Illis autè quibus est studium honestæ fidem seruare continentia, humilitati pietatiq; seruire, dulce disciplinæ onus est & leue iugum Domini, quod nō grauat nisi aut perditos aut perituros. Erubesco dicere in confusionem humanæ negligentia, quare apud aliquantos parum proficiat disciplina, cū videamus pastorale magisterium etiam apud muta animalia non perire. Doceant

nos ecce seruare ordinem disciplinæ
tam dociles equorum animi, cū in
gyrum ducti flexuosis gressibus mē-
bra componunt, & sub vnius habe-
næ retinaculo ita laxari se cōsentiūt,
vt & currendi & standi modus sub
quadā legū dispositione seruetur. Ita
quos natura numero diuidit, studio
disciplinæ coniungit. Videte quā
fortia boum corpora plauastro sub-
iaceant: quæ in tantum imperio ani-
mum parant, vt tumentia naturali-
ter leui iugo colla supponant. Ita dis-
ciplinæ constitutionibus seruiunt e-
tiam quæ in feritate nascuntur. Vnde
miror aliquoties hominem, cui inest
sapientia & intellectus prudentiæ,
passim præcepta disciplinæ negligere:
cū videamus mutū animal vitia ca-
uere, iussis obtēperare, imperio deser-
uire, atq. ita ad omnem obedientiā
animum aptare, vt cū opus fuerit
armatis legionib. occurrat, & hosti-

libus se telis iussu obiciat. Audite in hoc loco Prophetam dicentē:

Esa. i. Cognouit bos possessorem suum, & asinus praesepe domini sui: Israel autem me non cognouit. Vereor dicere, ne nostram negligentiam pulset ista sententia. non autem cognoscit Dominū, qui conditionis suæ non cognoscit officium. Ostendam sanè quomodo Dominus possit aut inueniri, aut cognosci, si tamen est animus videndi. Si vis videre Dominum, require medicum, suscipe peregrinum, visita infirmum, curre ad carcerem. Si vis videre Deum, vincula captiuitatis absolue, nodos iniquitatis incide. Audi de hoc Dominum dicentem. *Esuriui, & dedistis mihi manducare: sitiui, & dedistis mihi bibere; hospes fui, & suscepistis me: nudus fui & cooperuistis me: infirmus fui & visitastis me: in carcere eram, & venistis ad me.* Moneo itaque ne despicias nudum, ne cæco manū subtra-

Matth.
25.

has, ne inuolutum pannis contemnas. In hac enim veste primū Dominus cū à Magis quēreretur, inuētus est. Et quia de disciplina fecimus mentionem, sub qua fides Christiana viget, necesse est vt omnia in aures vestras vitæ ornamenta deferantur, vt intelligat vnusquisque parum sibi prodesse conuersionis famam, nisi in contēptu mundi amauerit disciplinā. Ergo cui studium est Christum colere, prius cordis sic corporis indumenta suscipiat. Omnis igitur vita religionis professæ, integritatis debet famam sentire, ne quē expectat corona virtutis, pudoris damno feriat. Corporis integritas vitam muniat, integritatem fides incontaminata custodiat, vt manente vtriusque partis beneficio immaculatum hominem faciat regnare cum Christo. Sed in hoc solo constat conuersionis nostrę ratio, vt boni simus.

Laborandū igitur illi ante omnia est, ut qui bonitatē sequitur, bonus esse iudicetur. Nam quamvis homo purū corpus immaculatumque custodiat, laceratam vitam ad Deum portat, cuius actus vultum infamat, licet sciamus conscientiam solam bonis actibus posse sufficere. Sed quanto melius est ut sēper de te beneficiat, qui circa ianuam tuam vanis suspicionibus frequenter ægrotat? Infitū est enim naturaliter vulgo, ut de bonis malè semper iudicet. Sed tu qui curam bonæ famæ colis, studio tuo gratiam integræ opinionis acquire. Vita ergo nostra ita sit lucida, ut sit omnibus nota. Integritas religioni, pudor seruiat humilitati. Quē amor tenet seruandæ integritatis, ante omnia falsi ad se famam non admittat erroris. Magnum est quidem, & gloriosum, & usque ad cœlum omnium ore proferendum, nū-

quam malis actibus locum dedisse:
sed multo fortius est nūquam falsis
suspicionibus laborasse. Quid enim
tibi prodest sobrietas, si vitia ebric-
tatis exerceas? Quis te non ebrium
iudicet, si inter effluentes vino cali-
ces saltantium gyros imiteris? Quis
te castum putabit, si te viderit mere-
tricum fabulis mixtum scenico ser-
mone composiris, aut loquentē tur-
pia, aut inhonesta resonantem? Lau-
do quidem conscientiam castitatis
in te, sed odi colloquium meretricis.
In quo loco fortasse dicat aliquis,
Sufficit mihi pura conscientia. Quā-
tum ad innocentiam pertinet, tibi
soli sufficit. Sed providēdū est ne faci-
litate tua alter peccet, & alienū pec-
catū in te redundet, iuxta illud quod
dicit scriptura, *Vē illi per quem scan-
dalum venit.* Quamvis autem pretioso
serico corpus vestias, & niueo velle-
re membra componas, non sine ma-

cula diem transigis, si camini ardentis ora cōtigeris. In omni igitur actu tuo vitam tuam disciplina comite-
tur. Si vis placere Christo, elabora ut professionem tuam fides adiuuet, fama commendet. Præcedat vos patientia humilitatis socia, assistat pudicitia integritatis magistra: fugiat cupiditas, erubescat ebrietas, luxuria actus suos lugeat, superbia confusa discedat. Quicumq. igitur est qui festinat Deū agnoscere, sub hoc disciplinæ ordine Christum nostrū poterit inuenire. Multa quidē superabāt adhuc, dilectissimi, quæ disciplinæ ratio suadebat aperire: quæ interim putauimus differenda, ne otiosis auribus fastidium pareret longa narratio. Sanè ne quid in hoc opere subtraxisse videamur, elaborabimus ut ea quæ religiosis actib. competunt, sequenti tempore disseramus.

S. VALERIANI EPISCOPI
CEMELIENSIS

Homilia II.

DE ARCTA ET ANGVSTA VIA.

MVLTI^S atque innumeris disciplinæ legibus, dilectissimi, sicut audistis Euangelistam dicentē, viuendi rationem Christus noster instituit; & diuersis modis renascenti populo viam salutis ostendit: nihilq. occultum esse voluit, quod animam aut saluaret aut perderet: ne res tanto pretio cōparata diabolicis superstitionibus ignorantia vitio decepta seruīret. Sed quod peius est, parum prodest medicina morituris: & ideo difficilis est via salutis, quia facilior est semper exitus mortis: ita scriptura dicente, *Quàm ampla & spatiosa via* Matt. 7 *est, quæ ducit ad mortem, & multi sunt qui intrant per eam! Quàm arcta & an-*


gusta via quæ ducit ad vitã, & pauci sunt qui inueniunt eam! Mirantur fortasse aliqui, quare Euangelista amplam & facilem dicat esse viã mortis, cùm iter vitæ toto artetur accessu. Cui autem vnquam difficilis fuit ad inferiora descensus, vbi homo onere suo trahitur, & fascis sui victus mole portatur? Multa sunt autem quæ viam prosperæ salutis impediant. In quo loco illos specialiter mortis iniuria persequitur, quibus vanitas & crudelitas dominatur. Concurrunt præterea in præiudicium vitæ dissensiones, æmulationes, lites, rixæ, sacrilegia, adulteria, homicidia, fraterna odia, parricidalia consilia, falsitibus armata periuria: quæ non solû ascendentem impediunt, sed etiam in profundum Tartari mergunt. Quando ergo fieri potest, vt ille homo facilè ad superiora perueniat, quem tanta vitia impediunt? *Arcta*

Et angusta via est, quæ ducit ad vitam.
Hæc est illa via, dilectissimi, per quam iusti pergunt, & sancti, immaculatique gradiuntur: per quam illis iter est, qui humilitate, integritate, sanctitate præditi, indefessi Christum nostrum prosequuntur. Huius ergo viæ & eligendus nobis, & munendus accessus est: quia sicut est arduus, ita & peruius. facile autem se volentibus præstat, si non aut vanitas impediatur, aut fallax huius mundi ornatus obsistat. Liberum autem & exutum omnibus impedimentis illum esse conuenit, qui iter ardui montis adgreditur. Sicut autem videmus iniusto fasce vacillare vestigia; ita multis lapsibus subiacet anima, si fuerit iniquis actibus occupata. Vnde exonerandum corpus est sæcularibus desideriis impeditum: ne per ardua & excelsa tendentibus, aut periculum mortis incumbat, aut desperatio la-

boris ad crescat. Quis igitur sapiens animal suum impeditum sarcinâ per angustum iter dirigat, cuius vnû latus excelsi môtis moles premat, aliud rupes præceps adstituatur; vbi si temeritas præualuerit, aut reuertendum est, aut euadendum? Similis est & hominis illius causa, qui viam religionis ingressus est. Opus est ergo, vt semper resecet quæcunque aut inhonesta videantur, aut turpia, qui animâ suam ad cœlestem gloriam desiderat peruenire. Non sine causa autem

Matt. 19 dicit Dominus, *relinque bona tua, & sequere me.* Bona ista, dilectissimi, mala nostra sunt, terrenis actibus enutrita: quibus dum aliquanti nimium ad tentem seruiunt, cœlestia perdiderunt. Si vultis itaque vt vobis pateat cœlestis ianua, remouenda sunt omnia, & pœnitentiæ deputanda sunt, quæcunque in excidium vitæ negliger & incôuenienter vsitata sunt.

Difficile autem est, vt ad ea, quæ præparauit Dominus credentibus in se, tibi perueniendi sit aditus, nisi onustum vitij peccatus exoneres, atque omnes iniustitiarum culpas religiosæ disciplinæ auctoritate compescas. Superfluè autem te putas ardui itineris & viæ asperæ semitas tenere, si animæ impediaris errore. Ponite vobis denique, si videtur, ante oculos duos ad superiora tendentes; quorum vnus graui pondere onustus pergat, alter leui tantum baculo nixus incedat: & videbitis quis facilius ad superiora perueniat. Respicite prius ad illum qui grauatur onere: & videbitis hominis illius pendetia retrorsum festinare vestigia, atque ita flexo genu incedere, vt putetur redire. Modò descédenti, modò cadenti similis ita in diuersam partem peduli itineris toto corpore per singula momenta iactatur, vt ipsa necessitas ambulandi pene plus



desperationis habeat, quàm laboris. Conuertite modò oculos vestros ad illum, cuius ceruicibus nihil ponderis imminet: & videtis quàm liber incedit. quàm facile illi est per ardua exutis ire plantis, & in locis scrupulis pendulis hæere vestigijs. Nunc leui cursu procerus attollitur: nunc per diuersa tota animi alacritate portatur: vt ostendat difficultatem locorū liberis nō impedire corporibus; nec laboriosa esse cuiquam itinera, quāuis sint ardua, si exoneretur mens iniustis ponderibus occupata. Similis est, dilectissimi, ratio siue his, quos iniqui actus onerant; siue illis, quos veteri exutos culpa pœnitentiæ lacrymæ commendant. Debet itaque quæ sunt onerosa deponere, qui vult ad iudicium securus venire: & terrena contemnere, cui est animus cœlestia possidere. Sanè, dilectissimi, quo facilius illius ardui itineris exupere-

mus angustias, sinceræ mentis adhibenda sunt studia: & remouendū si quid litium aut infelix sermo seruit, aut in opprobrium domus alienæ iniuriæ fortè veneni lingua commouit. Æstimari autem non potest, quantum impediunt viam vitæ vitia indisciplinatæ linguæ: quæ dum nimium loquendo organum sui oris exercet, odia aduersum se etiam de otiosis sermonibus excitauit. Nam *Matt. 12* dicit Dominus etiam de otiosis sermonibus rationem esse reddendam. Videte ergo quid illi futurum sit, quem causa culpæ principalis impugnat: cū non sit sine periculo animæ ad iudicium etiam leuia quæcūque portare. *Arcta & angusta est via, quæ ducit ad vitam.* Quicumque ergo est sapiens, primo loco iactet à se impedimenta mundi, & muniat iter suum studio disciplinæ. remoueat intercedente pœnitentia quæcunq.

per negligentiam videntur imposita: nec secum portandum putet, quicquid gloria secularis imposuit: quia licet sint per se graua, fiunt tamen itineris difficultate grauiora. Fortè aliquātis in hoc seculo nimum delicatis angusti & ardui itineris necessitas desperationē parit. Et verè habet hoc ratio, ut aspera quæq. & difficilia rudis animus expauescat. Sed quid facimus, quod nulla deliciosis militib. virtutum patet ianua? Quis autem fructus laboris esset, si per plana discurreres? aut quando te ad locum paratum venisse gauderes, si sine iniuria corporis peruenires? Quis vnquam otiosus trophæa composuit? aut quis circumstantibus vndique hostium legionibus ad victoriam dormitando peruenit? Parum laudis habet virtutum corona, quæ ex labore nō descendit. Potest quidem habere palmam, sed non habet gloriam. Quando fuit ut

agricola horrea sua otiosus impleat?
aut quis vnquam legitimo tempore
agri sui fructum recepit, nisi prius
multiplicato rudem terram sulco
confecerit? Hæc est autem magnarū
ratio virtutum, vt quāto plus homo
laborat, tanto plus mercedis acqui-
rat. Videamus tamen, qualis ista via
mortis sit, quam Euangelista dicit
amplam, & spatiosam, & fluctibus
plenā: quæ quamuis referta sit mor-
tibus, nunquam tamen desinit susci-
pere criminosos. Est enim huius
naturæ, vt citò ad se perituros in-
uitet. facile autem se illis præbet,
quos disciplina destituit. In com-
paratione autem plani & angu-
sti itineris, nihil viatori periculo-
sius spatiosis itineribus: quia si-
ne disciplina curritur, vbi equo-
rum habenæ laxantur. atque ita
fit vt multos porta mortis reci-
piat: quia vbi liberiùs pergitur,

faciliùs peruenitur. Audite Dominũ
Mat. 16 dicentem, *Tolle crucem tuam, & seque-*
re me. Facilem profectò homo illius
ardui itineris non expauescit acces-
sum. Quare autem illum labor con-
turbet, cui alter manum porrigit?
Quisque igitur per ardua alterius la-
tere regitur, necessitatem cœptæ rei
diuiso itineris labore hortatur. Et id-
eo potest fieri, vt ad promissa regni
præmia non dubiè perueniat, qui ad
superiora Domino comitante festi-
nat. Sed deponendum est. priùs, di-
lectissimi, sicut superiùs diximus,
quicquid humanis corporibus infe-
lix sæculi error imposuit: ne fortè nos
peccatorum mole obiecta ad illa re-
muneracionis tempora aut non pa-
tiantur peruenire; aut si perueneri-
mus, cœlestis regni portas non per-
mittat intrare. Sed dicis, Non possu-
mus peruenire. certis experimentis
agitur. videmus enim frequenter

multos infalutato patre familias iā-
nuā teste discedere. quos tamen ne-
quitia, aut malitia, aut perfidia, aut
luxuria, aut superbia facit exosos.
Contempletur vnusquisq. vestrū
diabolicæ præsumptionis offensam:
& intelliget quantum superbia gra-
uet hominem ad superiora tenden-
tem; vel in quo statū sit positus, cui
elationis spiritus dominatur. Audite
de hoc Dominum dicentem: *Humi-* Iacob 4.
libus Deus dat gratiam, superbis resistit.
Sed nec minus impeditur necessitas
huius itineris vitio cupiditatis: quæ
dum vult nimia pecuniæ mole gau-
dere, diuitem in regnū cælorum nō
permittit intrare, ita Domino dicē-
te, *Amen dico vobis, quia difficile est diui-* Mat. 19
tem intrare in regnum cælorum. Hinc
ebrietas, luxuriæ malis conscia, non
parum humanis corporibus oneris
indicit: quæ dum impudicis actibus
seruit, infelicem hominem à confor-

tio regni cœlestis exclusit. Obsidet etiam angusti itineris secretum crudelitas cum impietate coniuncta: quæ dum cruentis legib. mortis instituit, cœlestis gloriæ clausit viam: ita Apostolo dicente, *Non fures, non auari, nō ebriosi, non maledici, non rapaces regnum Dei possidebunt.* Ad hæc ergo quæ diximus, pugnandum nobis est studio disciplinæ, vt perueniamus ad locū vitæ. Adhibenda magis est itineri nostro pietas, misericordia, humilitas, integritas, castitas, sobrietas, pax, fides, caritas. Non autem prius ad locum promissæ hæreditatis peruenies, nisi sub hoc vitæ studio onustū prius vitijs corpus exueris.

S. VALERIANI EPISCOPI
CEMELIENSIS

Homilia III.

ITEM DE ARCTA ET
angusta via.

OMNIS homo, cui est cura Deū
videre, & cœlestia regna con-
tingere, facilè potest intelligere, an-
gusti & ardui itineris necessitates ad
vitæ compendium pertinere; & spē
obtinendæ gloriæ in labore consi-
stere. Nihil est enim quod nō labor
exsuperet: si tamen in alteram partē,
vt assolet, animus non declinet. Cō-
stat autē illi omnes difficultates oc-
currere, qui illius spatiosæ viæ dele-
ctatur errore. Audite Euangelistam
dicentem, *Quàm ampla via & spatiosa*
est quæ ducit ad mortem, & multi sunt,
qui intrant per eam! quàm arcta &
angusta via est, quæ ducit ad vitam,
& pauci sunt qui inueniunt eam!

Nō dubito quōd aliquātis in ordine
cœlestis militiæ cōstitutis desperatio-
nem faciat, quōd cœlestis militiæ ar-
dui itineris artatur accessus. Et verè,
dilectissimi, non solum arduum, sed
etiam difficile & plusquam laborio-
sum est ad celsiora tendentibus. Sed
inuitis desidiōsis, & occupatis negli-
gentibus, sine dubio etiam per plana
necessitas laboris adcrefcit. Quāvis
autem sint aspera & difficilia, quæ-
cunque sunt in excelsis posita; non
dubiè fit vt in apertum campum ve-
niant, si itinerantibus nihil despera-
tionis occurrat. Omne igitur opus,
dilectissimi, in quo studium huma-
næ conuersationis inuigilat, volun-
tarium requirit officium. Nā inæsti-
mabile est, quantum difficultatis ad-
crefcet, si hominem voluntas in ma-
xima rerum necessitate decipiat. Nū-
quam ille bene iter ardui montis ad-
greditur, cui desperatio dominatur.

Quando autem potest fieri, vt corpus adsuescat labori, nisi voluntas obtemperet laboranti ? Respice & vide, quàm citò ad terram resilit, qui equum trepidus adscendit : vel quãtis laboret angustijs, qui inuitus altũ mare nauigaturus ingreditur. Religio Christiani nominis, in qua vocati sumus, liberi arbitrij suscepit officium. ad quam si quis inuitus venerit, oneri onus addit, & exutis antiqua lege corporibus desperatæ vitæ pondus imponit. Inde est quòd multos porta mortis recipit : quia perituris semper vitæ difficultas occurrit. Necessarium itaque, vt qui ad libertatis viã peruenit, si quid in se est infidelitatis, refecet, & cœleste testimonium studio voluntariæ seruitutis accumulet : ne homo tantis Deo beneficijs obnoxius, in paruis officijs inueniatur ingratus. A negligentib. & imperitis seruitium Deo debitum

fortè iudicetur onerosum , ex hoc quòd nullum tempus vacationis excipiat. Omnem hominem Deus, nò solùm ad libertatem vocauit, sed etiam in summa rerum dignitate còstituit. Ipse autem sibi seruitium indicit, qui inuitus seruit. Nam si volùtati seruitiũ accommodes, nò te famulum Dei inuenies esse, sed filium. Ná ita dicit Propheta voce Domini:

1. Cor. 6 *Ego ero vobis in patrem , & vos eritis mihi in filios & filias, dicit Dominus omnipotens.* Conditionis nostræ, dilectissimi, talis est seruitus, vt laudemus semper Dominum nostrum in operibus suis, & extollamus eum in claritate maiestatis suæ voce continua. Quid autem præter hoc humanum indiget inuisibilis, incomprehensibilis , inæstimabilis gloriæ potestas? aut in quo corporale requirat officium, cui chorus obsequitur Angelorũ? Illa est seruitus intolerabilis, quam

quam indicit tyrannicæ hoc est diabolicae dominationis superbia, impiæ captiuitatis iniuria. ad officiũ verò, non ad seruitium pertinet voluntariè superiori personæ exhibere famulatum. Audite Prophetam dicentem : *Voluntariè sacrificabo tibi Domine.* *Psal. 53.* Discite quantum distet. inter addictam & voluntariam seruitutem. Nunquam potest fieri, vt sine offensa diem transigat, quem negligentia addictæ seruitutis accusat. Qui ex voto Domino suo paret, acquirit gratiam: inuitus, ad cumulauit iniuriam. ita Propheta dicente : *Maledictus homo,* *Ier. 48.* *qui facit opera Domini negligenter.* Si consideret vnusquisq. veltrũ gratiam adhibitæ libertatis, quam Christus noster fidelibus populis per regenerationem vitalis lauacri & Spiritus sancti effusionem concessit: intelligit non otiosè Domino seruiueridum ; cui quàmuis quodlibet

per negligentia videntur imposita: nec secum portandum putet, quicquid gloria secularis imposuit: quia licet sint per se graua, fiunt tamen itineris difficultate grauiora. Fortè aliquātis in hoc seculo nimiū delicatis angusti & ardui itineris necessitas desperationē parit. Et verè habet hoc ratio, vt aspera quæq. & difficilia rudis animus expauescat. Sed quid facimus, quòd nulla deliciosis militib. virtutū patet ianua? Quis autem fructus laboris esset, si per plana discurreres? aut quando te ad locum paratum venisse gauderes, si sine iniuria corporis peruenires? Quis vnquam otiosus trophæa composuit? aut quis circumstantibus vndique hostium legionibus ad victoriam dormitando peruenit? Parum laudis habet virtutum corona, quæ ex labore nō descendit. Potest quidem habere palmam, sed non habet gloriam. Quando fuit vt

agricola horrea sua otiosus impleret?
aut quis vnquam legitimo tempore
agri sui fructum recepit, nisi prius
multiplicato rudem terram sulco
confecerit? Hæc est autem magnarū
ratio virtutum, vt quāto plus homo
laborat, tanto plus mercedis acqui-
rat. Videamus tamen, qualis ista via
mortis sit, quam Euangelista dicit
amplam, & spatiosam, & fluctibus
plenā: quæ quamuis referta sit mor-
tibus, nunquam tamen desinit susci-
pere criminosos. Est enim huius
naturæ, vt citò ad se perituros in-
uitet. facile autem se illis præbet,
quos disciplina destituit. In com-
paratione autem plani & angu-
sti itineris, nihil viatori periculo-
sius spatiosis itineribus: quia si-
ne disciplina curritur, vbi equo-
rum habenæ laxantur. atque ita
fit vt multos porta mortis reci-
piat: quia vbi liberiùs pergitur,

facilius peruenitur. Audite Dominū
Mat. 16 dicentem, *Tolle crucem tuam, & seque-*
re me. Facilem profectò homo illius
ardui itineris non expauescit acces-
sum. Quare autem illum labor con-
turbet, cui alter manum porrigit?
Quisque igitur per ardua alterius la-
tere regitur, necessitatem coeptæ rei
diuiso itineris labore hortatur. Et id-
eo potest fieri, vt ad promissa regni
præmia non dubiè perueniat, qui ad
superiora Domino comitante festi-
nat. Sed deponendum est prius, di-
lectissimi, sicut superius diximus,
quicquid humanis corporibus infe-
lix sæculi error imposuit: ne fortè nos
peccatorum mole obiecta ad illa re-
munerationis tempora aut non pa-
tiamur peruenire; aut si perueneri-
mus, cœlestis regni portas non per-
mittat intrare. Sed dicis, Non possu-
mus peruenire. certis experimentis
agitur. videmus enim frequenter

multos in salutato patre familias in-
nua teste discedere. quos tamen ne-
quitia, aut malitia, aut perfidia, aut
luxuria, aut superbia facit exosos.
Contempletur vnusquisq. vestrū
diabolicæ præsumptionis offensam:
& intelliget quantum superbia gra-
uet hominem ad superiora tenden-
tem; vel in quo statu sit positus, cui
elationis spiritus dominatur. Audite
de hoc Dominum dicentem: *Humi-* Iacob 4.
libus Deus dat gratiam, superbis resistit.
Sed nec minus impeditur necessitas
huius itineris virio cupiditatis: quæ
dum vult nimia pecuniæ mole gau-
dere, diuitem in regnū cælorum nō
permittit intrare, ita Domino dicē-
te, *Amen dico vobis, quia difficile est diui-* MAT. 19
tem intrare in regnum cælorum. Hinc
ebrietas, luxuriæ malis conscia, non
parum humanis corporibus oneris
indicit: quæ dum impudicis actibus
seruit, infelicem hominem à confor-

tio regni cœlestis exclusit. Obsidet etiam angusti itineris secretum crudelitas cum impietate coniuncta: quæ dum cruentis legib. mortis instituit, cœlestis gloriæ clausit viam: ita Apostolo dicente, *Non fures, non avari, non ebriosi, non maledici, non rapaces regnum Dei possidebunt.* Ad hæc ergo quæ diximus, pugnandum nobis est studio disciplinæ, vt perueniamus ad locū vitæ. Adhibenda magis est itineri nostro pietas, misericordia, humilitas, integritas, castitas, sobrietas, pax, fides, caritas. Non autem prius ad locum promissæ hæreditatis peruenies, nisi sub hoc vitæ studio onustū prius vitij corpus exueris.

S. VALERIANI EPISCOPI
CEMELIENSIS

Homilia III.

ITEM DE ARCTA ET
angusta via.

OMNIS homo, cui est cura Deū
videre, & cœlestia regna con-
tingere, facilè potest intelligere, an-
gusti & ardui itineris necessitates ad
vitæ compendium pertinere; & spē
obtinendæ gloriæ in labore consi-
stere. Nihil est enim quod nō labor
exsuperet: si tamen in alteram partē,
vt assolet, animus non declinet. Cō-
stat autē illi omnes difficultates oc-
currere, qui illius spatiosæ viæ dele-
ctatur errore. Audite Euangelistam
dicentem, *Quàm ampla via & spatiosa*
est quæ ducit ad mortem, & multi sunt,
qui intrant per eam! quàm arcta &
angusta via est, quæ ducit ad vitam,
& pauci sunt qui inueniunt eam!

Nō dubito quōd aliquātis in ordine
cœlestis militiæ cōstitutis desperatio-
nem faciat, quōd cœlestis militiæ ar-
dui itineris artatur accessus. Et verè,
dilectissimi, non solum arduum, sed
etiam difficile & plusquam laborio-
sum est ad celsiora tendentibus. Sed
inuitis desidiosis, & occupatis negli-
gentibus, sine dubio etiam per plana
necessitas laboris adcrefcit. Quāuis
autem sint aspera & difficilia, quæ-
cunque sunt in excelsis posita; non
dubiè fit vt in apertum campum ve-
niant, si itinerantibus nihil despera-
tionis occurrat. Omne igitur opus,
dilectissimi, in quo studium huma-
næ conuersationis inuigilat, volun-
tarium requirit officium. Nā inæsti-
mabile est, quantum difficultatis ad-
crefcet, si hominem voluntas in ma-
xima rerum necessitate decipiat. Nū-
quam ille bene iter ardui montis ad-
greditur, cui desperatio dominatur.

Quando autem potest fieri, vt corpus adsuescat labori, nisi voluntas obtemperet laboranti? Respice & vide, quàm citò ad terram resilit, qui equum trepidus adscendit: vel quãtis laboret angustijs, qui inuitus altũ mare nauigaturus ingreditur. Religio Christiani nominis, in qua vocati sumus, liberi arbitrij suscepit officium. ad quam si quis inuitus venerit, oneri onus addit, & exutis antiqua lege corporibus desperatæ vitæ pondus imponit. Inde est quòd multos porta mortis recipit: quia perituris semper vitæ difficultas occurrit. Necessarium itaque, vt qui ad libertatis viã peruenit, si quid in se est infidelitatis, refecet, & cœleste testimonium studio voluntariæ seruitutis accumulet: ne homo tantis Deo beneficijs obnoxius, in paruis officijs inueniatur ingratus. A negligentib. & imperitis seruitium Deo debitum

quam indicit tyrannicæ hoc est diabolicæ dominationis superbia, impiæ captiuitatis iniuria. ad officiû verò, non ad seruitium pertinet voluntariè superiori personæ exhibere famulatum. Audite Prophetam dicentem : *Voluntariè sacrificabo tibi Domine.* Psal. 53. Discite quantum distet inter addictam & voluntariam seruitutem. Nunquam potest fieri, vt sine offensa diem transigat, quem negligentia addictæ seruitutis accusat. Qui ex voto Domino suo paret, acquirit gratiam: inuitus, ad cumulauit iniuriam. ita Propheta dicente : *Maledictus homo, qui facit opera Domini negligenter.* Ier. 48. Si consideret vnusquisq. veltrû gratiam adhibitæ libertatis, quam Christus noster fidelibus populis per regenerationem vitalis lauacri & Spiritus sancti effusionem concessit: intelligit non otiosè Domino seruiendum ; cui quàmuis quodlibet

quotidie honoris aut muneris exhibeamus, nunquam tamen persoluimus quod debemus. Quando autem est, ut ille persoluat debitum, quem constat vicario pœnæ munere comparatum, nisi fortè pro amore redemptoris se simili sententia aut mortis, aut damnationis excipiat? Sed dum ista fortissimis quibusq. proueniunt, nos vel quod solum possumus, Christo nostro quotidie gratiarû hostias immolemus: ut si alios commendât virtutum merita, nobis salté locum gratiæ faciant voluntariæ seruitutis officia. Exoneremus ante omnia corda nostra impia contagione, ut fructus possimus nutrire iustitiæ. debet enim ex integro terrenis actibus abrenunciare, qui vult cœlestibus mandatis satisfacere. Nam sicut homo nunquam inuitus bene seruit: ita nec occupatus bene commendata custodit. *Voluntariè sacrificabo tibi. Nô*

ſine cauſa Prophetæ hac ſe Domino
voce commēdat. Sciebat neceſſariò
multos dubio corde ſeruire; & aliud
ore promittere, aliud pectorum ſe-
creto diſponere. *Voluntariè ſacrificabo*
tibi. Quamuis parua, ex voto offeren-
tis magna ſiunt munera. conſumūt
verò auctorem ſuum beneficia, quæ
conſtiterint extorta: ſic deniq. ſem-
per plangit quod erogauit, qui con-
uiuium inuitus inſtituit. *Voluntariè*
ſacrificabo tibi. hoc eſt volūtario ſacri-
ficio. Vt auctori tuo oris munuſcu-
la quotidie lætus exhibeas, eiùs ſacri-
ficio laudis verborum ſuauitate
componas; atque ad officium operis
deputati deuotus occurras. Audite
Prophetam dicentem: *Voluntaria*
oris mei fac beneplacita Domine. Cùm
ergo conuenimus ad Eccleſiam, di-
rectiſſimi, ante omnia ſecreta pecto-
ris noſtri fides veritatis auxilio muni-
a poſſideat: vt enim purum & im-

Psalm. 118

maculatum Deus diligit, non falsitate obsessum, non periuriis occupatum, non fictum, non dubium. leuitatis enim perfectæ hæc sunt indicia, aut sanctitatis amor, aut studia disciplinæ. hoc est immaculatam hostiam sacrificijs exhibere, tota Domino fideliter mente seruisse. Seruitij autem nostri hæc est ratio, vt beneficia Christi nostri semper recolas: & in quo religiosæ fidei labore profeceris, auctori tuæ libertatis adsignes. Inter omnia custodias præcepta iustitiæ, vni Deo seruias, Trinitatis tamen honore seruato. Vnam fidē, vnum baptisma credas. Patris, ac Filij, vel Spiritus sancti vnam claritatis confitearis essentiam. nec diuisa voluntate cuiusquam aut præcedere, aut regnare personam. sed Patrem & Filium, & Spiritum sanctum vnius potestatis, vnius credas esse virtutis. Ita igitur fit, vt illud ar-

duum & angustum iter in æternum
victurus exsuperes: atque ea quæ iu-
stis laboribus in cœlesti parte pro-
missa sunt, non dubiè consequaris, si
per hos disciplinæ gradus excurras,
& vitæ tuæ tempora sub hac viuendi
lege disponas.

HOMILIA. IV.

De promissis & non redditis.

SI homo obnoxius beneficijs, di-
lectissimi, promissioni suæ satis-
faceret, & studio deuotionis implē-
dæ fidem placitis exhiberet, neminē
vnquam repetitio debiti ingrata cō-
funderet: nec esset cuiquam impu-
tandi locus, si mox promissi muneris
votū sequeretur effectus. Sed inde est
quòd interdum amicitiarū fides læsa
suspirat; quia necesse est aliquotiens
homini aut redibitionis increpare

morā, aut debitoris exprobrare perfidiā. Inimicitias enim dixisse est promissa denegasse. quia ad litem pertinet, si quid aut hic inuitus reddit, aut ille per moras exacerbatuſ exigit. Audistis Prophetam dicentem, *Sicpsallā*
Psal. 60 *nomini tuo Deus in ſeculum ſeculi, vt reddam vota mea de die in diem.* Inſinitū eſt, dilectiſſimi, quid beneficia gratiæ capiant, ſi ante diem creditorem ſuū debitor ſolutione præueniat. Quicūque autem commodatam pecuniā ultro reddiderit, ſibi reponit. Non difficile enim homo cū opus fuerit quodlibet impetrat, ſi fœneratori ſuo celeri ſatisfactione reſpondeat. Ille verò quem perfidia arguit, ſemper creditoris ſui ianuam clauſam inuenit: & quamuis frequenter pulſet ac ſupplicet, triſtis & vacuus cum increpatione recedit. Si ergo homo homini mentiēdo aduerſum ſe odia excitat; quanto magis ſi Deo fallat,

& cœlestis maiestatis Dominum lubrica promissione decipiat? Ideo hæc proposuimus, dilectissimi, quia solent aliquanti imminentibus periculis ita animorum vota componere, ut accedente tempore obliuiscantur se aliquid Domino promississe. Hic hostiam corporis sui offert: ille pœnitentiæ lacrymas repromittit. alius in amore Ecclesiarum, alius in honore Sanctorum voti reus extitit. Sed ista tam facile est promittere, quam negare. circa quos tamdiu durat spes deuotionis implendæ, quâdiu dolor sentitur in capite. Ita paulatim consuescit promissa denegare, postquâ mortem cœperit non timere. Et miramur quare aliquotiens Dominus undantibus lacrymis tam tardè respondeat, nec exaudiat supplicantium voces iustis doloribus seruientes? Miramur quare non sollicito agricolæ lectior se solito cultura cõponat? quare

nô fecundo cespite multiplex spica
parturiat ? quare non pingues oleæ
exhibeant pretiosa commercia ? qua-
re non plenis torcularibus fudet co-
piosa vindemia ? Nemo hîc terræ
imputet. nemo intemperiem aëris
accuset. manus arida nihil colligit:
aut si collegerit, mox amittit. Infru-
ctuosi agricolæ sēper vacua & otio-
sa sunt horrea. Nam & inde descen-
dit, quòd aliquotiens non inuenit
medicina quos sanat. Difficile est vt
medicus manū fideliter accommo-
det, quem frequenter languentis
promissio vana destituit. Ecce hic fi-
lij sui infirmitate suspirat, & Sancto-
rum ianuas die noctūque precibus
inquietat. Hæc mariti, ille vxoris suæ
valetudine afflîctus, secretum pecto-
ris sui pulsat, & flebili oratione auxi-
lium cœlestis miserationis implorat,
se suumque munus Deo offerens.
Sed ista succedentib. votis videmus

aliquotiens vniuersa subito animum
excedere, vt æstimes miseros obli-
uionis magis bibisse poculum, non
salutis. Ita non semper fallacibus vo-
tis profutura respondent. Quando
autem est, vt beneficium inueniat
qui debitum non reportat? Nô potest
feri ne aliquâdo suæ perfidiæ pœnas
patiat, qui inanibus verbis patientiam
iudicis frequenter inluserit. Inde est
quod otiosis Dei auribus hominum
preces euanescent, nec habet effectum
intercessio lacrymarum: quia difficile
est vt exaudiantur, qui Deo suo fre-
quenter vana promissione blan-
diuntur. Beati apud quos manet fi-
des placiti, & nullum studium
mentiendi. Melius est profectò
non promittere, quàm promissa
fraudare. vbi quamuis homo inhu-
manitatis notetur culpa, nulla ta-
men subdolæ circumventionis gra-
uatur iniuria. Recurrite denique

ad actus Apostolorum; & inuenietis ad damnum animæ pertinere promissis fidem frangere. Legimus igitur Ananiam & Saphiram uxorem suam vendito patrimonio suo partem dispensandæ pecuniæ ad Apostolos detulisse, partem domi reconditam reseruasse. quibus ait sanctus Petrus: *Implevit, Act. 5. Anania, iniquitas cor vestrum mentiri Spiritui sancto, cum esset fundus in vestra potestate. non hominibus mentiti estis, sed Deo.* Ita dum operantur fraudem, mercati sunt mortem: & dum cupiditati seruiunt, æterna munera perdiderunt. Ecce dicit Propheta: *Psal. II5 Vota mea Domino reddam in atrijs domus Domini.* Obligatus legitima debiti est sine dubio pactione, qui conuincitur Domino aliquid promississe. qui autem redditurum se loquitur, necessario debitum confitetur. Tandiu enim iuris tui est pa-

rimonium tuum, quādiu chirogra-
phi fide alteri non fuerit obligatum,
in omni itaque placito, siue quod
amicitia obtulerit, siue quod volun-
tas adscripserit, non lentanda redi-
bitio. Nā omnis oblati muneris gra-
tia perit, vbi causa repetitionis in-
umbit. Ita nihil votis suis præstitit,
qui necesse est inuito reddere quod
promisit. Nā legimus in Salomone:
si voueris votum Domino tuo, ne moram Deut. 23
receris reddere illud. querens enim quæret
illud Dominus tuus à te; & erunt in pec-
tum quæ egrediuntur per labia tua, nisi
reddideris illud. Ergo, dilectissimi, mo-
reo vt quicumque se Domino votū
promisisse nouit, statim reddat. Cer-
te qui soluendo non sufficit, nō pro-
mittat. Non hīc vt aliquanti putant,
humanitatis vitia exggeramus: sed
e fide dicimus, quā videmus apud
quātos periclitari pestilentia va-
tatis. Nam multi sunt, quod peius

est, qui subtracto libertatis suæ pretio, non integram pecuniam, hoc est semiplenam religionis fidem ad Dominum detulerunt. Audite Prophetam dicentem, *Vouete & reddite Deo vestro munera. Vouete*, his dat consilium conuersionis. *Reddite*, ab istis debitum promissæ repetit sanctitatis. Parum autem ille habet de religione, quem studere vides sæculo, & plus præsentis vitæ fauere quàm æternæ gloriæ. Tunc probas nihil te Domino de tua oblatione fraudasse, si iustitiæ partes colas, integritatem diligas, sanctitatem quam promisisti exhibeas. Debet autem expauescere Ananiæ vel uxoris eius exitum, qui intelligit se Domino fuisse mentitum. *Vouete & reddite Deo vestro munera.* In hoc loco causam munificentiae non importunè prosequitur, quia testimoniis competentibus ad-

monemur. Si quidem infructuo-
sis hominibus adquiescamus , vt
ista vox affectum indicet postu-
antis. Numquid à te Deus ideo
aliquid requirit , quia illi desit?
quid autem non habet , qui to-
tum possidet ? Numquid quia in
tribulationibus tuis promittis au-
rum , aut in doloribus pollice-
ris argentum , Dei vsibus ne-
cessarium est ? aut ideo aliquis
pretiosos lapides , aut vestes of-
fert , quia his Deus indiget. Ob
hoc à te tuum munus quæritur,
ut ipse fulgeas tuo auro , ipse
niveas argento , ipse tuis
gemmis orneris , ipse tuo seri-
o vestiariis. Tuis donis tuam
ult Dominus animam compo-
nit , quam videt aut superbiam,
aut nequitiam , aut avaritiam , aut
luxuriam vitio depravatam. Vo-

uete & reddite Domino Deo vestro munera. Sed dicis fortè, Non indiget Deus nostra munera. Non quidem munera indiget : sed fructum requirit , quem propter redemptionem animæ tuæ misericordiæ deputauit. Nam præter illam hostiam corporis tui , quam incorruptā & inuiolatam altaribus conuenit exhibere, nec non vocis officia, quæ nostro debemusartifici; hoc est apud Dominum acceptabile sacrificium, vt bonitati & misericordiæ studeas, vt iustitiæ partes foueas, & fide inextinguita iugiter Domino placere contendas : vt nudū non inuitus vestias, vt inopem non inuitus pascas, vt captiuos voluntariè redimas, vt in vinculo constitutū memor tuæ redemptionis absoluas. Ad hæc fortè respondeas, Quid pauperi faciam, quid filio derelinquo? Audi Dominum dicentem: *Qui plus amauerit filium aut filiā,*

Matth. 10

quàm me, non est me dignus. Videtis ergo
nichil præferendum Deo, nec plus
filium cogitandum esse quàm Deū.
Dicis, quid filio derelinquo? Si cū
num filium habeas, alium tibi de-
beranti vxoris partus exhibeat, nō
e vtrumque tibi vno successionis
gradu pietas paterna commendat, &
t superuenienti locum facias, etiam
testamenti iura rescindis? Ita hære-
ditatem, cui solet vnus inhæredita-
re, frequenter videmus inter multos
numero accrescente sufficere. Qui
ergo habet vnicum filium, cogitet
Christum sibi natū; atq. inter duos,
et tres, vel plures ita opes suas diui-
dat, ne Christus noster exhæredatus
descedat. Quod si tantū gaudes
numero filiorum, moneo vt admissio-
ne consortiū hæreditatis redempto-
tuo, ita patrimonij tui diuisionem
imperes, quasi aut vnum minus na-
m tibi iudices, aut vnum plus ac-

creuisse gratuleris. Fac ergo locum Christo tuo inter filios sibi dilectos. Quare autem illos nō vna patrimonij in terra diuisio maneat, quos in cœlo eadem portio promissæ hæreditatis expectat? Quicunque autem indigentib. & miseris quę sunt vitæ necessaria subtraxerit, primogenito & quidem meliori inter omnes filios portionem subditam denegauit. Audite in hoc loco scripturam dicentē;

Prou. 19 *Qui pauperi miseretur, Deo scænerat.*

Multi sunt, qui miserorum necessitatem ita illudendam putant, vt in dies promittendo decipiant. & hoc ad illa vōta pertinet, quæ superius diximus obliuione consumi. Quid iuuat differri miserum, si abundantia suppetit facultatum? Vbi vides hominem statim posse benefacere, & eleemosynam procrastinata humanitate differre, solam ibi voluntatem intelligis defuisse. Audite ad hunc locum,

locum Psalmistam dicentē: *Sic psal-* *psal. 60*
am nomini tuo Deus in seculum seculi,
ut reddam vota mea de die in diem. Nun-
quid dixit de anno in annum? sed di-
xit de die in diem. Omni ergo die
operandum nobis est, dilectissimi.
debitum autem Deo, & promissum
munus non est tempore prolongan-
dum. Nihil futuro iudicio debet, qui
quotidie vota persoluerit. nec est
indurationem in posterum præster,
qui de die in diem Domino bono-
rum operum fructus iusto labore di-
atus obtulerit. Ecce dicit, *Quæcun-* *Matt. 25*
que feceritis vni ex minimis istis, mihi
facistis. Siue ergo bonum, siue ma-
lum quis fecerit, ad Domini ma-
iestatem nouerit pertinere. vtrius-
que enim partis retributio homi-
nem expectat. Vnde studendum
nobis est misericordiæ & eleemo-
sinis: ne cum venerit Dominus
celi ac terræ, inter cæteros ani-

mæ errores pauperum nobis nuditates opponat, & oculis nostris infelicitates ingerat miserorum. Nemo ergo despiciat nudum, nemo conturbet aspero ore mendicum. Hæc est inter omnia placita Deo hostia, hic ordo salutarium sacrificiorum, ut miseris in necessitate subuenias, & ne in infidelitatis notâ incidas, compos voti fidem tuæ promissionis absoluas.

HOMILIA V.

De oris insolentia.

NON otiosum est, dilectissimi, quod inter omnia vitia, quæ vitam humanæ conditionis impugnant, specialiter linguæ insolentiâ Prophetæ castigat. Sciebat necessariò amari oris studio aliquotiens venena componi, & nimia facilitate labiorum frequenter odia compa-

ari. Et verè dilectissimi, ita est. Nam
inquieta naturaliter lingua non par-
uum mortalibus affert vitæ detrimē-
um, vt cū bene composita dissi-
pat, aut diu pacata conturbat. Quā-
to autem est, vt se rixa moueat, si se
lingua compescat? aut quis ibi locus
est inimicitiarum, vbi cessant vene-
ra verborum? Nam hoc habet sem-
per lingua malitiosa commercium,
et lites ferat, odia moueat, mortes
inquirat: ita in hoc loco Salomone
dicente: *Lingua multos conturbauit pa-*
ces habentes, ciuitates destruxit, & do-
mos effodit. Fallūtur profectò, qui pu-
tant nihil esse ferro fortius, nihil ve-
no violentius. quamuis autem ista
perficiendis mortibus habeant
culiare naturæ beneficium, cedūt
tamen in contentione verborum.
nihil enim est tam noxium, aut ma-
liofum, quod non virib. suis minus
sit, si se incitata semel lingua com-

Ecclesi. f. 53

mouerit. Multa sunt quidem humani corporis vitia, & satis graua: sed parum possunt consilijs, virtutibusque suis, nisi sceleribus armentur alienis. sicut est crudelitas, quæ impietati seruit, & portas inferi cruenta mortis lege custodit. quid autem falsitas posset, si cupiditas otiosa dormiret? nam & ipse mortis exitus minor esset, si aut ferrum deficeret, aut venena cessarent. Singulare autem malum est lingua, in qua tantum malitiæ robur exultat, ut in perficiendo opere suo alterius auxilium non requirat. Cohibenda ergo nobis est, sicut Propheta admonet: ne forte cum proruperit, aut excitata lædat, aut incitata percutiat. Solet enim non impune recedere, cum se in verborum procacitate iactauerit. Nam commota flammæ euomit; & cum alium nocere quærit, totum intrinsicè malè conscium pectus incendit. Audite

Prophetam dicentem, *De multiloquio* Prov. 10.
non effugies peccatum. Facilius, si necesse
est, quilibet potest ferre armatas fer-
ro acies, & instructas rebus bellicis
legiones. quis autem sustineat la-
biorum tela infixæ pectoribus? Faci-
lius sine dubio recipiunt sanitatem
corpora ferro lacerata. aut quare ali-
quis tantum gladio occisorum mor-
ti crudelitatis pondus imponat, cum
aliquotiens minora ibi sint pericula,
vbi maior est cruoris invidia? Diffici-
lius autem semper sanatur quidquid
extrinsecus collisionis includitur. Nō
difficile est profectō medico vlcera
quāuis tumentia in oculis posita her-
barū beneficio castigata mollire. ha-
bet & vis veneni remediū suū: quod
haustū quāuis in vltima viscerū sede
dominetur, salutaris tamē poculi vn-
da perquiritur: in tantum vt miretur
aliquotiens artifex scelerū, superue-
niente medicina nihil oris sui incāta-

tionē valisse. linguæ verò insanabilis
plaga est: quæ quamuis leuiter per-
cutiat, alta tamen semper mouet pe-
ctoris dolore suspiria. Sciebat sine
dubio Propheta quantum malum
esset linguæ, cū clamaret: *pone, Do-
mine, custodiam ori meo, & ostium cir-
cumstantiæ labijs meis, vt non declines cor
meum in verba mala.* Si quis ergo est
sapiens, ponat custodiam ori suo, &
det labia vinculo taciturnitatis. Sed
nec vnius tantū partis studia pro-
caxis linguæ pulsant inuidia. Agendū
quidem est huic, ne aliquid iniurio-
sum proferat: sed nec minus illi pro-
uidendum, vt insanientis hominis
dicta rationabili verborum respon-
sione supplodant. Magnum autem
studium est seruandæ pacis, si amari-
tudinem alienæ linguæ blando pro-
sequaris alloquio. citò autē iniquo-
rum labia amicus sermo confundit.
Sed quod peius est, facilius inuenies,

qui aut malè semper dicere, aut libenter mala velit audire. Nihil est sæuius, nihil violentius amaris asperisque sermonibus: quorum vulnera tanto difficiliùs curantur, quanto faciliùs proferuntur. Ferri spicula per cælum volantis facilè scuti obiectione contemnis: verborum verò iactus nec reuocari potest, nec prohiberi: multò enim velociores sagittis sunt. Quæ autem ibi propugnacula subueniant, aut quæ munitio tam parata succurrat, vbi emissum telum pene antè percutit, quàm procedit? Enumerari non potest, quantis sit lingua iaculis accincta verborum, quibus satis promptum est etiam quæ sunt animæ secretiora percutere. Quamcunque autem aures iniuriam suscipiūt, ilico ad cordis secreta trāsmittunt: vbi si semel introierit, sine mortis exitu non recedit. Res autem quæ nullis medicinę beneficiis inda-

gata excluditur, in perpetuo dolores operatur. Vnde castigādus est linguæ sonus, ne de facilitate verborum faciat venenum. Si respiciamus, dilectissimi, ad omnes qui corporibus dominantur dolores, nihil inuenies quod non possit aut ferro sanari, aut blanda medicaminis confectione molliri. Latere autem neminem potest, quàm graues sint luporum morsus, quàm periculosum serpentium virus. sed his facilè obfisti potest aut herbarum succo, aut arte medicorū. Verborum verò intolerabile vulnus est. difficile autē sanare potest alius doloris causā, quæ semel pectori infixæ sedem animæ latenter inuasit.

Prov. 18 Audite Prophetam dicentem: *Mors & vita in manibus linguę.* Verè, dilectissime, si ad interiora respicias, & tumorē exasperati cordis diligenter inquiras, inuenies verborum vulnera mortis operari. Quid mihi autem ali-

quis in comparatione malitiosæ linguæ artificium veneficij increpet, & noxias poculorū cōpositiones accuset? Excessit illa res omne genus veneni, quæ nō potest nisi morte cōpesci. Omnis quidem malitia ex corde descendit. sed hæc ipsa, quāuis sit noxia, facilè potest tolerari, si res iniquo nutrita consilio non prouocetur in litē; sed aut tacita doleat, aut in suis voluntata sedib. cōquiescat. Tam diu enim sanari potest iniquarū valitudo cogitationū, quādiu id quod corde cōcipitur; ore tacito continetur. Verūm vbi semel lingua rotante proruperit, frustra medicū quærit. sine remedio est enim culpa verborum: quia deleri nō potest quicquid lacrymarū inserta per aures propagauit iniuria. Audite Dominū dicentem, *Facita ori tuo* Ecccl. 25. *ostia & seras, & verbis tuis facito statera.* Ad hæc forte respondeas, Quis possit in tantū oris sui labiā cōtinere, vt ta-

citus diē transeat? nō hęc sentētia honestæ linguæ vinculū taciturnitatis indicit. Vult planē loqui hominē; sed honesta proferentem, ac pacifica cogitantem. Multum autem verbis honoris ad crescit, si dulcis sonos organici cantus nullā mentis amaritudo confundat. Hęc ideo proposuimus, dilectissimi, quia inuenimus multos aliquotiens vno atque eodem sermone dulcibus verbis venena miscere; & fictis pacis blanditijs litium pugnas introire. Quid istis infelicius, quid periculosius esse potest, qui fallacis linguæ studio vitæ insidiantur alienæ? Quare isti non respiciunt ad illū propheticū Psalmum, qui dicit, *disperdat Dominus labia dolosa*? Videtis sub quali maledictione viuit, qui aliud in corde ferit, aliud in lingua disponit? Bene profectō nouerat Dominus cœli ac terræ, aliquotiens malos Sanctorum studia ficta humili-

tate decipere: quiore Euangelico dicit, *Veniunt ad vos in vestimentis ouium, ab intus autem sunt lupi rapaces.* Inextricabile profectò malum est, dolosa consilia miscere blanditijs. Nolo suspectas munerum suauitates. Quis autem libenter habeat acidos lactes, & tristi herbarum sapore conditos? Difficile igitur potest fieri, vt ille cuiquam placere possit, qui simul dulcē & salsam aquam profert. Quando autem est, vt gustus non offendat, si fauo mellis quæcunque amaritudo se misceat? Cor ipsum hominis, quāuis sit viuum & sapiens, integra prudentia caret, quod amaritudo fellis infecerit. Omnia itaque subdolæ mentis compescenda sunt vitia: ne dum cœperint aliqua extrinsecus amara conficere, etiam ea quæ sunt in ore nostro dulcia incipiant displicere. Audite Prophetam dicentem, *pone Domine custodiam ori meo.* Hęc est

Mat. 7.

utilis custodia oris nostri, vt non facile declinet cor nostrum in verba, quæcunq. ad expugnanda pacis studia aut turpis sermo profert, aut vilis actus personæ cōfingit. Inter confusos autem linguæ sonos neminē pœnituit tacuisse. Nā videmus frequenter etiam verborum facta in crimen venire, & nimia facilitate verborum amicitijs odia succedere. Quādo autem potest fieri, vt homo aut magniloquus, aut maliloquus nō habeatur ingratus? Quod tamen vitiū si requiras, superabūdat in aliquantis fœminis: quæ sicut non dubitant quæ sunt turpia dicere, ita nec ea quæ sunt pudenda confundūtur audire. Sed nec nos ista dicimus, vt aliquis semper vocem suā presso ore cōtineat, & linguæ sonum obductis labijs perpetua taciturnitas includat. Vt nimiū malos loqui ingratum est, ita inutile est bonos sēper tacere. Cū opus ergo

fuerit, proferamus verba iustitiæ. sit
os nostrum conditum. Sed dicis fortè,
Non potest non aliquando responde-
re prouocatus. Tacendum est planè,
cùm improb. sermo labia quieta sol-
licitat: & loquendum, cùm os ami-
cū pacis studia commédât. Ita & lo-
qui & tacere perfectio est. Est autem
vtriusque partis causa, verborum te-
nuisse mensurá. Magnum est tacere:
magnum est & loqui. sed sapientis
est vtrumq. moderari. Nam aliquo-
tiens nimia taciturnitas stultitiæ ad-
scribitur, sicut & verborum nimie-
tas ad furorem refertur. De qua re si
nostri sententiá requiras arbitrij, iam
malo aliquis tacendo stultus, quàm
nimium loquendo iudicetur insanus.
Loquamur ergo, sed cum timore &
tremore, cogitantes de omnib. verbis
rationem esse reddendá: ita vt nihil
de corde nostro iniquum exeat, nihil
de ore blasphemum procedat, nihil

resideat in cogitatione quod lædat.
Nam præter illa quib. auditus offen-
psal. 11. ditur, quorundam interiorem con-
scientiam Propheta castigat : *Labia*
dolosa in ore & corde locuti sunt mala.
Inter illas ergò insolentis linguæ cul-
pas, cogitationes. Nam quicquid in
corde loqueris, Domino confiteris;
quia Deus scrutator est cordis. Vide-
te ergò si possit fieri, vt illi occultum
aut excusatum possit esse quod cla-
mas, quem non potest latere quod
cogitas. Omni itaque studio, dile-
ctissimi, æquali vinculo ora nostra
moderentur. Nihil ingratum lingua
proferat, nihil iniuriosum improbus
sermo confingat, nihil subdolum,
nihil dolosum in corde nostro sit,
nihil asperum, nihil otiosum. Nam
Dominus dixit etiam de verbis otio-
sis rationem esse reddendam. Quam-
uis autem aliquis vitam fide muniat,
scientia regat, castitate & sobrietate

cóponat, nihil est quod in homine placeat, si in toto corpore sola lingua displiceat.

HOMILIA VI.

De otiosis verbis.

QUotiescunque, dilectissimi, pro studio necessitatis nobis credite causam tractauimus disciplinæ, dū grauiora persequi voluimus, aliquanta negleximus; quæ licet aliquantis videantur facilia, si diligentius requiras, multis criminibus inueniuntur obnoxia. Quibus nunc porrigenda manus est, & elaborandum studio medicinæ, ut vna quæque res culpas suæ infirmitatis agnoscat. Currite ergo per singula, si videtur, quæ aut pœnæ seruiunt, aut lætitiæ blandiuntur: & inuenietis non solum in sæuis draconibus regnare no-

xium virus ; sed etiam in exiguis
apum venena latere corporibus. Fre-
quenter diximus, dilectissimi, ebrie-
tatem & cupiditatem quosda fon-
tes esse vitiorum. ex quibus quidam
torrentes præcipitati peccatorum
nascuntur, qui secum maximam par-
tem humani generis in profundum
trahunt : cum hinc ebrietas gulæ
gurgitem fouet, inde cupiditas furo-
rem improbæ peruationis accendit.
hæc enim mater est superbix, illa lu-
xuriæ : quarum vna falsitatis, altera
deformitatis est socia. quibus studij
est homicidia exercere, adulteria fa-
bricare, amicitiarum fundamenta
destruere: cum quodam commercio
fœditatis furtiuo amorì mercedem
suggerit cupiditas, occasionem præ-
stat ebrietas. Sed hæc, dilectissimi,
sicut aliquoties diximus, paruo po-
teris labore cohibere, si illa prius,
quæ peccandi fomitem præstant,
volueris

volueris refecare. nec planè difficile tibi erit compescere quæ sequuntur, si ea quæ sunt in capite vitia castigata damnentur. Citò enim vniuersa corporis iunctura deficiet, si non sit qui ventri improbo pabulum subministret. Vnde ante omnia ebrietatis, siue cupiditatis castiganda sunt vitia, quæ sibi inter cetera vindicant principatum: vt illa quæ his obsequuntur suo periclitentur officio. Facile est enim quamuis profundi gurgitis vndam siccare, si ortus aquæ possit excludi. Multa quidem, dilectissimi, adhuc de his quæ recolimus memoriæ suggeruntur. Sed quia aliquotiens in earundem castigatione satisfacimus disciplinæ: putamus pro commemoratione rerum hodie dicta posse sufficere. Vnde ex his, quæ præsentī materiæ videntur inserta, interim temperamus, donec nec illarum partium crimina, quæ

Matt 12

aliquantis facilia videntur, exponamus. Audistis, dilectissimi, Evangelistam dicentem de otiosis verbis Domino rationem reddendam. Si respiciatis, dilectissimi, ad hæc quæ proposuimus, & illa quæ in castigatione indisciplinatæ linguæ aliquotiens diximus; intelligitis hanc sententiam ad oris insolentiam pertinere. cuius dicta licet otiosa dicatur, non tamen otiosè tractanda sunt. Nemo autem credat leuem esse culpam, quam tanto pere cœlestis sententia distractionis impugnat. Hinc denique exsequitur quicquid fama mentitur. Otiosa sunt enim semper infructuosa colloquia ficti rumoris exposita. Qui autem putandus est otiosus esse sermo, nisi ignarus rationis & nuntius falsitatis; cui id studij est, aut ridenda confingere, aut de incertis quasi certa sentire? Est auté hoc genus hominum, quod dum

fabulas pascit, nescit cauere mendaciū. Audiant isti Dominum dicentem, *Os quod mentitur, occidit animam.* Sap. 1.

Otiosa verba sunt figurata conuitia, stulta fatigatione composita, dulcibus vt aliqui putant, sed multis acincta plagis, ac mortiferis insuper armata supplicijs. Nam quamuis lætitiā excitent, odia tamen frequenter incidunt. Multa sunt, dilectissimi, his similia, quæ fortè non sint prætermittenda, licet inter omnia verborum vitia videantur extrema. Si verbi gratia hominem fusci coloris appellas argenteum, otiosum verbum iniuriā facis. quia si verum dixeris, accusasti: si falsum detuleris, irrisisti. Cum hominem proceræ staturæ & antiquæ infantem vocas, nōne iniuriā facis, si veritate suppressa puerili studio mentiaris? Ad contumeliā enim pertinet, si verbis tuis humano corpori aut aliquid addas,

aut detrahas. Sed dicis fortè, fatis le-
uia esse ista, & facilè portanda. Verū
est. Nam talia sunt ista genera voca-
bulorum, ac si alienis crinibus leues
plumas inferas, vel si per totū verti-
cem iuuentutis primæ honore ful-
gentem, liquentes cineres aut pulue-
rulenti aliquid candoris asperferis.
non quidem caput oneras, sed de-
formas. Similiter & detracta per io-
cos coma, quāuis nihil operetur do-
loris, multū tamen exhibet fœdita-
tis. Cauendum est ergo, dilectissimi,
ne scenico sermone alter alterum læ-
dat, & theatralibus verbis verecun-
diam fratri læsæ æstimationis incu-
tiat. Solet igitur nimia oris facetia
excitare motus animorum, & ser-
mo lætitia accinctus reciprocum
parare conuitium. Sic denique scin-
tilla quamuis parua flammam euo-
mit, & ex nihilo exorta magnā fre-
quenter mouet incendia. Otiosus

sermo satis otioso nutritur auctore:
Vnde quia theatralium verborum
fecimus mentionem, fortè pro stu-
dio disciplinæ nec illa debeam re-
ticere, quæ otiosis verbis curiosas
aures capiunt, atque alti pectoris
secreta concutiunt, dum plagis mo-
dulantibus blandiuntur. Hæc sunt
illa vitia, quæ superius comme-
morauimus quadam mellis suau-
itate componi. hoc illud opus, quo
diximus admixta dulcedine tristes
vulnerum dolores institui. In hoc
loco fortè aliquis pro amore disci-
plinæ interrogandum putet, quæ
sint istæ otiosæ voces, quæ iniu-
riam excitent, & periculum audien-
tibus parent. Bene requiris, ne per
ignorantiam periclitetur auditus.
Inuenimus igitur frequenter, ita
impuditiæ viam muniri, atque
ex hoc fomenta adulterijs ministra-
ri: cum hic agili plectro tinnientis

citharæ sonos expedit, ille docili digito laborantis organi blandimenta componit. Isti sunt laquei, quibus famulantibus inter cætera vulnera diabolus hominū mortes operatur. Nam quotiescunq. dulci voce mulcetur auditus, ad turpe facinus inuitatur aspectus. Nemo insidiosis cātibus credat, nec ad illa libidinosæ vocis incitamenta respiciat: quæ cum oblectant, sæuiunt; cum blandiuntur, occidūt. Sic frequenter videmus blandis sibilis aues decipi, & hebetes feras in laqueum mortis dulcedine vocis impelli. Similis est, dilectissimi, causa mortalium, quos dulcisoni cantus cura sollicitat. In hoc autem proficiunt varietates vocum, & producta sine syllabis verba, vt homo aut capiatur, aut capiat. Explicari nō potest, dilectissimi, quàm periculosos laqueos exhibeant mimicæ studia voluptatis. Nam si aliquis posset

humani pectoris secreta perquirere,
inueniret ad singulos sonos fistulæ
corda infeliciū suspirare. Intelligi-
te ergo, quid inter viros ac mulieres
nimium familiaris ac secretus sermo
faciat, quid iuncta vicinia, quid io-
cis mixta colloquia: quid gula deli-
cij inuitata, quid auri fames ad om-
ne facinus prostitutionis exposita;
si alienum furorem etiam mutæ vo-
cis blandimenta decipiant. Refu-
giendus est ergo error iste vocis so-
nus, qui humanis pectoribus dulce-
dine sua amaritudinem fecit: & per-
suasione quadam melliflui cantus
frequenter mortifera ægris venena
commiscuit. In quo loco primum
obturandæ aures sunt, opposcentes
scutum fidei: quo facilius omnis le-
nocinantis vocis excludatur auditus.
Adhibenda etiam disciplina, quæ
oculorum desideria repellat, & ta-
bescentis cordis incitamenta com-

peſcat. Nam ita docet Euangelifta
Mat. 5. dicens, *Si te ſcandalizat oculus tuus,*
erue eum. Nemo, dilectiſſimi, in hoc
credat huius ſententiæ ſtare rationē,
quaſi Dominus humanum corpus
deformare velit, quod ad ſimilitudi-
nem ſuā plasmavit, & ad ſpeciē ſuæ
dignationis inſtituit. Hoc eſt ocu-
los eruere, quæ ſunt in homine tur-
pia reſecare, & viles actus emenda-
tione cōpeſcere caſtigatis illecebris
truncare luxuriam, & bono conſciē-
tiæ manus improbæ cupiditatis ab-
ſcindere. Ille autem manus ſuas inci-
dit, qui in ſe infidelitatis tela confre-
gerit, & iuſto iudicio infidelitatis ca-
lamos amputarit. Ad ſalutem igitur
animæ pertinet, ſi debilitentur vi-
tia iniquis actibus enutrita, & radici-
tus vellatur impiorum aſpectus ocu-
lorum: quibus citò mortis ſtimulus
adquieſcit, ſi hæc quæ ſuperiùs dixi,
integra & inlæſa permiferis domina-

ri. Sed quò facilius ista operemur, audiendus est Christus, qui dicit, *Relin-* *Matt. 19*
que omnia bona tua & sequere me. Scio
quidem, dilectissimi, quòd laborio-
è suscipiunt ista, qui sæculi actibus
occupantur; quibus dulcis est istius
vitæ vsus. Sed si diligenter requiras,
vanitate plenus, & quodammodo
nui umbra vestitus, ad tempus
mundus obsequitur, & hæc quã vi-
etis fallax diuitiarũ pòpa blanditur.
Vene ista nouerat sanctus Dauid, qui
dicit, *Auerte Domine oculos meos, ne vi-* *Psal. 118*
deant vanitatẽ. Quæ est ista vanitas, nisi
vultus diuitiarum, & sæculariũ studia
voluptatum? Confirmat hoc in Salo-
mone qui dicit, *Vanitas vanitatũ omnis* *Eccel. 1.*
omo diues. Nemo ergo, dilectissimi,
huius mudi vanitate confidat, quã
idet infirmis stare vestigijs; cuius
vultus temporalis atq. inanis est, &
natus fumo, ventoque similis. Ta-
s est autem decor vultus eius, ac si

speciem illius vitis aspicias, quæ solstitiali flore composita, promissæ fructum nescit exhibere vindemiæ. quæ dum nimium parturit, maculâ perpetuæ sterilitatis incurrit. Longè alium nobis, dilectissimi, æternæ vitæ tempus promittit ornatum, si tamen homo peccatis pauper incedat. Ille autem ad Christum diues vadit, qui misericordiæ fructus congregat, & stultæ studia cupiditatis impugnat. Ille ad cœlos opulentissimus pergit, qui à se pompam temporariæ vanitatis excludit. Ille secum magnas opes ad paradisum portat, qui onustum vitij pectus studio religionis exonerat. Ille postremò omnem penuriam mendicitatis euasit, qui quotidie in corde suo Christi nostri mandata ferit, & peruigili fide horrea pectoris sui seminibus diuinæ institutionis impleuerit. Ita vt ante omnia illius otiosi sermonis compes-

cas libertatem, quæ si inter illa religiosæ vitæ studia mixta confederit, non dubiè in examinatione futuri iudicij præiudicat sanctitati. Citò autem quæ sunt in homine optima reuilescunt, nisi inter cætera quæ emendationem requirunt, studiosè ea quæ superius commemorauimus linguæ vitia refecentur.

HOMILIA VII.

De misericordia.

SI respiciamus, dilectissimi, omnes iustitiæ gradus, per quos opus religionis instruitur, non inuenies cui nò apud Dominum gratiosa seruitus locū comparet dignitatis. Sed hæc ipsa, fides quæ in nobis operatur, quamuis humano labore proficiant, ad Dominum referenda sunt; per quem, & in quo si qua sunt bene

gesta consistunt, & in posterum quibusque profutura seruantur. Vnde nemo sapiens Dei beneficia suis virtutibus æstimet adplicāda; ne audiat illam Apostoli sententiam dicentis,

1. Cor. 4 *Quid habes quod non accepisti? aut si accepisti, quid gloriaris quasi non acceperis?* Scimus quidem, dilectissimi, quòd iuxta Euangeliorú fidem, quæ beatitudinis promissa commemorat, homini iustitia in cœlestibus locum fecit. id est promissionem paradisi, & terram repromissionis, gratia mansuetudinis & humilitatis obtinuit: cordis puritas Christum videre meruit: misericordia consimilē mercedem retributionis accepit: pacis iocunditas multis inter filios Dei locum parauit: pœna sanctorum victoriæ coronam, & cœlestis regni gloriam ex virtutum meritis adquisiuit. Sed hæc omnia vna atque eadem Patris, & Filij, & Spiritus sancti in

nobis virtus operatur, quæ perfectionem iustis laboribus præstat, ac bonæ voluntati quæcunque sunt optima subministrat. Vnum est sanè & pernimum, quod ex illa misericordiæ sede descendit, in quo sibi quotidie iustè possit mortalis homo gloriari: hoc est refectio pauperum, & redemptio captiuorum: si tamen ipsam non aut iactantia dissipet, aut tristitia ingrata conturbet. Audistis ecce Euangelistam dicentem, *Venite benedicti patris mei, possidete mecum* Matt. 25
regnum cælorum promissum vobis à constitutione mundi. Esuriui & dedistis mihi manducare: sitiui & dedistis mihi bibere: nudus eram & vestistis me. Videtis ergo quòd si gloriari cuiquam oportet, non nisi in hoc opere conuenit gloriari, in quo pasci ac vestiri se Dominus præcipit; & in dies famem suam mortiuncula panis fracti postulat saturari. Si vultis ergo, vt non sit inanis

nostra gloriatio, primo loco abundantibus eleemosynis summi regis redimamus amicitias : & vt nobis pateat cœleste regnum, omnem misericordiæ studium conuertamus ad Dominū. In cuius amore non otiosè aut negligenter pauperum tractandæ sunt lacrymæ : ne ille qui totum orbem solet pascere, ad nostram confusionem inter mendicos videatur esurire. Contemplare denique singulorum necessitates, & nostri erga miseros sollicitudinem Saluatoris : & intelliges ibi esse Christum nostrum, vbi abundantiam videris lacrymarū. Nec enim longè tibi querendus est Dominus, si non sis avarus. Expectat nos ecce foris, cum illa suorum turba famulorum. Nō enim tibi errandum est oculo, vt dubites circa quem potissimum opus miserandæ erogationis impendas. Ipsum scias esse Christum nostrum, quem

videris nudum, quem aspexeris cæ-
cum, quem offenderis claudicantē,
quem pannis inuolutum, quem vi-
deris fordida veste contactum. In
hac denique veste, cum à Magis que-
reretur, inuentus est: & cum in præ-
sepi positus iaceret, sub hoc habitu
apertis thesauris munera oblata sus-
cepit. Ad hæc respondet illa Euange-
lica sententia, quæ dicit: *Thesaurizate* Matt. 6.
vobis thesauros in cælo, vbi neque tinea
corrumpit, neque fures effodiunt. Hi
sunt illi thesauri, qui cœlestibus me-
ritis deputantur, quos nulla res ad-
uersa contaminat: hoc est, facultatū
per miseros dispensata substantia.
Audi itaque primo in hoc loco con-
siliū meum, quicumque diuitiarū
abundantia gloriaris. Si times tineā,
commenda: si furem metuis, in su-
periore parte commenda. Ecce ha-
bes idoneum custodem, qui opes
tuas seruet tibi, in æternum & in sæ-

culum sæculi profuturas. Addit ad hæc, *nolite vobis thesaurizare thesauros in terra.* Non ab re est, dilectissimi, quod admonet Dominus, ne quis thesaurum suum terræ commendet. Frequenter enim videmus congesta terræ vitio periclitari; & opes nimiū defossas quadam limi tæbe consumi. Vnde utilius iudico esse commodare quam abscondere, & fœnori magis credere, quàm terræ deputare. Stultitiæ autem genus est, clausum tenere, quod potest multiplici labore proficere, & ad vsum æternæ vitæ fructum exhibere iustitiæ. Moneo ergo, ne quis in terra abscondat thesaurum suum: hoc est ne quis terrenis actibus cœlestis animæ dignitatē deputandam putet. Illius autem thesauros tinea comedit, qui vanitati feruit, & vitam suam in huius mundi pompa constituit. Tinea igitur, dilectissimi, vermis est inuidiæ & auaritiæ

tiæ: qui secreta cordis solus possidet,
 solus quæ sunt in abditis congesta
 consumit. Furem verò diabolū cre-
 dite: qui vt bonis operibus infidie-
 tur, obiecta sæculi pompa blandi-
 tur: & vt hominem à consortio re-
 gni cœlestis excludat, aurum mani-
 bus ingerit, argentum oculis oppo-
 nit, gemmas collo inserit. Ita super-
 biam nutrit, & desideria carnis sti-
 mulo cupiditatis accendit: quæ sicut
 scriptura dicit, mergunt hominem 1. Tim. 6
 in interitum. Non dubiè autem ille
 pœnis exonerat profundū, qui the-
 sauros suos præmittit ad cœlum. Au-
 dite quid Dominus offerat. *Venite* Matt. 25
benedicti patris mei, possidete mecum re-
gnum promissum vobis à constitutione mū-
di. Esuriui, & dedistis mihi manducare:
sitiui, & dedistis mihi bibere: nudus erā,
& vestistis me. Quis dubitet post hāc
vocem de hoc sæculo cum tota pā-
trimonij sui pōpa migrare? Stultitiæ

perfectò vanitas est, vitium in electione meritorum, plus mundum eligere, quàm cœleste regnum; magis sæculo placere, quàm Christo. Si quis itaque vult locum inuenire in cœlesti sede, non desinat indigentibus necessaria ministrare. Sed fortè dicat aliquis, tenues sunt facultates meæ: non patiuntur tantas erogationis, expensas. Si tibi aliquis domum præclaram huius temporariæ possessionis offerret, nōne pretio collato vndique nummos aggereres; & si fortè sacculi tui pondus non sufficeret, rem tibi necessariam mutuata pecunia comparares; donec ampliata nouo cespite possessione gauderes? Ecce possessio tibi regni cœlestis offertur, & quidē parua pretij mercede taxata; quæ possit etiam ab illo facilè emi, qui non solet de paupertate causari. Videmus tamen quid sit, quod à te pretij nomine postula-

tur. cibus, potus, & vestitus. Ad hæc non inuenio cui erogatio non quotidiana suppetat. Si requiras, fortè horreis tuis annonæ species exuberat, & nouas vini cellulas antiqui gustus fama commendat. Quid tibi prodest seruare ista, si nescias lucratius studere commerciis? Sed dicis, pauper sum. Nunquid sub hac voce illis excusare te poteris, quibus pretia specierum pro temporum sterilitate deponis? Sine causa exiguitatem tuæ facultatis accusas. potes habere quod vendas: non potes habere quod dones. Non sine causa dictum est, *frange esurienti panem tuum*. Ad inhumanos puto pertinere istam sententiam: quorum panes reconditos & incontaminatos solet caries exesa consumere. Frange ergo esurienti panem tuum, ne pereat, & te à consortio regni cœlestis excludat. Addit ad hæc, & *domesticos seminis ruine de-*

ſpexeris. Qui ſunt domeſtici noſtri? neceſſariò omnes, qui nobis ſunt naſcédilege còiuñcti. Quid eſt quòd in faciendis eleemoſynis non eſt cuiusquã excipienda perſona, nec habendum electionis iudicium? quia res quæ neceſſitati ſeruit, erogationis ordinem non requirit. Quid autem tibi eſt opus quærere, vtrum Chriſtianus an Iudæus, vtrum hæreticus an Gentilis, vtrum Romanus an Barbarus, vtrum liber an ſervus ſit ille qui poſtulat? Vbi incumbit neceſſitas, non opus eſt vt perſonam diſcutias: ne cùm indignos miſericordia ſegregas, Dei filium pariter amittas. Vnde autẽ ſcire poſſumus, in qua parte terrarum habitet Chriſtus? Vbique credendus eſt eſſe, qui totum noſcitur poſſidere. Sequitur ſuperiora: *Tunc erumpet temporaneum lumen tuum, & veſtimenta tua ante orientur, & præibit te iuſtitia, &*

claritas Dei circumdabit te. Tunc clamabis ad Dominum, & Dominus exaudiet te. Adhuc te loquente dicet, Ecce adsum. Et hoc propter fracti panis particulam. quam plus putas adquires, si maiora præstaueris? Audite Euangelistam dicentem, beati misericordes, quoniam ipsis miserebitur Deus. Multi quidem gradus sunt misericordiæ: sed requirendum est, qui potissimum existant. Principatus misericordiæ est quidem, lapso manum porrigere, erranti viam salutis ostendere, infirmos visitare, in tribulatione posito solatiis inhærere. sed illa est præcipuè expectanda misericordia, esurientem pascere, nudum vestire, captiuum redimerè, ad tempus non habenti necessaria commodare. Inuenimus aliquoties præterea multa genera misericordiæ, quib. se vulgo studia humana commendant: quæ

cū nullum exhibeant misericordiæ fructum, misericordiæ tamen mentiuntur affectum. De his enim dicit *Iac. 2.* Iacobus in epistola sua: *Si frater aut soror nudi sint, & indigeant victu quotidiano, dicat aliquis vestrum, Ite in pace, caleficimini & saturamini, non dederitis eis quæ necessaria sunt corpori, nihil vobis proderit.* Quis non oderit tale genus misericordiæ, vbi oris elegantia infirmo pietas otiosa blanditur, & infructuosæ cœlo lacrymæ porriguntur? Quid iuuat alienum flere naufragium, si negligas corpus expositum? aut prodest animum excruciare dolore alieni vulneris, si deneges poculum sanitatis? Non pascunt eluientem blanda colloquia, nec vestiunt alienam nuditatē infructuosa consilia. Quid iuuat fomentis mollibus palpare mendicum, si non reficias fame moriturum? Quod istud genus est misericordiæ, vt hq-

minem velis viuere, & nolis in necessitate feruare? Crudelis est profecto pietas, quæ scit dolere miseris, & nescit subuenire perituris. Quid amplius quæritis, dilectissimi, pro erogatione fracti panis? etiã si non fuisset vobis cœlestis regni portio re promissa, sufficere peccatoribus deberet illa sententia, quæ mortalibus spem futuræ salutis, & lætitiã perpetuæ detulit securitatis. Nam si respiciatis ad vestri laboris fructus, & cœlestis indulgentiã pietatis, multo plus recipitis quàm datis. Ecce pro pastu pauperis in Euangelij cœlorum vobis regnum promittitur: pro erogatione fracti panis, & hospitij receptaculo, vel nudari corporis vestimento, opem suam vobis inuocantibus per Prophetas Dominus pollicetur: in Psalmis iustitia misericordiæ vestræ in sæculum sæculi collocaetur. Si comparemus terrenis cœle-

stia, satis paruo constat res tam pretiosa commercio. aut quanta pars est eleemosynæ vestræ ad illa quæ videtur mortalibus Dominus præstitisse? Ecce nos damus terrena, ille cœlestia: à nobis temporanea offeruntur, ille sempiterna largitur. Vultis scire quantum distent à cœlestibus donis vestri census? In comparatione beneficiorum, non est eadem ratio, diuitias accipere perpetuas, & dare quæ erant peritura. Ante omnia illis lacrymis consulendum est, quas nuper furor cruentæ hostilitatis indixit. Nec enim deest in quo se opere bona voluntas exerceat. Nā quod peius est, multos videmus de sua, suorumque redemptione sollicitos: quibus manus porrigenda est. Sed dicis, pauper sum. nec nos quemquam suademus dare quod non habet. sed cuius facultas tam tenuis est, vt nō possit redimere captiuum, sal.

tem illud quod est minimum addat
ad pretium; vt vel paruo nummo vi-
deatur satisfecisse mandato.

HOMILIA VIII.

Item De misericordia.

MVLTAE causæ, dilectissimi,
ex Euangelicâ lectione ve-
nientes in diuersam partem animum
trahūt. quas si voluerimus sub vnius
materie propositione disponere: ne-
cesse est vt causa causæ impediatur,
alterius negotij intellectum alter ex-
cludat. Quando autem potest fie-
ri, vt non confusione multarum
rerum aut dicentis, aut audientis
impediatur ingenium? Inter cæ-
tera ergo, dilectissimi, quibus pro
meritis suis beatitudinis gratiam
Euangelista commemorat fuisse col-

latam, interim causam misericordiae apud vos putauimus exponendam, quae quotidiani operis fructum requirit. cetera temporibus suis, cum usus fuerit, exsequemur: ut vnaquaeque res cum proprijs viribus fixa constiterit, alterius causae materiam non requirat. *Ecce dicit Dominus, Beati misericordes, quoniam ipsis miserebitur Deus.* Miror si post hanc vocem dubitet aliquis nummum suum expendere, cum viderit iustis lucra respondere beneficij. Quid autem prodest congestam auri massam sacculo custodire, cum possis quotidie & bene facere, & expensae foenus pecuniae reportare? *Beati misericordes, quoniam ipsis miserebitur Deus.* Gaudete, dilectissimi, & securi donate, atque indubitanter expendite. Quis autem non certatim opes suas larga per miseros erogatione dispense, cum multi-

plices fructus, & duplicia dona se intelligat recepturum? Ecce denique beatos illos Dominus in hac vita iudicauit, quibus in futuro misericordiam repromisit. Audite in alio loco Dominum dicentem, *Omni petenti te* Luc. 6.
tribue. Non est otiosum, dilectissimi, quòd omnibus petentibus eleemosynam Dominus dare iubet. Sciebat necessario aliquotiens inter malos etiam bonos latere: atque ideo bonos, malosque commiscuit, ne cum indignos erogatio nimium cauta præteriret, etiã dignus misericordia donatus abscederet. Nulla est discretio postulantis; nec est necessitas exploranda pauperis. dantis, non accipientis fructus quærentur. Non interest cui petenti eroges. nõ enim requirit Dominus, vtrum mereatur ille qui postulat: sed quærit quantũ præstet qui donat. Audite ad hunc locum Apostolum dicentem, *Qui* 2. Cor. 9

2. Cor. 9 *parcè seminat, parcè & metet.* Profe-
 ctò nobis præstamus, quotienscun-
 que miseris subuenimus : lucrum
 nostrum est, nostrarum erogatio fa-
 cultatum. Nam si respicias ad spem
 futuræ retributionis, fœnori tradi-
 tur, quicquid esurientibus ministra-
 tur : ita dicente Propheta, *Beatus qui*
 Psal. 40 *intelligit super egenum & pauperem : in*
die mala liberabit eum Dominus. His
 omnibus fideiussor est Christus, qui
 Mat. 19 *dicit, Ego vobis in centuplum red-*
dam. Insuper & vitæ æternæ promit-
 titur : impietati & auaritiæ iudicij
 districtio reseruatur. ita Euangelista
 Mat. 25 *dicente, Cùm venerit filius hominis in*
maiestate sua, & omnes Angeli cum eo,
tunc segregabit omnes ab inuicem, oues
à dextris, & hædos à sinistris : dicens il-
lis qui à dextris sunt, Venite filij mei,
possidete mecum regnum cælorum. Esu-
riui, & dedistis mihi manducare : siti-
ui & dedistis mihi bibere : hospes eram

*Et collegistis me : nudus eram , Et vestistis me. Dicet illis qui à sinistris sunt, Recedite à me maledicti in ignem eternum. Esuriui , Et non dedistis mihi manducare : sitiui , Et non dedistis mihi bibere. Cogitemus ergo , dilectissimi , & prouideamus ne nos retributio impietatis inueniat. Nam sicut in pascendis , vestiendisque pauperibus placatur Dominus : ita lædatur in contemptu miserorum : cui tanta est cura infelicium , ut sibi datum iudicet , quicquid inopem aut vestit , aut reficit. Audite Salomonem dicentem , *Fili , benefac* Eccl. 29.
tecum : conclude eleemosynam in sinu pauperis. Quisque ergo utilitatibus suis consulere desiderat , non inuitus pauperem pascat. Non deest autem , in quo quotidie possis lucrum facere , si ad necessitatem respicias paupertatis alienæ. Nam dicit scriptura , Eleemosyna Et fide peccata purgantur. Prou. 15.*

Ecce hic ieiunis faucibus pascum requirit: ille miserabile vestimentum deesse sibi in nuditate testatur. Satis crudelis est & nimium durus, quem non tangit dolor, cum partem corporis sui aut debilitas, aut nuditas, aut paupertas stimulat. Parum profectò sibi prospicit, qui non causæ alienæ necessitatis intendit. Nil tibi profunt diuitiæ tuæ, si diuitiarum beneficijs non utaris. Nam pars mendicitatis est, congestam secretò pecuniam possidere. Nescis quòd non recipit fructum quicumque non seminat? iuxta illam sententiam, quam *2. Cor. 9* superiùs commemorauimus, *qui par-*
cè seminat, parcè & metet? Hæc est igitur exercendæ culturæ ratio, ut quāto plus homo feminum terræ commendat, tanto futuris messibus spes maior aderescat. Qui non seminat, otiosis manibus alios metentes spectat. Nam qui inter ceteros agricolas

plus laborauerit, plus reponet. Quando autem potest fieri, ut horrea sua vacua respiciat, qui semina multiplicato iugiter sulco terræ commiserit? Quid tibi prodest congestis incubare diuitiis, si de his nullum lucrū capias? Videmus denique frequenter inueteratam frugum massam vetustate consumi, & vitiata temporibus vina nullis in posterum vñibus profutura iactari. Illud solū aliquotiens Domino magis intelligimus profuisse, quod renouandi gratia solet agricola indigentibus commodare. Quicquid autem auaritia seruauerit, aut æstas nimia decipit, aut vetustas ingrata consumit, aut tinea damnosa corrumpit. Hoc solum sibi homo reponit, quicquid causa miserationis expendit. Nam ita dicit Dominus, *Thesaurizate vobis thesauros* Matt. 6.
in cælo, vbi neque tinea consumit, nec fures effodiunt & furantur. Prouideamus

ergo, dilectissimi, ne facultates nostras vermibus auaritiæ exterminet. Premittamus illuc opes nostras, ubi nullus fur inruat, nullus insidiator incēdat. Commendemus diuitias nostras Domino dicenti, *Nolite vobis thesaurizare thesauros in terra.* Quisquis enim facultates suas in opere Dei fideliter erogauerit, in parte cæli reconditas ac repositas sub iusto fideiussore custodit. Nemo sapiens ad huius sæculi ornamenta respiciat: quæ dum temporaliter voluntatibus hominum seruiunt, animis possidentis illudunt. Duo sunt genera diuitiarum. Vnum quod suadet ad mortem: aliud quod ducit ad vitam. Diuitiæ mortis sunt, incubare facultatibus alienis, & coaceruatam pecuniam infelicium lacrymis comparatam in diem adnumerare sæculi hæreditatibus profuturam. Illæ integre & incorruptæ diuitiæ, quibus animæ
redi-

muntur, quibus peccata purgantur:
Illius diuitiæ acceptabiles Deo sunt,
cuius largitate pauper alitur, nudus
vestitur, captius redimitur, vinctus
absoluitur, cœlestis regni hæredi-
tas comparatur. Nolo illas diuitias,
quæ quotidie augmento suo famem
faciunt: & in posterum dignitatis
sue flore nudatæ, amatores suos esu-
ire patiuntur. Recurramus denique
ad scripturas, & intelligetis in com-
paratione diuitiarum sub meliore
sorte stare pauperiem. In castiga-
tione enim auaritiæ Dominus quen-
dam diuitem apud inferos Abra-
e patri nostro ita supplicasse ad-
gnat, vt mendicum Lazarum in
sublimiori loco residentem mitte-
ret, qui refrigeraret os eius, & æ-
quantia siti labia restingeret. Cui
traditur fuisse responsum, *Fi-* Luc. 16:
recordare quia recepisti bona in vi-
tua, & Lazarus similiter mala:

*nunc autem hic consolatur, tu verò cruci-
arīs. Videtis quod quædam vi-
ces studia bonorum ac malorum
hominum manent: quas studio mi-
sericordiæ conuenit præueniri; ne in-
fructuosæ diuitiæ aduersum se vltri-
ces criminum flammās accendant?*
Paremus itaque nobis, dilectissimi,
apud Dominum locum gratiæ, &
viam vitæ nostræ munificentia & lar-
gitate muniamus. Affectuū nostro-
rum labem apud Dominum præ-
missa satisfactione purgemus, respi-
cientes ad illam propheticam sentē-
psal. 125 tiam quæ dicit, *Qui seminant in lacry-
mis, in gaudio metent.* Si quis ergo con-
scientiam suam diligenter interro-
gat, non otiosis auribus ista susci-
pienda putet. Non enim poteris in
illa die futuri iudicii aliter inuenire
refrigerium, nisi vulnera tua aut cu-
raueris refectione pauperum, aut la-
ueris inundatione lacrymarū. Pro-

fufius aurem ipfi flete, & facultates
 veſtras flentibus erogate: vt futuris
 temporibus inter ceteros gaudia
 metentes fructus miſericordiæ colli-
 gatis.

HOMILIA. IX.

De eadem miſericordia.

QUotiescunque, dilectiſſimi,
 caritatem veſtram pro ſtudio
 religionis admonere opus eſt, toties
 nobis illa ſententia Euangelicæ le-
 ctionis occurrit, quæ futuro iudicio
 inter bonos malosq. diſcernit. Quæ
 ſi quis neglexerit, lacrymas metet:
 ſi quis excoluerit, abundantiſſimos
 lætitiæ fructus adquiret. ita Euange-
 liſta dicente: *Cum venerit Dominus in*
maieſtate ſua, & ſegregauerit malos à
bonis, dicet ad illos qui à dextris ſunt, Ve-
nite, poſſidete mecum regnum cælorum.

Matt. 25

Esuriui, & dedistis mihi manducare: sitiui, & dedistis mihi bibere. Dicet & ad illos qui à sinistris sunt: Recedite à me maledicti in ignem æternum. Esuriui, & non dedistis mihi manducare: sitiui, & non dedistis bibere. Quicumque ergo, dilectissimi, vestrum ad illud cœlestis regni consortium venire desiderat, primo loco paupertati manum porrigat, nec alienas lacrymas otiosè respiciat: quia vnumquemq. siue boni operis, siue mali sententia retributionis expectat: ita Domino dicēte,

Galat. 6

Quaecunq. seminauerit homo, illa & metet. Inter cætera ergo, dilectissimi, quib. religiosæ vitæ studio opera adponimus, non prætermittamus necessitatem pauperum, ne perdamus infeliciū commercia lacrymarum. In hoc enim stat apud Dominum ratio pecuniæ per miseros dispensata, ut quāto plus homo erogat, tātō fœnoris plus reponat. Sic multis seminib. multa

parturiunt, ac multis parturientibus multiplicata confurgunt. Audite de hoc quoque Dominum dicentem, *Qui parçè seminat, parçè & metet.* Si ergo videtis, quòd qui parum ferit parum metet; ita & qui parū erogauerit parū recipiet: qui nihil ferit nihil reponit: ita fit vt qui parum recondit, inuitus sæpe ieiunet. Quando autem potest fieri, vt homo horrea sua plena magnis frugibus videat, qui nihil seminis terræ commendat? Si vultis ergo, vt fructus lætitiæ colligamus, largiùs in lacrymīs seminemus, *Qui parçè seminat, parçè & metet.* Inuenimus frequenter hominem, qui cūm esurienti semel eleemosynam dederit, mandatum se persoluisse credit. Non igitur deficientes fame artus vnus diei pastu refecisse sufficiet. sine causa autem vna die bonus est, qui altera descendit ingratus. Nam

præcedentis misericordiæ beneficium perdidit, qui putat esurienti semel sufficere quod donauit. Ille autem ad Dominum integros misericordiæ fructus præmittit, à quo pauper nunquam tristis abscedit. Iugi medicamine opus est medico, ut gemitus alieni doloris excludat: quia infirmitas quæ in diem crescit, medicinam in diem requirit. Sed nec minore cura nobis prouidendum est, ut abundantibus eleemosynis curemus, si quid in nobis cruentum, si quid est sordidum. Non enim statim sanantur vulnera, quæ semel laueris. Sæpe excisi corporis medicina repetenda est. Si vultis itaque, dilectissimi, ut dies vitæ nostræ nulla auaritiæ culpa contamineat: non claudamus aures nostras ad clamorem infeliciū, nec auertamus oculos nostros à nuditate miserorum. Nemo autem sibi putet perire, quod

pauperibus donauerit. Nam sicut mendicitas inhumanitatem sequitur, ita opulentia humanitatis studio comparatur: ita Propheta dicente, *Qui dat pauperibus, nunquam egebit;* Prou. 3.
qui uero auertit faciem suam, in maxima penuria erit. Ecce aures vestras clamor esurientis increpat, & ieiunis faucibus ianuam tuam sonus vocis deficientis accusat. Quare tibi non occurrit illa sententia, *Beatus qui intelligit super egenum & pauperem: in die mala liberabit eum Dominus?* Psal. 40. Satis illum negotiatorem constat stultum, qui reconditum sacculo tenet nummum, de quo inde potest habere commercium. Sed quod peius est, auaritiæ multa consentiunt. Hic ne misereatur pauperi, obstreperit vocem postulantium conturbatione sermonum: ille ne audiat, aliud audisse simulat. Satis misera est ista uiuendi conditio, ut homo dum studet auaritiæ aurib.

fuis grauitatem conetur imponere. Respice ad illam sententiam quæ dicit, *Qui pauperi miseretur, Deo fœnerat.* Quare ergo dubitet aliquis indigentem pascere, cùm videat se ista Christo nostro in pauperis refectione cōferre? Sunt aliqui, qui miserabilem mendicitatem spe procrastinata humanitatis inludunt. qui cùm excusare postulantibus erubescunt, miseros promittendo decipiunt. Ecce hic dicit, clauis deest, custos absentat: cùm primùm fueris reuersus, accipies. Non cogitas illam sententiam Salomonis, quæ dicit, *Ne dixeris, abi & reuertere, cras ego dabo: cùm possis statim benefacere.* Vnde scis quid contingat sequenti die? Dicis, cùm primùm fueris reuersus accipies. Quando est illud, esurienti vt vilicus tuus redeat, qui fortè te volente frequenter absentat? quando est, vt ad clamantem illa fastidiosa secretorum tuorum

claustra diffiliant, quæ dum tuæ seruiunt voluntati, nesciunt aperiri? Dicis, cum fueris reuersus, accipies. Quid si nudum grauior solito tempestas cædat? quid si deficientes fame artus exitus vicinæ mortis excipiat? Quis non iudicet tuo iudicio deputatum morti, quem videt tuo beneficio potuisse seruari? Cum fueris reuersus, accipies. Cuius fide redit, quem virtus tota destituit? aut qua spe domum repetit, qui pridie confusus abscessit? Deponamus quòd promissioni tuæ redeundo satisfaciat; fortè sub hac qua pridie conditione venturus. Satis iustius planè est, eleemosynam statim negasse, quam esurientem spe promissa decipere. Audite Dominum dicentem, *Frange esurienti panem tuum.* Requiramus si vultis, dilectissimi, qua fractus panis mercede pensetur. Ecce dicit Dominus,

Esaï. 58. Frange esurienti panem: si videris nudum, vesti eum: & domesticos seminis tui ne despexeris. Tunc erumpet temporaneum lumen tuum, & vestimenta tua citò orientur: & præibit ante te iustitia: & claritas Dei circumdabit te. Tunc exclamabis, & Deus exaudiet te: & dum adhuc loqueris dicet, ecce adsum. Videte, dilectissimi, quantum nobis constet erogatio tenuis expensæ, vt ad petitionem nostram tantæ maiestatis Dominus dignetur occurrere. Nam & *Matt. 10* alibi dicit, *Qui dederit vni ex minimis istis calicem aquæ frigidæ, amen dico vobis, quia non peribit merces eius.* In hoc loco voluntas requiritur, non facultas. In maximis enim affectum integræ deuotionis ostendit, qui in minimis votum miserationis exhibuit. Vnusquisq. ergo, dilectissimi, prout habet, vt potest, erogat, largiatur, expendat. Nemo claudum refugiat, nemo furdum non audisse se fingat:

nemo debili manus subtrahat. quia omnia ista in retributione consistunt. Vestire enim pauperem, corporis sui est operuisse nuditatem. lucrum autem magnum est refecisse mendicum. Sic enim dicit Dominus, *Quaecunque* Matt. 25 *feceritis vni ex minimis istis, mihi fecistis.* Tanta est enim apud Dominum nostrum cura miserorum, ut sibi praestitum putet, quicquid egentibus erogatio miseranda contulerit. Videmus igitur aliquoties inter abundantis vini, frumentique commercia egentes viduas, quas sexus & senectus decepit: quibus nec laborandi, nec providendi virtus suppetit. Satis ille impius est, quem non ad misericordiam prouocat aut infelicitas desolationis, aut infirmitas senectutis. Videmus & quod peius est, frequenter multitudinem captiuorum nudis erare corporibus. Quid tibi prodest abundantia diuitiarum tuarum, si in

conſpectu tuo vnus algeat , alter
eſuriat? Ecce imminet tempus, di-
lectiſſimi , iuſtæ retributionis , &
promiſſæ in cœleſtibus munus hæ-
reditatis. Erogemus ergo, & expen-
damus in hoc ſæculo , ſi vultis par-
tem diuitiarum obtineamus in cœ-
lo. Audite Dominum dicentem, *Mat. 6.*
ſaurizate vobis theſauros in calo: & ali-
Luc. 12. *bi, Facite vobis ſacculos, qui non vete-*
reſcant. Bene, dilectiſſimi, Chriſtus
noſter boni operis fructum penſata
facultatum qualitate diſpoſuit: vt in
faciendis eleemoſynis nec diues, nec
pauper excuſare ſe poſſit. ita vt huic
qui plurimum poſſidebat, theſauros
iuberet erogare: illum quem no-
uerat paupertatis ſqualore ſordere,
eſurienti panem iuberet frangere.
Quæ autem tam vacua horrea, quæ
ſuſtinere non poſſint tam tenuē ero-
gationis expenſam? aut qui tam mi-
ſeri cenſus, quos poſſit conturbare

mendicus ? Facile sanè & sine difficultate potest implere mandatum, cui vltra possibilitatem nihil constat impositum. Scio quidem census re- nues frequenter bonæ voluntati ob- sistere : ita vt non sit in quo se opera pretiosæ cogitationis extendant. Sed si illa quæ maiora sunt, implere non possumus ; vel hæc quæ parua & facilia sunt , non prætermittamus.

Frangere esurienti panem. Ad hæc quis non deuota mente respondeat, quamuis paupertatē oppressus sit, & tota victus mendicitate suspi- ret ? Alioquin aut nimium mendi- cus , aut satis vanus est , qui in facienda eleemosyna non est fra- cti panis erogatione contentus. Sed dicis, multa minutatim di- spensata massam faciunt . Verum est. sed quantum est istud ad il- lud quod dicit Dominus , *Ego vo-* *Matt. 19*
bis reddam in centuplum , insuper &

vitam eternam? Tu tamen, qui tam inuitus fracti panis portiunculam porrigis, quid faceres, si à te auri pondus, si argenti pretiosum talentum, aut aliquid integrum peteretur? Nescio si tu aliquādo dato magno pretio captiuum redimas, qui de re tam parua suspiras. Qui pauperi misereatur, Deo fœneratur. Vnde, dilectissimi, moneo vt nemo partem diuitiarum Deo subtrahat: qui iustis laboribus non difficilem boni operis fructum reportat, cùm misericordiæ mercedem multiplici miseratione compensat. Non dubitemus itaque erogare: non dissimulemus expendere. Maxima enim sēper fuit apud cultores terræ spes alendæ vitæ, ex abundantia seminasse.

HOMILIA X.

De parasitis.

QUotienscumque, dilectissimi, pro studio disciplinæ, ad confusionem malorum, opus fuit bonarum partium virtutes exponere, multum amicitijs honoris exhibuimus, cum singula quæque pro suis meritis laudaremus: præferendo fraternæ coniunctionis studia, quæ pacis & caritatis iuncta consortio, vitæ perfectæ religionis instituunt. Sed dum assiduè singularum rerum causas curiosus inquiero, & honestis actibus officiū sermonis accommodo, multum in ipsis amicitijs quod mihi displiceret inueni. Vnde nequid in adulatione bonarum partium subtraxisse videar disciplinæ, ausus sum inter illas inimicitiarum culpas etiā

amicitias castigare: si tamen amicitia dicendæ sunt, vbi operatur iniuria multis acta vulneribus. In quo loco ad excusandam execrabilis erroris inuidiam, aliquanti fortè lufum prætendant, & pœnalibus causis lætitia nomen imponant. Ferat hoc quo libet animo, qui huiusmodi contumeliis subiacere cōsuevit. Ego ibi amicitias excessisse omne genus captiuitatis puto, vbi nec læso irasci, nec irato conuenit vindicari. In quo loco, dilectissimi, quem ex duobus infeliciorem iudicem, nescio: vtrum illum qui aliena deformatione viuit, an istum qui corpus suum ludibrio prostituit, & inlusionibus tradidit. Nemo mihi in talibus causis patientia nomen imponat. ad luxuriam profectò pertinet pœna, quam irascentis inimici non extorquet iniuria. Sed fortè istis danda venia sit, quos ad omnem contumeliam paupertas trahit,

trahit, & infelix penuria luxuriantibus plagis subiacere compellit: qui dum necessitati seruiunt, contumeliis adquiescunt. Esto ut his patientiam causa improbæ paupertatis indicat. quid de illis iudicamus, quos aliena pascit contumelia? Qualis iste gradus est amicitiarum, quem vinxit pœna, asperauit iniuria? aut quæ illi potest esse gratia familiaritatis, ubi est quotidie pœna venalis? Erubesco quidem, dilectissimi, in confusione miserorum, quos fames improbæ cupiditatis inlexit: sed multo plus illorum actu & conuersatione suspiro, apud quos pœnalis amicitia tristitiam remouit, & lætitiā cruentus amor familiaritatis exegit. Infelices quidem illos iudico, quos ad iugem contumeliam venter inuitat, & ad omnem iniuriam gula nunquam poculis exsatiatura sollicitat. Sed istos multo

infeliciores puto, qui amica institutione pugnas instituunt, & inter fluentes mero calices alieno sanguine satiantur. Ecce hic conuiuium instituit, & votiuo quodā apparatu vndique greges adulantium congregauit. Inter quos procedit parasitorum gula: cui consuetudinis est iniuriam mero vendere, & poculis scissis plagis vestimenta sarcire. Videte ergo, quomodo isti ferant odiorum causas, apud quos cruentas esse placet amicitias. Quid non inuenit infelix ac damnosa luxuria! Ecce sic spectaculo homo homini: & ad excitandam lætitiā aut sermo turpis, aut vultus exigitur fœditatis. Huic deniq. manducanti barba vellitur: illi bibenti sedilia subtrahuntur: hic ligno scissili, ille fragili vitro pascitur. Tanta est igitur libido ridendi, ut putent miseri nullum sine lætitiā transire conuiuium, nisi in cibos

verterint aut vestimenta corporum,
aut ministeria poculorum. Quantis
autem putatis miseriis ista constare?
Ecce quicquid detrimenti mensa fe-
cerit, insatiabilis venter acquirit.
Nam qui huiusmodi voluptatibus
seruit, etiam mercedem laboris sui
aut bibendo conterit, aut vapulan-
do consumit. Sed hæc ante omnia
illis imputanda sunt, qui lætitiæ cau-
sa ad tam fœdum ministerium gra-
dum amicitiae & familiaritatis incli-
nant. In meliore profecto statu est
apud Dominum seruitus, quæ stan-
di lege deputato patet officio. Est illi
inter accumbentes locus ridendi, &
nulla tamen inter expectantes tene-
tur culpa peccati. Ecce instruitur
acies poculorum telis armata. Expe-
ctatur primum in contentione ver-
borum victoria. nec finis ponitur,
donec abundantib. lacrymis aspera
quæque poculorum temperentur:

Polluere est magis, quàm exornare
conuiuium, expectare infeliciū
pugnas amicorum: si tamen amici
dicendi sunt, qui captiuorum lege
seruiunt, & gladiatorum more pas-
cuntur. Datur misero inter ciborum
nouitates, vini liquores, quicquid
vilius, quicquid asperius: vt in tan-
ta rerum abundantia incertum sit,
vtrum esurire, aut sitire sit melius.
Minus planè ludibrio subiaceret tene-
brosis sedibus deputata captiuitas:
vbi quamuis sustineat homo durum
dominationis imperium, accipit ta-
men ex ipsa rerum necessitate sola-
tia. Non enim habet, in quo possit
erubescere, cui necesse est inuito
seruire. Velim tamen scire, dilectissi-
mi, in quo reficiat expectantis ani-
mū iniuria deformitatis alienæ. Ad-
ferant fortè huius rei amatores iocis
ista præstari. quasi reuera desit, vnde
homo non requirat. Ostendā vobis,

si placet, oblectamenta non incommoda: quæ facile omnem tabescens animi possint mœstitiâ remouere. Ecce infantib. quàm sunt verborum admiranda principia: vbi primùm informis litera vocabulum matris operatur, & distantis syllabæ gemitus patris nomē orditur? Quis autem ibi lætus non sit, cum inter illa sermonū dura rudimenta, luctantes labiorum sonos rudis lingua decipit, & os trepidū stillantia verba destituit? Quod si fortè spectaculis delectaris, habes equorū, licet aliquotiens periculosa, satis tamē grata certamina; cum plaris gradu concito vêtos aut timeât, aut rapiunt. Nec parū lætitiæ confecerunt illa studia venationū, & canib. acta certamina; quæ nec periculis, nec damnis constat exposita. cum hic in conflictu æmulis cursibus aurito lepori imminet, ille argutis naribus cerui vestigia latentis inquirat.

Quæ tamen dimittenda sunt sæculo, in quo antiquo æstuat errore luxuria. Nos verò aliter decet, quos Christus noster suis legibus vinxit, & ab illa superstitiosæ gentilitatis stultitia segregavit. Licet nec nobis desint spectacula, quæ tristitiam relevent, & anxium curis animum sufficienter oblectent. Ponamus nobis ante oculos illas pugnas Martyrum, & intueamur admirabilium exempla virtutum: & videbitis subito ad crescentem lætitia cedere omnes infelicium æstus animorum. Cui autem non lætitiæ paret pugna, iustis partibus succedente victoria, quam ferus hostis ad motis tormentorum stimulis in Sanctorum persecutione composuit? Quis igitur non rideat, quis non lætus sit, cum videat militem Christi nostri supplicijs exultantem? erubescere persecutionis auctore, victum plagis cessisse tortorem? Si

quis fortè dulcisoni cantus delectatur auditu, ad psallentium Prophe-
tarum choros sollicita latius corda
conuertat. Impleatur os nostrum
cœlestium exultatione psalmorum,
referente Christo nostro gratias, qui
spe redditæ salutis in honore nomi-
nis sui iugiter exultare nos voluit.
Hæc sit exultatio cordis nostri, vt
die noctuque lætemur in Domino.
Hoc est autem exultare, mandatis
Domini tota mente seruisse. Man-
datis autem Domini seruit, qui vitã
suam ab omni vitiorum contagione
custodit. Ille vitam suam custodit,
qui fidem proximis suis exhibet, pa-
cem diligit, amicitias colit. Hoc est
igitur amicitias colere, alienam ira-
cundiam moderationis studio susti-
nere, & feruentes fratris animos pa-
tientia temperare. Ita est vt futuro
iudicio inter cæteros inculpatus in-
cedas, si de Christo nostro in his

omnibus quæ diximus, te probatum
castigatus exhibeas.

HOMILIA XI.

Qui gloriatur in Domino gloriatur.

NON rectè sentiunt, dilectissimi,
mi, qui putant vitæ ornamen-
ta proprio labore componi, & sine
adiutorio omnipotentis Dei virtu-
tum posse merita comparari. Si ergo
nostrum est tantum quod boni sum-
mus, quare vitijs subiacemus? aut si
ex nobis descendit omne, quicquid
potest hominem aut ornare, aut sal-
uum facere, quare pereundi lege cõ-
cludimur? Omnem profectò modum
sacrilegæ superstitionis excessit, qui
in laboribus iustis partem Deo sub-
trahit, à quo sapientiæ spiritum ac-
cepimus: qui totum hominem regit,
& ad omne opus bonum mortaliū

mentes accendit. cuius est quicquid
ex illa iustitiæ sede descendit. Omnia
taque laborum insignia ad Deum
referenda sunt: ne sancti Spiritus do-
na rescindat. Nimia autem præsum-
ptionis est vitium, imperatore pu-
gnante militem solum palman-
re reportare victoriæ. Sanè si vultis
potestis agnoscere, cui mala, cui
bona debeant imputari, Prophe-
cia dicente, *Bonitatem fecisti cum ser-* *Psal. 118*
uo tuo Domine. Item alibi, *Dixit* *Psal. 113*
insipiens in corde suo, non est Deus.
Videtis ergo, quòd bona nostra
diuinitati debemus adscribere; ma-
la autem humanis moribus impu-
tare: quia vt bona procurante Do-
mino creantur, ita mala diabolo
auctore nascuntur. Sed vt intel-
ligatis vitam Dei munus esse, mor-
tem diabolo subiacere, audite E-
uangelistam dicentem, *Venite si-* *Matt. 25*
ci, possidete mecum regnum promissum

vobis à constitutione mundi. *Esurini, & dedistis mihi manducare.* Aliis verò dicit, *Recedite à me maledicti in ignem æternum, quia non dedistis mihi manducare.* Videte ergo quòd boni actus cœlo seruiunt, mali inferni sedibus deputantur. Diuisio autem actuum nostrorum est. cum benè facimus, Christi sumus: cum mala operamur, in diaboli potestatem transimus. Nunquam enim deserit Dominus voluntatem religionis studio florentem: nec desunt solatia diuinitatis, vbi sunt actus bonæ conuersationis. Tunc sanè nos bona deferunt, cum deteriora succedunt: quia non dubiè diuino auxilio destituimur, postquam iniquitatis desideriiis occupamur. Adstante igitur Deo ac Salvatore nostro, sine dubio dominatio diabolicæ potestatis absentat. Vbi autem virtutum Dominus discesserit, facilè hostis aulam

vacuæ possessionis inuadit. Vna est
taque spes salutis nostræ, vt malorū
actuum ordinem nobis imputemus,
bonorum Dei virtutibus adscriba-
mus. Citò autem ille ad se imperium
diabolicæ potestatis admittit, qui
diuinæ maiestatis solatia non merue-
rit obtinere. Sperandum ergò in Do-
mino, vt boni simus: & cum boni
fuerimus, in Domino gloriandum.
Audite Apostolum dicentem. *Quid* ^{1. Cor. 4}
habes quod non accepisti? Si accepisti, quid
gloriaris, quasi non acceperis? Hæc actiū
nostrorum perfecta gloriatio est, si
gloriamur in Domino, apud quem
victoribus virtutum corona com-
ponitur. Ibi sanè de se hominē glo-
riari oportet, vbi pro nomine Do-
mini voluntaria crucis pœna succe-
dit. quæ tamen gloriatio hunc ha-
bet fructum, si auxiliante Christo
mereatur effectum? Nam Propheta
in hoc loco dicit, *Nisi Dominus* ^{Ps. 126.}

*ædificauerit domum, in vanum laborant
qui ædificant eam: in vanum vigilant
qui custodiunt eam.* Videtis ergo, quòd
nec sine Domino quod bonum est
ædificari, nec ædificatum sine Do-
mino poterit custodiri. Ædificatio
diuinæ huius domus ædificatio est
vitæ nostræ, quam oportet diuinæ
maiestatis auxilio communiri. Ro-
gandus itaque semper est Christus
noster, vt in nobis bona nutriat:
& exorandus, vt nutrita custodiat:
atque ita intelligentiæ nostræ corda
componat, vt omnia quæ bona sunt
gloriæ cælestis potestatis adsignet.
Stultitiæ verò genus est, vt homo
suum esse iudicet quod laborauit,
qui in alterius potestate consistit.
Ecce hic modò diuitiis exultat, mo-
dò paupertate suspirat. si in manu
nostra sunt bona nostra, quare
non cum volumus aut penuria
cessat, aut diuitiæ perseuerant?

Hic modò sanitatis vigore attolli-
tur, modò infirmitatis dolore ve-
xatur. si in potestate hominis esset
vitæ nostræ salus, nunquam pe-
riclitaretur mendicûs, nec more-
retur infirmus. Requirit denique
vnusquisque initia vitæ suæ, & au-
ctorem quærat generis humani:
quis corpus formauerit, quis mem-
bra composuerit, quis terrenam
materiam in humanum vsum fece-
rit vegetare. Nonne hæc omnia
Dominus sapientia procurante con-
stituit? Cùm ergo non sit no-
strum quod sumus, quomodo no-
strum est quod habemus? Stulti-
ciæ genus est, vt cùm alij debeas
vitæ beneficium, tibi adscribas or-
namenta virtutum. Ecce hic ho-
nore extollitur, ille sibi de corpo-
ris integritate blanditur: hic di-
uitias labori suo imputat, ille scien-
tiam doctrinæ vigilijs adsignat.

Nec nos negare possumus, ornamenta religiosæ vitæ vigilantia studio comparari. Sed ibi Deus est, vbi integræ religionis est animus. ita Apostolo dicente, *Exemplum*
Rom. 7. *eius queritis qui in me loquitur Christus?* Satis ibi vacillat humanum studium, vbi non requiritur Dei auxilium. Nam non dubiè periclitatur fides, si non muniatur patrociniò diuinitatis. Nostrum est igitur bonum velle, Christi verò perficere. *Psal. 13.* Nam ita Apostolus loquitur: *Velle adiacet mihi, perficere autem bonum non inuenio.* Vides ergo boni operis voluntatem ex nobis debere descendere, perfectionem verò in Dei potestate pendere. Quare autem aliquis mortalium fieri bona suo tantùm studio adsignet, cùm dicat Prophe-
Psal. 13. *tà, Non est qui faciat bonum, non est usque ad vnum: & Euangelista itidem doceat non esse bonum, nisi solum*

Deum? Ergo videtis, quòd si quādo
boni videmur, bonitatem Dei ope-
ramur. Audite Apostolum dicentē,
Vos estis templum Dei, si tamen Spiritus ^{1. Cor. 3.}
Dei habitet in vobis. Templum profe-
ctò Dei sumus: sed cū bene faci-
mus. Si ergo templum Dei est ho-
mo, necessariò Dei est quod habe-
mus in templo. Sed hæc bonis dixi-
mus. Verū non est Dei templum,
vbi conuenit multitudo vltiorum.
Nam vbi cūque crimina porrigun-
tur, ibi diabolus dominatur. Ad il-
lud scilicet respicit pompa diuitia-
rum, qui sibi in magna dōmo vin-
dicat principatum. Nos procuratoris
loco fungimur. si aliquid lucri fece-
rimus, referetur ad Dominum: si
damni, referetur ad procuratoris exi-
tium. Quicquid enim seruus in Do-
mini positus potestate laborauerit,
necessariò Domini est. Habet quidē
seruus gratiam laboris sui, sed Do-

mino debet fructum operis impleti.
Denique utili seruo ad hoc pecunia
creditur, vt domino duplicati fœ-
noris lucra numerentur. Respicite
itaque ad consuetudinem conuersa-
tionis humanæ, & intelligetis utili
seruo ad hoc pecuniam credi, vt do-
mino duplicati fœnoris lucra nume-
rentur. Nam ita in hoc loco Euange-
lista dicit, ad eum qui lucrū quadru-
plicatæ pecuniæ reuerso de peregre
Matt. 25 domino portauit, *Euge serue bone,*
quia in pauca fuisti fidelis, in multa te
constituam: intra in gaudium domini tui.
Ita dominus laudatur in seruo bo-
no: seruus bonus prædicatur in do-
mino. Vnde cauendum est, ne quan-
do quod ad gloriam boni operis per-
tinet, nostris virtutib. adscribamus:
scientes quòd non per iactantiã vi-
ctoriæ corona componitur: sed per
fidem & confessionem Dominicæ
passionis, quibus respondent bono-
rum

um operum studia. Hæc est illa pecunia, cui diximus cœlestis regni respondere beneficia. Hoc illud negotium iusto fœnore duplicatum. Hæc est illa retributio meritis debita, ac beatis laboribus repromissa. Multiplicetur ergo in nobis pietas, fides, misericordia, bonitas: ut cum venerit Dominus facere rationem cum seruis suis, intremus in gaudiū Domini Dei nostri. Quod facile obtinere possumus, si vsque in finem cœlestia mandata seruemus. Sed non tiosè nobis laborandum est, ut mercede digni iudicemur. Iustis autem actibus facile honesta succedunt, si tamen non occupent animum prauæ voluptates: quæ non difficile in ventos euanescent, si non iuinæ maiestatis solatia requirantur. Quisquis ergo est in hoc, quod at salus homini, religionis ordinè constitutus, non extollatur gloriâ

sanctitatis: sed magis fructum laboris sui Domino reseruet, qui vnicuique pro meritis cœlestia dona componit. Qui gloriatur itaque, in Domino gloriatur. Omni ergo studio agendum est, dilectissimi, ut vitam nostram Domino ita fides pura commendet, ne quid extollentia humana sibi vindicet, aut suis laboribus donet. Totum autem perdidit quod laboravit, qui propriis virtutibus fructum sanctitatis adscripserit.

HOMILIA XII.

De bono conservanda pacis.

SOLLICITI sint fortè aliqui maliuolis exprobare verbis studiū bonæ voluntatis, & timori aut ignaviæ adscribere, si quando homo litibus cedit, & exulceratus iniurijs ad omnem patientiam quietis amore

confugerit. Ad confutanda tam prauæ mentis iudicia, sufficere quidem deberet Euangelicę lectionis admonitio. Sed quod ex nobis est, fidem rerum etsi exiguo sermone prosequimur: atque ea quæ plenitudo religionis postulat, pro affectu quo caritati studemus, votis competentibus adiuuamus. Licet sciam antiquis legibus ita multos deuictō amore seruire, vt odijs semper impugnēt quicquid seruandæ pacis cura suggesserit. Siquidem id ipsum quod dicturum sumus multis diuinarum scripturarū testimonijs adprobemus: ita in hoc loco Dōmino dicente, *Diligite inimicos vestros, benefacite his qui vos oderunt.* Matt. 5. Non dubito quòd aliquantis satis otiosum, & impossibile videatur pro inimicitijs amorem deferre, pro contumelijs gratiam retulisse. Et verè, dilectissimi, difficile est, vt accepta iniuria dolor non in quacunque

parte corporis defæuiat. Sed sapientis est superuenientem dolorem aut parienter ferre, aut fomentis mollioribus temperare. Infinita autem virtus est, odia viciffè beneficiis. Nā ille inter cæteros palmam perfectæ virtutis obtinet, qui ad vicem veneni pocula dulci melle componit. Primus itaq. dilectionis gradus est, caritatis affectum amicitijs nutrire: integræ autem dilectionis est, cumulus, odium amore repensare. Illud beneficijs adscribitur: hoc virtutibus deputatur. Additur præterea ad cumulum perfectæ dilectionis illa sententia, quæ ait, *Si esurierit inimicus tuus, ciba illum: si sitit, potum da illi. hoc enim faciens carbones ignis congeres super caput eius.* Quicunque ergo tu es, quem alienæ insolentiæ inquietat iniuria, & dolor contumelijs excitatus stimulat: si vis perfectus esse, animorum ira-

Rom. 12

iracundiam moderatione compesce,
& à te patientiæ bono odia impro-
bæ indignationis exclude. aut cer-
tè, si tantum vindicare desideras;
miserere ab his qui ignorant salu-
tem animæ in hac dilectionis per-
fectione pendere. Fortè odijs odia
compensentur, & ad compensan-
dum facinus vicaria iniuria. Pro-
uocasse quidem ad iracundiam fra-
trem, crimen est: sed prouocatum
non cessasse, deforme est. Ita enim
odiorum semina abundantissimos
iniquitatis fructus reddunt, & sce-
lerum pœnas operantur: & cum
auctor litis erubescit fratri satisfac-
cere; & læsus iusto, quantum ipse
putat, iudicio vindictam inlatæ
requirit iniuriæ. Audistis ecce, di-
lectissimi, quibus pacis studia fru-
ctibus gratulentur: nunc discite,
quantis odia criminibus incusen-
tur. Sic enim proponit Euange-

lista Domino dicente , *Qui odit fratrem suum , homicida est.* Videte vtriusq. partis retributionem. Huic pro odio fratris homicidij macula adscribitur : illi vindicta pro parua eleemosyna præparatur. Respice denique & vide , quanto te amicitia quietis & pacis honore, circundet : quantum tibi fauoris exhibeat, si aduersus inimicitias amore contendas.

Mat. 5. Diligite inimicos vestros. Longè autem minor fructus est , si amantem te diligas. Alienis enim morib. seruit, qui non amantem diligit : suis autem moribus seruit, qui amantem diligit. Ad illam necessariò caritatis gratia pertinet, qui inter duos prior affectū amoris exhibuit : qui amantem diligit, debitum reddit. Nam non est nouum meritum, vbi alterius præcedit officium : nec perfectioni adscribendum est, vbi muneribus munera, præmissis officijs redduntur officia.

i esurierit inimicus tuus, ciba illum. Rom. 12
Nunquid dixit, si esurierit amicus
tuus, ciba illum? Tu inimicum tuū
pascce. nam amicus ipse sibi præstat,
et non esuriat. quid autem ibi ope-
ratur tua eleemosyna, vbi amicum
pascit amicitia? Videamus tamen,
quid intersit inter eum qui indigen-
tem amicum pascit, & eum qui esu-
rientem inimicum reficit. Ille gratiæ
reddit debitum: hic exhibet misera-
tionis & virtutis exemplum. Glorio-
sum est quidem indigentem fratrem
pascere: sed fortius est inimico in ne-
cessitate posito subuenire. *Diligite
inimicos vestros.* Fortè illi quem recēs
pulsat iniuria, videantur ista non cō-
uenire rationi. Sed respiciat, quicun-
que est, ad vitæ suæ quietem: & intel-
liget quia inimicum dilexisse, vicisse
est. Infinitum autem est, quantum
periculi homini incūbat, cum duos
æmulo furore confimiles ad pugnā

ille diabolus magister litis armauerit: cuius est consuetudinis ad instiganda odia amaros portare ac reportare sermones. Quando est autem, vt ille diē sine tribulatione transigat; vel quando est, vt ab illo nox sine impia cogitatione discedat, quē ira indignatione stimulat? Nunquā profectō sine suspitione vitam ducet, cui est semper necesse cogitare & timere quem læserit. Summa itaque cura sunt dolores asperi blando verborum medicamine temperandi: quatenus & duritia cordis pacis studio castigata mollescat. In quo loco beatos illos iudico, qui verba labiorum suorum tacito ore custodiunt: & memores cœlestium mandatorum alienæ vocis contumeliam non requirunt. Cessant enim odia, vbi non reputatur iniuria: nec habet vllam virtutē iracundia, si desit vnus in contentione persona. Ita duplex

patientiam manet victoria, hominem vicisse proprios animorum motus, & temperasse mores alienos. Scimus quidem, dilectissimi, quod aliquoties in contentione verborum laceratis auribus corda suspirant. Sed ipse sibi iniuriam facit, qui litigiosi hominis verba custodit: ipse se maculat, qui alterius dicta queritur in se fuisse collata. Plena victoria est, ad clamantem tacere, & non respondere prouocanti. Habes enim mercedem & de tua patientia, & de fratris medela, si obliuioni deputetur iniuria. ubi enim verbis verba succedunt, incendio fomenta præstatur. Sicut nihil est deformius respondere furiosis: ita nihil vtilius tacere prouocatis. Nam cum ad crescant inimicitiae, si cum altere verbis defendit, alterius dicta alter accuset. nullus autem est finis inimicitiarum, nisi ad tempus obtemperemus iratis. Dicis forte, non est culpa, si illud quod

Ps. 140. dicit Propheta, feceris: *Pone, Domine, custodiam ori meo, & ostiū circumstantiæ labiis meis.* Si non vis iniuriam pati, re-
liga plectrum oris tui, & obtura au-
res tuas, ne ad te irascentis fratris ver-
ba perueniant: aut certè si peruene-
rint silentio deputentur. Sic fit vt cõ-
ceptus furor virtutem perdat, si vno
tacente alter solus infaniam. Audite
Rom. 13. Apostolum dicentem, *Dilectio proxi-
mi malum non operatur.* Vultis scire
quod sit istud malum, quod gratiam
fraternæ dilectionis excludit? odia,
rixæ, simultates, lites, æmulationes:
quæ omnem cursum vitæ præsentis
infamant. Hoc ergo malo absolutus
est, qui caritati seruit: nec habet in
eo locum ruina vitiorum, qui calca-
tis odijs integrum caritatis custodit
affectum. Addit ecce dilectionis au-
gmentum Euangelista dicens, *Dili-
ge proximum tuum, sicut te ipsum.*
Videamus qui sit iste proximus, quẽ

tanto studio Euangelista commen-
dat. Non ita Propheta gradum pa-
rentelæ, aut necessitudinem consan-
guinitatis exposuit, ut extraneos à
gratia fraternæ dilectionis exclude-
ret. Proximus tuus est omnis homo,
qui eadem tibi est Christianitatis le-
ge coniunctus. proximus tibi est,
qui ab Ecclesiæ consortio non vide-
tur alienus. proximus tibi, quicun-
que est proximus Christi. Qui ergo
proximum diligit, Deum diligit. Ita
qui Deum diligit, oportet ut Christi
sui proximum veneretur. Propheta
laudans coniunctionem fraternam
dicit, *Ecce quàm bonum & quàm iocun-* *Psal. 132*
dum habitare fratres in vnum. Quid in
vita hominis est bonum nisi pax, sub
qua omnia quæ sunt honesta profi-
ciunt, ac religiosa nutriuntur? Quid
est iocundius, quàm ut omnes gētes
vni Deo in pace seruiant, atque in
vnius Domini laudem omnium po-

pulorum vota conueniant? Habitare in vnum hoc est, in vnum Deum credere, & in vno Dei filio fideliter permanere. Hæc est mortalibus utilis & iocunda coniunctio, vt non diuidamus, sicut hæretici faciunt, patrem à filio, nec filium à patre, nec Spiritū sanctum ab vtroque: sed credamus hæc tria nomina per personas diuisa vnius deitatis gaudere consortio. Ita fit, vt cū in vnum conuenerit, nullum sit in ecclesia discidiū caritatis. Vitemus ergo semper, dilectissimi, odia. sed vt odia vitare possimus, ante omnia causas vitemus odiorum. Primo loco cesset inuidia, quæ ad omnem litem animos humanæ mentis accendit. Nemo in comparatione personæ alterius natales infamet; & non est quæ insolentia sui oris accuset. Cauendum ante omnia est, ne quid per concertationem simultatis ad crescat. Solet enim insanabilis ini-

inicitia ex contentione descendere. In quo loco patientia opus est, cui non sine fructu propriæ salutis obsequeris. Nam sicut illum qui iniuriam fratri infert, grauis peccati manet culpa: ita te maxima protegit virtutis corona, si accepta nō irasceris iniuria. Ille enim dilectionis plenus affectus est, si obliterated scōtum elij infirmitatib. miserearis alienis. Scimus quòd gloriosum est aliquantis, expectare benignis oculis pœnas corporū, aut damna miserabilium facultatū. Sed si qui sunt isti, audiant Dominum dicentem, *Orate pro calumniantib. vobis.* *Matt. 5.* Multi accepta iniuria vicariam contumeliam parant, & vindictæ locum animo latrocinanti expectant. & vbi est illud quod Dominus dicit, *Nemi-* *Rom. 12.* *ui malū pro malo reddētes?* Ac ne aliquid tibi vindicaret iracundia, potestatis etiā spem abstulit ultionis, cū dicit, *Mihi vindictā, ego retribuā, dicit Domin⁹.* *Ibidem.*

Dimittat ergo vnusquisq. fratri suo ex toto corde. Nullus recolat iniuriã: nemo quærat ira perseuerẽte vindictã. Sint tibi cum inimico tuo semper bláda, sed pura colloquia. cessent obtrectationes, & cessant lites. Sic est vt à te diligatur inimicus, si non addas causas, quibus semper inflammetur iratus.

HOMILIA XIII.

Item De bono pacis conseruanda.

ALiquanti fortè æstimant, dilectissimi, ab antiquis legis iustitiam, quam criminosi satis duram iudicant, nimie bonitatis præiudicio fuisse calcatam: ex hoc quod dicat *Matt. 5.* Dominus in Euangelio, *Diligite inimicos vestros: benefacite his qui vos oderunt, & orate pro calumniantibus vobis.* Satis crudelis est, dilectissimi, qui

putat iustitiæ non conuenire bonitatem: cum vna atque eadem sit ratio prouidentia, malos bonitate compescere, bonos legis vinculo custodisse. Denique currite ad sanctum David, & inuenietis fontem iustitiæ ac bonitatis vnius esse virtutis. qui ita in parte psalmorum loquitur, *Bo-* *Psalm. 118*
nus es tu, Domine, & in bonitate tua doce me iustificationes tuas. Nemo ergo, dilectissimi, legis descriptione aliud putet esse, quam bonitatis, pietatisque consortium. quæ cum disciplina studet, honestis actibus mores instituit; & concitata iniquis cogitationibus corda seueritate compescit. Nam ut sciatis nihil de antiquo iure fuisse subtractum, audite Dominum dicentem, *Non veni legem soluere, sed* *Matt. 5.*
adimplere. Non sine causa, dilectissimi, Christus noster præsentis ac veteris testamenti præcepta vnum corpus esse voluit. Sciebat alteram partem

sine alterius adiutorio stare non
posse. & verè ita est. Nam vbi est
districtio iudicantis, temperamen-
tū semper opus est bonitatis. Omne
denique poculum, dilectissimi, cu-
ius auxilio medicina spem humanæ
salutis operatur, ex amaris speciebus
& dulcibus constat. Quod si quis
medicus rationis ignarus nequeat
temperare, dum remedium quærit,
mortifera ægris venena componit:
que ita omnes extrinsecus dolores
accendit, si tristes herbarum succos
æquis nesciat miscere ponderibus.
Ita & lex, dilectissimi, quæ Christia-
na iura moderatur, ex amaris & dul-
cibus, hoc est ex antiquis & præsen-
tibus institutis est condita. Nam vt
est peccatoribus ingrata, ita & iustis
tota est verborum suauitate compo-
sita. in tantum vt his cœleste pro-
mittat regnum, illis gehennæ mi-
netur incendium. In qua si quis sa-
piens

ciens nouerit humilitatis & pacis
ediectione confectionis seruare mē-
uram, nullam exinde districtioris iu-
is patietur iniuriam. Nam ut est fa-
cile aspera quæque pocula mellis
uauitate mollire: ita non est diffi-
cile, honestis actibus antiqui iu-
is amaritudinem temperasse. Si
quis itaque uestrum iustitiam amat,
utriusque Testamenti mandata stu-
deat: atque ita nouellis legibus ser-
uiat, ut illa quæ sunt antiquitus con-
stituta non prætermittat. Sic ergo
implebis legem Christi, si nihil de
antiquis aut præsentibus institutis
subtraxeris veritati. Quis autem sa-
ciens opus iustitiæ fructum neget esse
conitatis, cum audiat Prophetam
dicentem, *Bonum mihi quod humiliasti* *Psalm. 113*
me, ut discerem iustificationes tuas? Non
subito esse aliquos, dilectissimi,
qui sub hac sententia perfectam
utent stare iustitiam, quæ dicit,

Leu. 24.

Oculum pro oculo, dentem pro dēte. Dominabatur quidem ista dudum apud sæculi homines: sed ideò, quia necdum auctor venerat bonitatis. Qualem autem illam putatis fuisse iustitiam, quæ solam mortis operabatur iniuriam? Et nullus profectò adhuc pœnæ finis esset, nisi Christus noster cruentis legibus oleum misericordiæ miscuisset: hoc est, verè sine dolo impleisset iustitiam, bonitatis exhibuisset doctrinam. His ergò, dilectissimi, eruditionibus instituti, antiquæ legis amaritudinem dilectionis studio temperemus: ne videatur ille perfectæ modum excessisse iustitiæ, qui inlatae vicem reportat iniuriæ. Ecce dicit Evangelista, *Diligite*
Matt. 5. inimicos vestros. Fortè aliquantis videtur absurdum, contumeliam amorè repensare. Non est impossibile inimicum diligere, si partium tuarum utilitatem cogites. *Diligite inimicos*

vestros. Nemo sub hoc mandati titulo, æstimet se aliquod inimico præstare beneficium. Qui inimicum diligit, se diligit. Sibi enim pepercit, qui latrocinantis dexteram magni muneris præda compescuit: & suum corpus texit, qui armato hosti precibus obuiauit, negotio quodam conatus seruare reuerentiam pugnatore. Nam partem constat esse victoriæ, prælium oblato auri pondere redemisse. *Diligite inimicos vestros. Ibidem.*

Hoc est inimicos diligere, odijs non respondere, accepta contumelia patienter ferre, donare iniuriam, aut manu factam, aut verborum stimulis excitatam. Nam ita dicit Dominus, *Qui te percusserit in dexteram maxillam, præbe illi & sinistram. Ibidem.* Istud præbere scio quòd aliquantis ingratus est, qui nesciunt lites cauere, & imminentes suppliciorum pœnas moderatione compescere. Infinitum est

autem, quantum vni patientia sua præstet, si alter solus insaniat. Nam sicut duplicatas in se plagas excitat, qui repugnat: ita maioris rixæ lucrum facit, qui manus suas alio
Ibidem. feriente continuit. *Benefacite his qui vos oderunt.* Primus gradus est ille quem diximus, vt inimicum tuum diligas: secundus verò, vt inimico benefacias. nam ibi affectus docetur, hîc opus miserationis exigitur. Aliud est enim inimicum diligere, aliud misero subuenisse. Parum igitur apud inimicum tuum proficit gratia dilectionis tuæ, si cum, quem diligere te asseris, esurire patiaris. Audite Paulum dicentem, *Rom. 12.* *Si esurierit inimicus tuus, ciba illum: si sitit, potum da illi. hoc enim faciendo, carbones ignis congeres super caput eius.* Hîc quantum video misericordia crudelitati famulatur. Quare ergo non ille circa inimi-

cos suos pecuniam securus expen-
dat, quem promissæ tempus vl-
tionis expectat? Nescit sine du-
bio irasci, qui dubitat misereri.
Ultra felicitatem autem constat
esse victoriæ, inimicum saluum
fecisse, & iniuriam vindicasse. Se-
quitur in hoc ipso loco, *Orate* Matt. 5.
pro calumniantibus vobis. Sine du-
bio hîc Dominus conscientiam fi-
cti cordis admonuit. Sciebat e-
nim dilectionem verbis compofi-
tam, ac licet largam erogationis
expensam, fieri frequenter ingra-
tam. Ita ergo te ostendis non in-
nitum illam vindicem tui eleemo-
synam fecisse, si inimici tui pla-
gas cœlesti medico supplici oratio-
ne commendes, & profusis lacry-
mis auxilium salutis implores. *Di-*
gite inimicos vestros. Si inimicos di-
gite iubemur, in quo statu putatis
esse illû, qui fratrem nullis excitatus

1. Ioan. 3

iniurijs impia infectatione insequitur? De hoc mihi videtur Apostolus dixisse, *Qui odit fratrem suum sine causa, homicida est.* Et verè ita est ac si occiderit hominem, qui odijs persequitur innocentem. Sed videamus tamen qui sunt isti, quos propter odia fraterna sanctus Ioannes dammandos credidit. Puto illos esse, de quibus Propheta dicit, *Invidia percussum est cor eorum.* Isti sunt, qui aduersus se pugnas instituunt, & domos suas proprio igne incendunt. in quorum sinu clauso flamma tenetur incendio. Nam non est hîc quod alteri debeat imputari, vbi nullus est cum aduersa parte conflictus; cum omnes pene causæ, & omnia odia inter personas in acie prouocatas desæviant. Si credibile est, ecce inuenimus reum, qui aduersarium non habet. habemus itaque qui possit puniri, & non inuenimus qui debeat

vindicari. Felicem planè illum iudico, cuius gloriosam vitam toruis oculis alter aspexit. Nam satis bono loco est illius causa, qui aliena laborat invidia. quia non liuet homo nisi melioribus : nec invidiæ subiacet, nisi quem ad celsiora melior vitæ profectus euexerit. Illos verò plusquam miseros puto, quos lucra alienæ felicitatis exagitant; & iracundia impia æmulatione concepta occultis cordis iaculis inquietat. Bene istos sua tela puniunt. vt videatur mihi ipsa invidia aliquid habere discretionis, cum auctoris sui cor repercutit, & malè conscium pectus cruento iugiter liuore consumit. Primò ergo castiganda invidia est: quæ semel animo concepta dolores operatur. Sanè vbi occurrit oculis nostris alienæ gloria felicitatis, æmulationis nos magis studium teneat, non liuoris. iuxta illud quod dicit Apostolus,

Aemulamini meliora. Ille profectò nihil subtrahit veris amicitijs, qui sine inuidia bonis æmulatur alienis; nec alteri iniuriam facit, qui exemplis ad meliora contendit. Si quis ergo est sapiens, imitetur fructus iustitiæ, sequatur actus continentiae, apprehendat humilitatis gratiam, & cum bonis æmulo amore currat, vt ad meliora perueniat. respicientes ad illam Apostolicam sententiam quæ
1. Cor. 9. dicit, *Sic currite vt apprehendatis.* Quicumque ergo mouetur aliena gloria, currat post bonos, & elaboret vt apprehendat: & adquiesco vt præcedat. tantum vt sine animi liuore contendat. Hoc est verè immaculatam exercuisse virtutem, sine iniuria vicisse meliorem. Superbis sanè locum demus. tantum vt nos in humilitate vincamus. Non nos ad æmulationē prouocet lucrum militiæ sæcularis. Maneat illos pompa diuitiarū, quos

admonet cura filiorum. licet multo
plús lucrifaciat, ac sibi reponat, qui
culturam miserationis exercet. Nihil
est autem tutius, quàm in ore paupe-
rum partem recondere facultatum.
Nam ita dicit scriptura, Domino di-
cente, *Qui parçè seminat, parçè et me-* 2. Cor. 9
ret. Tibi fraudas quicquid reseruas.
Erogemus ergo, dilectissimi, multũ,
vt multiplices colligamus fructus
misericordiæ. Sine lucro est autem
pecunia, quæ sacculo tenetur inclu-
sa. quæ si negotio deputata fuerit,
non multo post tempore quadrupli-
cata respondet. Quicquid pauperi-
bus dederitis, sine dubio fœnori de-
putatis, reddituro vobis in posterũ,
cũ vniuscuiusque labores multi-
plicato honore censentur. Expe-
ctat enim singulos retributio ope-
ris sui, siue quos religiosa fides or-
nat, siue quos manus larga com-
mendat. Nam ita Euangelista dicit,

Beati misericordes , quoniam ipsis miseretur Deus. Beati pacifici , quoniam filij Dei vocabuntur. Sit ergo nobis, dilectissimi, primo loco cura pacis: secundó miserationis. Nihil fictum labijs corda nostra suggerant : nihil dubij ora respondeant. respiciētes ante omnia ad illam sententiam, quæ dicit. Quod tibi non vis , alio ne facias. Hæc illa , quam diximus, perfecta dilectio , quæ affectum integri amoris instituit. Ita est ergo , ut in te antiqui iuris districtio nihil habeat potestatis , si ea quæ legis plenitudo postulat, obedienter obserues.

HOMILIA XIV.

De bono humilitatis.

NON sine iniuria partis alterius, dilectissimi, est, quotiescunq.

opus est vocis præconia virtutum
meritis exhibere : quia cum homo
meliora laudat , deteriora castigat.
Non enim dubie stultus notari se
æstimat , si bonorum iudicio sapiens
laudatus abscedat. Sed quid facturi
sumus , qui non possumus nec bona
sine malorum increpatione dispo-
nere , nec mala sine bonorum com-
memoratione damnare? Dabit ergo
penam , qui se in hoc opere iniuriam
æstimat accepisse. Melius est enim , ut
mala conscio pudore cōfusa disce-
ant : tantum ut ea quæ sunt lauda-
tione digna non lateant. Duæ igitur
causæ in vnum veniunt , humilitas
et superbia : quarum exponi alteram
sine alterius verecundia rerum natu-
ra non patitur. quia vna suis actibus,
altera erubescit alienis. Dicendum
igitur est , quantum humilitas utili-
tatis habeat : ut possitis intellige-
re , quantum superbiæ infelicitatis

incumbat: & exponendum, quantum superbia odiorum pariat, vt discatis quantum amoris gratia humilitatis adquirat. quo facilius vnusquisque agnoscat vestrũ, quid in se debeat emendare, vel quid possit eligere. Non ita superbiæ castiganda dominatio est, vt humilitatis prætermittenda sit gratia: nec in tantum humilitas præferenda, vt superbiæ tacenda sint vitia. Quid enim prodest scire valetudinis causam, si nescias medicinã? aut quid iuuat nosse auxilium sanitatis, si nulla sit compescendi cura languoris? Audite de his scripturam dicentem, *Humilibus Deus dat gratiam: superbis autem resistit.* Discite nunc, dilectissimi, vtriusque partis retributionem: & intelligetis quid diligere, quid odisse debeatis. Ecce hic pro amore humilitatis inuitatur ad gratiã: ille pro superbiæ crimine deputatur ad pœnam. Castiget

ergo vnusquisque in se, si cui adcreuerit tumor animorū: ne aduersum se cælestis iustitiæ arma commoueat. Difficile autem sine periculo vite suæ transigit, cui aduersus sublimiorem potestaté causa dimicationis incūbit. Inclinandus est itaque ad omnē humilitatem animus; vt sit apud Dominum obtinendæ locus gratiæ. Potestis autem intelligere, quā grauis sit culpa tumentis supercilij, quam necesse est tanto diuinitatis labore compesci. Bene humilitas semper inuasa est. nescit enim vinci, cui nō est causa pugnandi. Superbia verò non solum odijs, sed etiā periculis subiacet. Difficile enim potest fieri, vt non sustineat pugna, qui iniuriā indicit. Sed facile à nobis omne periculum huius necessitatis excludimus, si aduersus superbiæ vitia humilitate pugnemus. Humilibus Deus dat gratiam: superbis autem resistit. Si

diligenter requiritis , dilectissimi,
vniuersa , quibus ab initio mundi
Domino cœpimus displicere: inue-
nietis omnium vitiorum principem
fuisse superbiam : & cognoscetis fa-
cilè, in quo aut humilitas meruerit
cœlestem gratiam , aut superbia in-
ciderit diuinitatis offensam. Peri-
clitari denique superbia hominem
diaboli exitus docuit : qui in subli-
miori constitutus loco , humiliora
despexit; ac propter vitium præsum-
ptiosæ mētis Angelica dignitate de-
pulsus, tyrannicæ sententiam dam-
nationis excepit. Videtis itaque,
quòd superbiæ partes agit qui su-
perbiæ studet. Quid autem superest
illi, nisi damnationis sententia, cui
arrogantia dominatur ? Compare-
mus, si placet, bonis mala, & dete-
riora melioribus: & intelligetis quā-
ta homo in diem superbiæ vitio la-
boret inuidia. Sed nec longè quæ-

enda persona est. Tu assume officium libertatis, & statim animum superbientis agnosces. Quæ, rogo, talis est vita, quibus quotidiana sunt curæ? Nunquam profectò ille aut sine suo, aut sine alterius peccato diem transigit, qui supercilio elatus concedit: quia inter superiores inferioresq. personas, semper aut despicitur, aut timetur. Superbia vilitas est vitium, & indicium ignobilitatis. nescit autem extolli nobilitas potentis. Semper adcrescit apud ingratos mores cum potestate supercilium. verum ubi est vitæ splendor, humilitas otiosa blanditur. Humilitatem illam veram & sanctam dico, quam religionis & Dei amor suadet, non timor dominationis extorquet. magis humilitatis facimus mentionem, quæ caritatis est iuncta contritio: quæ non auctoritate extorquetur imperij, sed nutritur lege

viuendi. Nemo profecto mores naturæ tantum vitijs æstimet impu-
tandos. cum facultate nutritur su-
percilium ; cum potestate crescit im-
perium. Quando igitur infirmis cor-
poribus sufficeret medicina, si cum
homine nascerentur & vulnera? Nu-
tritur superbia, dum hic se verbis sa-
pientio rem, natalibus iudicat ille
melio rem. hic dum non vult loco
moueri, ille dum putat se posse con-
temni. Ita videmus vitio superbiæ
odia crescere in comparatione per-
sonæ : dum hic adulantium oculis
auri, argenti que pondus ingerit: il-
le ambitum honoris opponit : hic
dum in se præfert abundantiam opū,
ille sermonum : hic dum se vult pro-
pter consilium expeti, ille propter
conuiuium desiderat salutari. Enu-
merari vix possunt vitia superbiæ,
quæ si homo vincere aut cauere
posset, nullum laqueum diabolicæ
damna-

damnationis incurreret. Ecce hic ut
semper nouus esse videatur, excusa-
tionem saluatoribus mandat: ille
ut quotidie salutetur, ægrotat. hic ut
inueniat imputandi locum, fingit se
e omnibus esse sollicitū; non quod
absentem desideret, sed ut reum in-
officiositatis accuset. Quærit enim
quàm ex matutinis horis ianuam sa-
uator obsederit, ut imputet quare
amicorum pompa defuerit. Ita cum
ad salutationem nō admittatur ille,
qui præsto est, reus statuitur ille qui
deest: ac sic cum huic qui occurrit
auditur ianua, illi qui deest paratur
offensa. Nolo illos dicere fastus ani-
morum, cum egreditur diu meditato
supercilio, ac suis locis suisq. meritis
ordinationes instituit: ita ut cum hic
scula porrigat, ille pectus opponat.
Nullus illi sermo gratus, nullus con-
solationis seruatur affectus: alios
culis præterit, alios sermone despi-

cit : alteram , vt alteri se ostendat iratum. Quæ rogo ibi est spes viuendi , vbi vnus sub specie amicitiarum præsumit dominationem , alter dum nimium obsequitur , sustinet seruitutem ? Videamus autē qualis sit hic superbus , cū inter æquales in iudicio sententiam daturus fortè confederit. Videor mihi videre pugnas verborum eructatione compositas , cū vnus misericordiæ studeat , alter iustitiæ fauere se fingat ; non vt recto iudicio fidem seruet , sed vt studia personæ superioris expectet. Aliud enim sensisse se simulat , vt alterius disceptatione dissentiat. Non putat in consilijs rectum , nisi quod solus senserit : non putat iustum , nisi quod sibi ipse persuaserit. Vult solus audiri , ac solus omnium ore laudari. nec deest , quod peius est , ex hac parte qui faueat. Citò enim superbia adulationi dat locum , dum aut hic

querit gratiam, aut ille veretur offensam. Nec parua est in ipsis conuiujs superbia, cum altior toro locus paratur; atque in tantum sublimior lectus sternitur, ut magis pendere, quam iacere videatur. Ita superbia adquiescit iniuriæ, ne pati videatur iniuriam. Quæritur quis adsurgenti manum porrigat, quis humerum regat, quis latus fulciat. Nemo mihi excusare potest hoc vitium non esse tyrannicæ dominationis. Officium enim, quod homo homini exhibet, si non ad hoc solum deferatur, ut tueatur infirmum, constat esse seruitium. In quo loco laudo paupertatis patientiam, quæ cum proprijs virtutibus deferitur, alienis moribus famulatur. Sed quid solis diuitibus tantum superbiæ pondus imponimus, cum videamus frequenter homines in summa penuria constitutos simili animorum infelicitate sordere? De

quibus dicit ille sapientissimus Salomon, *Tres odit anima mea. pauperem*
Ecc. 29. *superbum, & cetera quæ sequuntur.* Excedit sine dubio ille superbiæ modum, cui nulla est conscientia facultatum. In maximis, & in sublimioribus humilitas præferenda est: humilem verò pauperem nemo miratur. inuitus enim se humiliat, quæ necessitas paupertatis inclinat. Humilitas in paupere grata est, in diuite gloriosa. humilitas inter inimicos blanda: superbia verò etiam inter amicos ingrata. Requiramus è contrario, dilectissimi, quæ sint bona humilitatis. Blanda est & officiosa semper humilitas: in amicitijs grata, in contumelijs otiosa: non extollitur prosperis, non mutatur aduersis: non indicit seruitium, non extorquet: officio prior ad salutandum, tardior ad sedendum: non se adulantium grege expectat deduci: non

se ambitiosè desiderat saluari: non laudis studia postulat, non fauorem vocis expectat: odit adclamantium choros, quia non sine verecundia laudatur bona conscientia. Non requirit voces adulantium, nisi qui se laudatione nouit indignum. verecundiùs autè semper laudatur amicorum studijs, qui meretur. Verùm vbi indignitas dominatur, notari actus suos æstimat, si in laudatus abscedat. Circumsepta est humilitas bonitate. Vt facere iniuriam nescit, ita à contumelia non requirit. Vir humilis in contentionibus magis vult tacere, quàm vincere: in iudicijs adquiescit imperitus videri, quàm impudens iudicari: non in verbis promptus, non ad respondendum paratus. Citatus verò, & facilis est superbiorum sermo: plenus contumelijs, & refertus iniurijs: nunquam

sine vulnere missus, nunquam sine dolore iaculatus: cuius insana-
bilis plaga est, & inremediabilis
macula. Vbi autem præuenerit ver-
borum culpa, mox per satisfactio-
nem sequitur medicina. Hanc ergo
amare, dilectissimi, hanc quære-
re, hanc eligere, hanc tenere nos
conuenit, vt non perdamus gratiam
mercedis munere promissam. Audi-
Luc. 14.
& 18. te Euangelistam dicentem: *Qui se
humiliat, exaltabitur, & qui se exaltat,
humiliabitur.* Exaltatio ista damnatio
est: quæ circa arrogantes & superbos
futuri iudicii exerit potestatem. In-
clinandus itaque nobis est animus,
quatinus supposita omni nota super-
biæ, odiorum studia conquiescant.
Sic erit vt homo de humiliori loco
ad celsiora perueniat, & remunera-
tus honore condigno cœlestis gra-
tiam potestatis adquirat.

HOMILIA XV.

De bono Martyrij.

MVLTA mihi loquendi apud vos fiducia est, dilectissimi, quotiescunque opus est in amore beati Martyris ad memoriam præconia reuocare martyrij, quæ animosa fides peperit lucratiuis incitata supplicijs. licet non tantum lingua sufficiat, quantum martyria postulant. Quando autem omnia humani oris officium poterit expedire, quæcunque in paratum belli cœlitus virtus operata est? Itaque quod solum possumus, fauorem labiorum meritis exhibemus. siquidem nullius sensum latere possent facta certaminis, quod nobis per annos singulos reparat documenta virtutum. Audistis Psalmistam dicentem, *Pretiosa* *Psalm. 115*

L iiiij

in conspectu Domini mors sanctorum eius.

Quid pretiosius esse potest illa morte, quæ in conflictu pugnae hostilibus telis nescit cedere? Maximam profecto illam animam constat palmam reportare victoriæ, quæ non adquiescit impijs legibus decepta seruire. Hoc est verè eximiæ virtutis indicium, persecutionis tempore plus morti fauere quàm vitæ. Licet æternæ vitæ locum faciat, quem in confessione Christi nostri voluntaria crucis pœna commendat. ita Domino dicente, *Qui amat animam suam, perdet illam: & qui odit animam suam, in vita æterna inueniet eam.* Quis non sapiens contempta huius lucis vsura, si ita vsus venerit, ad martyrium ambitiosè festinet, cum videat ad lucrū vitæ pertinere morti animam depulsa? Quare autem non homo ad tam pretiosum opus deuotus occurrat, ac se in impiorū manus audacter

Ioan. 12.

obiiciat, quem cœlestis gratia remunerationis expectat? iuxta illud quod Dominus in illa beatitudinis descriptione commemorat, *Beati qui* *Matt. 5.*
persecutionem patiuntur propter iustitiā: quia ipsorum est regnum cœlorum. Videtis quantos fructus humanis fides supplicijs probata contulerit: vel in quo loco sit posita contemptu corporis adquisita victoria. Quis autem posset de hac quam commemorauimus mercede dubitare, cum videat ecce in amore Sanctorū totius orbis studia conuenire, & passim vndiq. ad deuotionē annuæ sollēnitatis occurrere? Facile profectō intelligimus, quī illis in cœlesti sede locus paratur, quorū memoriā tanta officiorū cura prosequitur. Aptemus itaq. animos ad futurā gloriam, quæ reposita est nobis, & præponamus terrenis cœlestia, vt possimus illa æternæ vitæ promissā contingere. Nemo

autem sibi de huius mundi ambitio-
ne blandiatur, quem videt in diem
deficere accessu ætatis & temporis.
Si comparemus deniq. æternis præ-
sentia, satis vilia & inutilia constat
esse quæ temporaliter possidemus.
Require denique gratiam debitæ
hæreditatis, & intelligis huius mun-
di diuitias displicere; ac iudicas nihil
auro obscurius, nihil argenti splendore
sordidius. In comparatione autem
paradisi, vitro similis est gemma præ-
tiosior. Ita est enim huius lucis & fu-
turi temporis dignitas, ac si stante in
cælo luna oculis hominum radius se-
matutinalis infuderit. Tandiu enim
placet lunare commercium, quan-
diu tenebræ nocti constitutis legi-
bus præstat officium. quæ quamvis
placeat candore nocturni luminis,
obscuratur tamen superuenientis si-
deris claritate melioris. Hoc est solū
quod tempora præsentis vitæ com-

mendet, si ea agimus, quæ futuro iudicio non subiaceant accusationi, nec possint accusata conuinci. Sed ut nulla in posterum anima apud Deum iniustitiæ laboret inuidia, amplectendus est ille profecto Psalmus qui dicit, *Qui seminant in lacrymis, in gaudio metent.* ^{Psal. 125} Hoc est in lacrymis seminare & gaudia metere, præcedentes vitæ actus proprio confutare iudicio, & lasciuientem animam iusto subdidisse supplicio. Citò enim tristitia lætitiā consequitur, si distractionem iudicis satisfactione præuenias, & admissi criminis culpas assidue castigatione confundas. Sed ne minorem ex hoc gratiam comparasse puteris, afflictis & mœrore confectis subuenias, & causam tuam apud pauperes larga erogatione componas. Nam ita dicit Dominus, *Beati misericordes, quoniam ipsis miserebitur Deus.* ^{Matt. 5.} *Beati qui lugent, quoniam ipsi con-*

solabuntur. Si quis itaque vestrū, dilectissimi, studiosè Christi consolationem requirit, alienos dolores elemosynis refecet, ac studiosè lacrymas suas huic, in cuius honore convenimus, patrono commendet: ac se frequentibus patrocinijs insinuet, quo faciliùs possit impetrare quæcunque Domino pro sua vtilitate suggererit. Occurrendum est semper Dei amicis, ac serviendum est proximis, & incessabiliter supplicandum, vt sanctæ intercessionis possimus obtinere suffragium. Quis autem apud iustum iudicem locus erit veniæ, si amicis regis nescias supplicare? Denique respicite ad sæcularis ordinem disciplinæ: & intelligetis quæ circa Sanctorum obsequia cura manere vos debeat. Sine dubio nisi priùs placatus fuerit illius animus, qui secreta domus prætoriæ obseruat, non facilè peruenitur ad

sublimioris amicitiam potestatis. Studiosè profectò expetenda sunt suffragia patronorum, quibus solis datum est irascentis Domini animos nosse mollire, & iracundiam temperare. In magna igitur domo post dominum secundus est semper gradus amicorum. Soli sunt per quos apud dominum & suggerendi liber locus, & impetrandi facilis præbeatur accessus. Peculiari itaque veneratione excolenda nobis est memoria Sanctorum, ut ianuam salutis aperiant, & in notitiam Domini desideria nostræ peruenire faciant seruitutis. Magna enim securitatis est portio, in rebus asperis de domo regis habuisse suffragium. Nam decrescit quodammodo inuidia criminis, ubi reus ad amicitias regalis familiæ cœperit pertinere. Ita sine periculo homo

vitam tranſigit, ſi ſit qui apud Dominum negligentiam peccatoris excuſet. Nemo autem eſt, cui non opus ſit potentioris, etiam in maxima ſecuritate, ſuffragium. Nam quamvis aliquantos in hoc numero fides probata ſanctificet, opus tamen eſt ut ſit qui ipſam fidem Domino ſupplici interceſſione commendet. Nec enim tam fortem inuenias, ut non egeat auxilium fortioris. Sicut bene ſub ſcutò militatur, ita tutò teſtibus ſub patrono res agitur, ubi quamvis immineat pœna, ſi ſit qui intercedat, non dubiè obnoxia legibus donatur iniuria. Quis autem modus eſſe poteſt mortis, ſi cùm iudex ſententia feriat, non ſit qui reo ſupplici interceſſione ſubueniat? Si cogitaremus, dilectiſſimi, quantum nobis ciuis Martyris virtus præſtitit, à laudibus Dei noſtri nunquam linguæ ſtudium, nunquam oris ceſſaret offi-

cium. Respicite ad illorum studia, qui peregrinas aquas bibunt, & fontes longè positos sitientes inquirūt: & videtis quantum gratiæ habeat suis aquis inundata possessio. Æstimari autem non potest, quantum patrimonio utilitatis adcreseat, si quando quod alibi ambitiosè quæritur, in propria possessione nascatur. Vobis ecce Dominus virtutum, de quo quotidie præsumeretis, dedit fontem viuum habere, non deficientem, non asperum, non amarū: de quo si quis voluerit bibere, semper iustitiam sitiet, nec vnquam ab illa cœlestium mandatorum lege discedet. Si vultis ergo, dilectissimi, vt sit nobis in cœlesti sede portio, quam victoribus Dominus re-promisit: imitemur primo loco sancti Martyris fidem in confessione, & sequamur viam eius in virtute. nec dubitemus in amore Domini cruen-

tis liſtoris manibus peſtus oppone-
re. Voluntarium autem militem in
côſlictu pugnae citò protegit corona
victoriæ. Sed dum iſta beatis ſuper-
ueniunt, & feliciũ meritis confe-
runtur; nos interim, quod ad præſen-
tem animæ ſalutem pertinet, reſiſta-
mus aduerſis. Non deest autẽ in quo
poſſis quotidie vincere, ſi volueris
carnis deſiderijs repugnare. Reſpice,
& vides quanta circa te ſæuiant cer-
tamina criminum, vel quàm multa
ſit acies inſtructa vitiorum. Hinc ſu-
perbia, inde fidem noſtram impu-
gnat inuidia: modò ebrietas luxuriæ
materiam ſuggerit: modò cupiditas
animum ad omne genus falſitatis
incendit: cuius ſtudium eſt inter cæ-
tera rixas ſerere, lites mouere, odia
comparare. Aduerſus iſtas ergo le-
giones nobis eſt armis ſpiritualibus
dimicandum, & die noctuq. in acie
ſtandum, donec aut vitia cedant, aut
ad

ad pœnitentiam inclinata confugiant. Quibus superatis, non dubiè etiam illum qui summam martyrij palmam requirit, possumus inire conflictum. Quis autem ibi nollet pugnare, aut quis non conetur vincere, vbi non solum homo præcedentibus laborum meritis, sed etiam præsentibus virtutum docetur exemplis?

HOMILIA XVI.

Item De bono Martyrij.

SATIS necessaria fuit, dilectissimi mi, huic mundo, quantum res docet, ad excitandam virtutum gloriam victoriæ tam præclaræ cognitio. Qui adhuc sine dubio iaceret in tenebris vinculis, si non inclitis Sanctorum illuminaretur exemplis: & circa deuia & incerta pugnaret, nisi

incredulas hominum mentes diffusa per totum orbem martyrij corona confunderet. Ob quam rem Deo agenda sunt gratiæ; qui ad tantam patientiam mortalium mentes armauit, nec otiosus operis magni labores adspexit: ita ut cum amatoribus suis indiceret pugnae necessitatē, victoribus pararet iusta retributione mercedem. Ita Euangelista di-

Matt. 5. cente, *Beati qui persecutionem patiuntur propter iustitiam, quoniam ipsorum est regnum cælorum.* Quisque ergo sapiens studio religionis ad superiora contendit, discat prius unde magis veniat corona virtutibus. Nec enim longè nobis quærendus, quem sequamur. Ecce ante oculos nostros est, qui quotidie exemplis salutaribus prouocat, & paterna affectione ad consortium sanctitatis inuitat. Facile ergo, si vultis, ea quæ sunt cælesti regno digna adprehēditis, cum

habeatis quotidie quem possitis sequi, & quem debeatis imitari. Respiciite, dilectissimi, ad aliarum regionum studia, quæ videmus in amore Sanctorum peregrinis latius florere commercijs: & intelligeris quantum nobis Dominus præstiterit, vel quantum circa nos sollicitudinis aut amoris impenderit, qui inter ceteras nationes, quas saluandi studio respexit, etiam loca nostra martyrij cruore perfudit. Requirite, & inuenietis quam ambitiosè totus pene orbis expetat patrocinia sanctitatis: ita ut tantarum virtutum merita certantibus votis ac frequentibus iugiter prosequantur officiis. Facile ergo agnoscitis, quam specialis circa vicem Martyrum officiorum cura nos maneat, cum videatis huc etiam extraneas nationes deuotæ mentis amore concurrere; & prout causa exigit, sancti Martyris solatia postulare. Ha-

betis planè , quod peculiariùs gratulari. Nam ex vestro fonte oritur, quicquid religionis ubique bibitur: & ex vobis nascitur, quicquid alibi sitientibus ministratur. Discite ergo ex hoc, dilectissimi, Deum diligere, qui se quotidie cœlesti imperio sanguinis sui effusione commendat: & agnoscite quantum amatorib. Christi nostri patientia, quantum religionis actibus conferat in persecutione tristitia. Ecce sicut lectio docet, victorem possessio regni cœlestis excipit. Tanti est planè sustinuisse carnificem, cui paret pœna mercedem. Quis igitur sapiens, si ita usus venerit, tantæ virtutis operam bene sibi conscius non requirat, ac se hostibus audaciter obiciat? Quare autem ille flammæ non securus adspiciat, aut quare tortoris ungulas expauescat, quem tam pretiosa gratia remunerationis expectat?

Perfectæ fidei est lucratiuis locum dare suppliciis: præsertim cum tantis præcedentium virtutum docearis exemplis. Perfacile profectò potestis intelligere, quid prosit fortissimis quibusque in persecutione vixisse: cum videatis quotidie aduersus nequitiam diabolicæ præsumptionis per singula Sanctorum loca spiritalis iudicij sæuire sententiam. Non autem otiosa res est, dilectissimi, quòd videmus frequenter in castigatione immundi spiritus corpora humana vexari, & inuocatis Sanctorum nominib. actus suos auctore scelerum confiteri. Quàdo incredulis mentibus lectio sola sufficeret? quando humanis sensib. antiqua cognitio integrâ fidẽ veritatis inferret? aut quando ad credulitatẽ tantarum rerũ descenderet animus, si ad assertionẽ præteritorũ solus expectaretur auditus? Satis igitur infelix est,

& alienus à Christo, cuius corda adhuc obsidentur stultæ incredulitatis errore: cum videat merita Sanctorum stare virtutibus. Ad hos enim respicit, quod videmus frequenter aëreum spiritum sub alterius persona psallentem, & alieno ore trepidæ confessionis proferre sermonem. In quo cum operetur flamma, non videtur iniuria. alter creditur, & alius confitetur. Tantum igitur Dominus per Sanctos suos virtutis operatur, ut diabolicæ nequitiae actus per occultas vulnorum plagas, & inuisibiles lacrymas iudicii auctoritate confundat; & latentia scelerum blandimenta sub quodam tortore castigata compescat. Quis sapiens hæc expectet, & non statim quicquid illud est in se infidelitatis accuset: & memor conditionis suæ iugi officio Sanctorum memoriæ condignè honorem parat? Facile videlicet potest intelligere,

quis illis apud Dominum locus sit,
vel quo honore à nobis habēdi sint,
quibus examinatione palmarum cō-
missum videt esse iudicium. Horum
ergo, dilectissimi, exempla sectan-
da sunt: horum fides sequenda: ho-
rum virtus imitanda. Nec difficile est
cuiquam ista perficere. nam si cogi-
tetis promissæ remunerationis coro-
nam, facilè vobis erit vincere perse-
cutionis iniuriam. Ecce dicit Domi-
nus, *Qui perseverauerit, dabo illi victo-* Apos. 2.
riæ coronam. Nemo ergo diffugiat, si
ita usus fuerit, sonitus catenarum, &
tenebrosis sedibus otiosa supplicia,
in usum impiorum parata, neruorū.
Sine dubio vniuersus apparatus mor-
tis cedit, si tamen pugnandi volun-
tas ad crescat. Omnis igitur spes ob-
tinendæ victoriæ in fide & volunta-
te consistit. Si enim voluntas sequa-
tur fidem, nunquam deserit volun-
tatem. Difficile autem est, ut ille sen-

tiat pœnam corporis, qui susceperit iniuriam voluntariæ passionis. Sanè quo faciliùs in acie positus securus incedas, ante oculos ponenda sunt semper facta Sanctorum. Nam in maximis prælijs non desunt pugnatore solatia, si fortissimorum virorum requirantur exempla. Ecce dicit

Matt. 16

Dominus, *Tolle crucem tuam, & sequere me.* Sed fortè non omnibus ista conueniant: quia frequenter delectatum corpus cedit iniuriæ. Qui de corporis sui fragilitate desperat, ad armâ iustitiæ confugiat, quæ voluntario deputatur officio. Facile autem superuenientis hostis impetum sustinet, quem ad pugnam voluntas armauerit: nec expauescit cruenti licitoris gladium, quem munit virtus animarum. Sed cui ista laboriosa videntur, dilectissimi, faciliora suscipiant. Vnum quidem est & arduum iter, sicut Euangelista dicit, quod

ducit ad vitam. Sed si requiramus, multæ viæ sunt, per quas venit ad gloriam. Ecce incumbit luxuria, dominatur superbia, sævit avaritia. aduersus istas pugnandum est nobis studio disciplinæ, cui omnis cœlestis gloria virtutis obsequitur. Inclina denique superbiam, & statim consequeris gratiarum coronam. compesce avaritiam, & non dubia de omnibus vitijs poteris obtinere victoriam. Vince ergo prius desideria carnis, & non difficile tibi erit vincere tormenta carnificis. Nostis quantis malis inuidia subiaceat: quæ dum alijs liuet, ipsa se percutit: vel quantum anima cupiditatis periclitetur incendio. Scitis quàm grauis aspectus ad excitanda desideria, quàm sint veloces iactus oculorum; quàm turpis ebrietas; quàm periculosæ verborum sagittæ, quæ non sine do-

lore percutiunt, non sine fatigatione discedunt. Aduersus hæc ergo paranda nobis est crucis pugna. Toties denique in die tolles præmium, quoties desideria vinces animorū. Multa sunt præterea, dilectissimi, quæ nobis necessitatem pugnae frequenter indicunt. quibus deuictis ac superatis non minimam palmam iusto victor labore consequeris. Nam sicut quanta sunt in homine vitia, tanta sunt & vulnera: ita quanta sunt certamina, tanta sunt præmia: quot sunt victoriae, tot sunt coronæ. Non enim ille sine triumpho paruo diem transigit, qui castigatis vitijs animo purificatus incedit. Ecce dicit Dominus,

Tolle crucem tuam, & sequere me. Scio quidem paucis deberi martyrij coronam, ipso Domino dicente, *Multi*

vocati, pauci electi. Sed dum ista felibus superueniunt, in his quæ superius exposuimus excitanda fides est,

Matt. 16

Matth.
20.

vt nos, cū opus fuerit, impugnatione religiosæ vitæ hostilis impetus paratos inueniat. Virtus enim magna in minorib. semper experimentum capit. Sic rudis miles, priusquam ad pugnam veniat, aduersus arborem truncatam robur exercet, & inductæ manus vulnera ludendo componit. Nunc pedes attollitur, nunc rapido equorum cursu ventos imitatur. In tantum denique proficit studium, vt pene minor labor sit vicisse hostem, quàm exercuisse virtutem. In similibus ergo, dilectissimi, præludendū nobis est, & aptandus est studiis animus ad fortiora venturus. Virtus enim, quæ in paruis promittitur, facilius in maximis exhibetur. Sic dum consuescimus minora vincere, maiora discimus tolerare.

HOMILIA XVII.

Item 3. De bono Martyrij.

ASferunt, dilectissimi, solliciti agricolæ rudem terram, & nullis vnquam examinatam fulcis, non statim iustis respondere feminibus: nec bene conceptum sulco germen nutrire, nisi prius scissa ac sæpius repetita mollescat. Iam tunc necesse est vt dominus agelli sui fructus securus expectet, cum antiqui cespitis amaritudo cessaue-rit. vbi si arandi studium subito cultura destituit, prope est vt pristino colore terra sordescat. Hæc est enim boni malique discretio, quòd diligentia naturam vincit, negligentia reuocat ad naturam. Sub hac, dilectissimi, viuendi ra-

tionē Christianæ religionis cultura aut crescit, aut deficit: nec minore in hoc opere cura suspirat, cui necesse est duritiam humani cordis assidua castigatione mollire, & exposita frequentius fide obsessum vitiis pectus excolere. Non autem dubiè apud negligentes periclitatur religiosæ studium professionis: præsertim si cœlestium verborum semina mens amara suscipiat, & indociles animi nesciant fructus nutrire iustitiæ. Nam sicut cessante studio solent spinis arua fordescere: ita ubi religionis cultura negligitur, vitium naturæ renouatur. Apud illas fortè nationes, dilectissimi, laboriosum sit viam salutis iusto sermone disponere, quibus tantum verbo fides Christianæ religionis innotuit. Inueniant isti fortè, etsi vanum, excusationis ingenium, qui dicant nulla sibi vnquam quæ

sequerentur exempla admirabilium
credita fuisse. Quorum vocem Pro-
psal. 28. pheta conuincit dicens, *In omnem ter-
ram exiuit sonus eorum, & in fines orbis
terrae verba eorum.* Nos ad hæc, dile-
ctissimi, quem gradum excusationis
opponimus, si quid in nobis Domi-
nus aut negligentia deprehenderit,
aut infidelitatis inuenerit, apud quos
Christianum nomē à virtutibus cœ-
pit? quorum non solum auribus, sed
etiam oculis quotidie sub præsentia
tanti Martyris fides religionis inseri-
tur? Et cuius tandem Martyris? Illius
necessariò, qui in hoc loco pugnam
inclytæ virtutis primus exercuit, &
quo ordine cœlestis regni possessio-
nem obtineremus ostendit. qui in
dies quid agendum nobis sit exem-
plo docet; quid proficiamus, inqui-
rit. Nemo autem dubitet illum pro
actibus suis esse sollicitum, quem
videt sibi parentelæ, affinitate con-

iunctum. Oportet itaque primo loco, ut nos huic patrono frequentib. insinuemus officijs. quatenus pro nobis apud Dominum peculiaris intercessor inuigilet, & vitam nostrā dignationis suę fauore commendet. Nihil autem est quod nō possit homo in qualibet. necessitate positus obtinere, si amicis summi imperatoris non desinat supplicare. Respicite illorum studia, dilectissimi, qui sitientes aquas à peregrinis fontibus petunt: hoc est qui sanctas ac venerabiles Martyrum reliquias per extensa spatia terrarum studio religionis inquirunt; & diffusa per totum orbem virtutum merita peculiarib. officijs prosequuntur: & intelligeris quo honore nobis ille habendus est, qui huius urbis locum in conflictu cœlestis pugnæ suo victor cruore perfudit. Vidimus enim per diuersas & longè positas regiones scissi cor-

poris plagas passim diuidi, & pretiosa vulnerum documenta toto comminus orbe portari: ita ut non minor sit illis Sanctorum cura, quibus sola martyrij creduntur indicia. Patrocinium ergo, quod alijs fides prestatit, nobis ultro Dominus maiestatis exhibuit. Non itaque longè querendus est, quem sequamur. Hic habemus patientiæ magistrum, hic exempla præmiorum, hic formam virtutum, hic documenta meritum. Aptemus itaque, si ita usus venerit, ad omnem patientiam animam: & memores annuæ sollemnitatis, quæ veneramur meritis, sequamur & exemplis. Videte quæ sunt ornamenta pectoris, quæ pretioso serico quasi opus Dei tegitis, & fuluo auro fidei reum vultum oneratis: & discite, quæ sit pompa vulnerum, quæ corona lacrymarum, in quo stet sustinuisse carnificem, vel quanti constet vicisse

vicisse tortorem; vel in qua descen-
dat exultatione victoria supplicijs
comparata, ita Propheta dicente,
Qui seminant in lacrymis, in gaudio me- *Psal 125*
tent. Quis sapiens his rebus edoctus
non iudicet temporalis vitæ vsum in
comparatione martyrij debere con-
temni? Si autem respiciatis ad hæc,
quæ quotidie Sanctis exhibentur of-
ficia, agnoscetis persecutionis tem-
pore melius esse perire, quàm viuere.
Sed quare dicimus perire, cum Pro-
pheta dicat, *Iustus vita viuet in aternū?* *Ezec. 18*
Huic ergo, dilectissimi, virtutum
magistro profusis in diem lacrymis
supplicemus, vt nos profuturis do-
ceat seruire vulneribus: ostendat ad-
uersum bellis pectus opponere, atq.
omne conflictū iniuriæ sustinere. Ne-
que enim difficile est ibi inire pugnā;
vbi videas præcessisse victoriā. Citò
autem sedet animis, quod docetur
exemplis. Sed quod peius est, propter

vanitatem huius mundi difficile est
cuiquam ad cœlestia peruenire. Non
autem obtinet regnum promissum
corporis delicata custodia : nec ad
coronam virtutum facile peruenit,
qui non legitimo agone certauerit.
Necesse est igitur, vt ad omnem in-
iuriam corpus inclinet, qui ad locū
victoriæ peruenire disponit. In hoc
autem stat obtinendæ locus gloriæ,
vt discat prius displicere sæculo, qui
placere vult Christo. Audite in hoc
loco Dominum dicentem, *Qui amat*
Ioan. 12. animam suam, perdet illam; & qui odit
animam suam, in vitam eternam inueniet
eam. Multa sunt genera passionum,
quæ Deo nostro mortalem hominē
viuendi lege commendent: in qui-
bus etsi non est corona Martyrum,
est tamen non minima palma virtu-
tum. Sanè, dilectissimi, quia reposi-
ta est hæc, de qua diximus, corona
victoribus, nos interim vel quod

possumus, peccatis circumstantibus repugnemus. Cui ergo illa prima martyrij pompa non creditur, elaboret saltem, ut inter fortissimos quosque honestæ ac religiosæ vitæ præmia consequatur. Non igitur ignoratis, quantis naufragiis mens humana subiaccat. Ecce cupiditas oculorum nostrorum portas iugiter pulsat, & corda hominum diuitiarum stimulis inquietat. Hinc hominem ad omne facinus animus, inde inuitat aspectus. Non deest ergo, in quo vincas, si pugnare non desinas, & quasi in acie positus hostilibus telis per momenta conflagas. Ad hæc sane expugnanda Euangelica institutione opus est, quæ dicit, *si te scandalizet oculus tuus, erue eum.* Matt. 5. Hoc est oculum eruere, vitia castigare, desideria carnis extinguere, & disciplinæ studio vitæ lasciuiam deprimere. Paratus tibi est ecce campus, luxuriæ

prouocaris inlecebris ; & vt solet fieri , specie , cultuque deciperis. Si vis vt ista superes , pugnandum est studio castitatis. Occurrat tibi Theclæ inter flammæ & rabidas bestias custodita pudicitia. quæ in tantum mundi huius ornamenta despexit , vt amore seruandæ pudicitia coniu-gales thalamos desponsata contemneret , & integritatem professæ virginitatis pugnando nutriret , vincendo seruaret. Frequenter nos ad pugnam prouocat iracundia , & furor animorum. instigamur iniurijs , contumeliis laceessimur. Discite quo studio ista vincamus. armemus ad patientiam animos , & quod oratione obtinere non possumus , doceat nos adhæc Euangelicus sermo , qui dicit ,

Ibidem. *Qui te percusserit in dextera maxilla , præbe illi & alteram.* Videtis quòd iniuriæ adqueuisse , vicisse est. Nam non minimam coronam illum constat

reportare victoriæ, qui iuxta hæc quæ præmisimus verba mandati, læsus nescit irasci. Suggestunt nobis aliquotiens oculi quod animus non requirit: frequenter etiam ipsa suos lingua prodit errores: erumpit in vocem turpia, & inhonesta resonantem. In hoc loco hæc est ratio adhibenda virtutum, vt taciturnitatis studio amoris verba claudantur. Vbi in altercatione sermonum loquendi modus est virtutis cumulus. Audite de hoc Prophetam dicentem, *Po-
ne Domine custodiam ori meo, vt non de-
clinat cor meum in verba mala.* Vincenda ergo est auaritia, confutanda iracundia, castiganda luxuria, & circumstantiæ vinculo ora refrenanda. His gradibus ad paradisum tenditur: his virtutum meritis ad Sanctorum consortium peruenitur.

Ps. 140.

HOMILIA XVIII.

De Machabæis.

MVLTA quidem spe, dilectissimi mi, ad æternam salutem animus accenditur, si quando singulorum Martyrum facta recoluntur. sed multiplicato quodammodo anima gaudio in amorem Domini, fauoremque se commouet, quotienscunque memoriæ Machabæorum mater occurrit, quæ adhortatione sua vna die septenarium numerum martyrij corona vestiuit, tanto fide fortior, quanto partu videtur fuisse fecundior. In qua tanta virtutum documenta, quanta fuerunt pignora. Nam tot vna die omnipotenti Deo Martyres tradidit, quot filios mater diuersis temporum vicib. adquisiuit. Beata inter omnes matres,

& ipsa orbitate felicior: cui tantum fides contulit, ut sub vna die ad celestis regni gloriam cum tota ventris fecunditate migraret. Hinc respicite illam Evangelicam sententiam, quæ dicit Christo nostro nec parentes præferendos esse, nec filios. Apud aliquantos fortè gloriosum sit, & exemplis salutaribus proferendum, vnum filium Deo hostiam obtulisse. Hæc omnem animarum virtutem & vota præcessit: ita ut in dolore sauiantis pænæ nullum filiorum affectus maternæ pietatis exceperit. Videte autem per quot virtutum gradus pretiosa fides creuerit. cum adquieuisse semel satis sit, hæc septies in amorem Domini pietatem maternam voluntaria orbitate multauit. bene sibi conscia, quæ sciret omnem fructum ventris sui in illa vitæ æternitate consistere. iuxta illam sententiam quæ dicit, *Qui amat animam* Ioan. 12.

suam, perdet illam; & qui odit animam suam, in vitam eternam inuenit eam.

Docet lectio veteris testamēti Abraham patrem nostrum vnicum filium suum Isaac immolandum Deo sacrificium obtulisse. Quod per totum orbem memorabile fidei cōstat esse documentum. Ac licet nullus perfuderit sanguis altaria, fuit tamen in voluntate victoria: quia apud Dominum hoc est velle, quod facere: Cui ita Angelū legimus adclamasse:

Gen. 22. Abraham, Abraham, ne iniicias manus in puerum. sufficit quod agnouit, quod diligis Dominum Deum tuum. Si ergo pater noster Abraham vnum filium sacrificium obtulit, & placuit: quanto magis hæc, quæ vno tempore septē votis consentientibus immolauit, seipsam octauo loco hostiam Deo offerens; vt quæ fuerat ad incitamentum cœlestis gloriæ magistra tot fortissimorum virorum, fieret

etiam ipsa eximiæ virtutis exemplū?
Sed si placet, dilectissimi, ipsius pug-
næ ordinem recolamus, vt discant
parentes amare filios suos, & filij ob-
temperare parentibus: Christi nostri
amore prælato, qui victoribus legi-
timo agone certantibus coronam
vitæ cælesti flore componit, ita Do-
mino dicente, *Qui vicerit, dabo illi co-* *Apos. 2.*
ronam vitæ. Ecce, dilectissimi, quan-
tum rei gestæ fides eloquitur, insti-
tuitur pugna pro patriis legibus in-
ter omnipotentis Dei & diaboli
ministros, multis atque innume-
ris instructa suppliciis; quibus ar-
matus auctor iniquitatis venena
nequitie suæ consuevit exercere.
Sed quamuis aduersus iustitiæ mi-
nistros multis sæuiat hostilis ira
terroribus, fit sine trepidatione
conflictus. In quo loco artifex
scelerum & inimicus bonorum
altiori interpellat corda consilio:

Molitur igitur aduersus singulos impietatis suæ tela, & pœnali quodam argumento, vt mos est, certamen singulare disponit: dum credit in aduersis diuisam per partes fraternitatē facile posse turbari; nec difficilē vinci, si singulos in quæstione positos pœna confecerit. Producitur itaque primo loco natu primus, circumstantibus ac frementibus vndique cum toto mortis apparatu impietatis officijs: non otiosè persecutore tractante, qui putaret, sublato coniuratæ virtutis capite, omne bellum posse finiri. Sed fefellerunt eum misero crudelitatis magisterio nimium edocta consilia. Nam tanto fœdius hostis vincitur, quanto aduersus vnum iustum virum maior tyranno satellitum turba famulatur. Maximum autem est indicium ignauix, inter confertos hostium globos vnum palmā victoriæ retulisse. Sauciato itaque

hostis furore, cui diuersa tormentorum genera seruiebant, currit per singulos manus cruenta carnificis: & ad incutiendum mortis timorem, vnicuique fraternū sanguinem porrat, explorans metu mortis testimonia crudelitatis. Sed dum apud alterum victorię locum molitur, victum se ab alio confitetur. Stetit autem apud omnes incōcussa fides, vis suorum animata supplicijs. Succedit in aciem secundus: nec longo intervallo procedit & tertius: quibus coronatis, pugnam quartus aggreditur: nec quintum, aut sextum mors funesta deterruit. Est denique in omnibus vna fides, vna virtus, vna cōscientia: vt omnes vnum putares, atque omnes vnum esse crederes: cum tamen singulos per partes laceraret iniuria. Ita fraternitas victorię animata consortio, dum paternis legibus seruit, multiplicis virtutis insi-

gnia reportauit. Inter tot igitur popas funerum discurrit mater attonita, & curis anxia, ac metu & pauore conterrita. Sed neminem ista res decipiat. trepidat quidem, sed de victoriæ euentu, non de morte filiorum. Ad singulas interrogationes mater stat sollicita, ne quem fides deciperet, ne quem à collegio sanctitatis fragilitas humana segregaret. Nam aduersus cruentas hostis minas vnūquemque sedula adhortatione prosequitur, ne vellet aliud esse, quàm frater. Singuli quidem patiuntur: sed ista cum singulis patitur, & cum singulis animo sola torquetur. Tollit ergo palmam propriæ virtutis in amore omnipotentis Dei. Sed si respiciatis ad singula, quæ sedulitas materna sustinuit, cum omnibus filiis partem est sortita martyrij. Post tam innumeras virtutum palmas, venit ecce ad illum, cuius ætas

hosti obtinendæ victoriæ spem fecerat: & qui viderat circa fortiores ætate viros parum profecisse minacis inquisitionem sermonis, pueriles animos lactandos blandæ adhortationis alloquio, omni denique via subdolæ persuasionis aggredditur. Hunc diuitiis & honore dignum iudicat. illam vnus filij absolutione æstimat esse palpan-dam. Sed animus iam totus directus ad cœlum non facilè recipit de terrena parte consilium. accenditur magis ad virtutis culmen intrepidæ animus infantie adhortante matre. O nouum & mirabile virtutis exemplum! orbitate sua mater exultat: & vnde pietas damnum patitur, lucrum reportat. Præmisso etiam hoc quem delicatiùs amabat filio, ipsa quoque viam gloriosæ mortis ingreditur. nec longè innumeris

vexata suppliciis, cū triumpho prosecuta filios, ad cœlestia & æterna contempta hac temporali luce proripuit. Cui ergo, dilectissimi, curæ sunt ventris sui pignora, huius matris imitetur exempla, tam numerosa, tam fortia. In quam si quis vincendi studio intenderit, non dubiè multiplicis gloriæ honore muneratus incedit. Quæcunque itaque mater est, filios suos hoc honore dignos iudicet: ac sub ista quam didicistis adhortatione doceat, vt discant cœlestium legum instituta seruare. Qui autem Christo nostro seruiunt, fortissimorum virorum pugnas imitentur. Illa mater probat se amare filios suos, quæ hoc quo mundus nititur errore depulso, de fructu ventris sui hostiam Deo tradiderit, ac se suosq. Domino quotidie immolatura libenter obtulerit. Sed quo facilius illius cœlestis virtutis insignia obtinere

possimus, contemnenda sunt munera & honores huius sæculi, quæ humanos oculos vanitate suadente decipiunt. Hoc autem apud Dominum acceptabile constat esse sacrificium, si prælato cælesti honore sæculum cœperis despiciere.

HOMILIA XIX.

De Quadragesima.

SI respiciamus, dilectissimi, causam præsentis sollemnitatis, quæ nobis spem salutis æternæ futuræ resurrectionis lege commendat: non ab re est, si omnes hos in lætitia dies ducamus, atque illa districtioris vitæ studia temperemus. Sed in hoc mihi aliquoties displicet lætantium chorus, quod putat homo totum sibi licere, quicquid Quadragesimæ tē-

pore illi religiosæ deputauerat disciplinæ. Vnde nulli dubium est, præcedentia officia in confusionē venire, si nescias custodire quæcunque ad purificationem animæ ieiuniorum & vigiliarum labore te constiterit comparasse. Citò autem ille quæ sunt comparata rescindit, qui immemor spiritualium munerū carnalibus desideriis adquiescit. Oportet enim inter hæc quæ diximus gaudia, illam religiosæ disciplinæ viam teneri, quæ non dubiè Domino hominem bonæ voluntatis insinuat. Cui si sciremus condignam legibus seruare reuerentiam, nullum gehenna susciperet, nullū perpetuæ mortis pœna damnaret. Omni ergo studio nobis agendum est, dilectissimi, ne purificati corporis conscientiam indulgentia nimiae emissionis impugnet: non tantum dierum illorum obseruatione contenti, quos annuatim

nuatim ieiuniorum cura commēdat.
Licet hāc ipsam aliquantis ob inutilē
somnia & insatiabilem gulam
cōstet ingratam. Qui dum ad sanctē
Paschæ dies desiderio instigante fe-
stinant, accusando vigiliarum studia
continentiæ bona Pascha conuiuia *
& ieiunia copiosa. Quasi reuera quod
quadragesimæ dies prohibeant, lici-
tū fieri sollemnitas votiua permittat,
& in absolutione ieiunij datā sit licē-
tia peccandi. Ideo nemo putet ex eo
omnia sibi licere, quia videt distri-
ctioris vitæ tempora præterisse. So-
let enim omnem honestæ vitæ sta-
tum remissio incauta decipere. Non
æstimet ille ebrietati aliquid fuisse
permisum, qui videt constituto
tempore cessare ieiunium. Non cre-
dat mentes hominum somnolentiæ
deputatas, qui videt iuges vigilias
superueniente sollemnitate fuisse
suspensas. Non est vtilis seruus,

qui feriatos dies ad hoc expectat ut dormiat. Maior sollicitudo agricolæ manet, postquam diutino terram labore contigerit. Vigilandum igitur est primum, ne fortè commendata fulcra semina, aut fera præsumptiosa sibi vindicet, aut avis insidiosa contemnat. Sequitur ut ex otio in usum aquæ bibula fossa deducatur, ne superueniēs tempestas pullulantia germina aut occidat, aut rapiat. Opus est etiam herbas velli, & aridum cespitem sarculo operante molliri: ac per illos quos sibi agricolæ vindicant feriatos dies improbum animal circumducta sepe prohibere. Tantus est enim amor alendæ vitæ, tanta providentiæ cura, tantum culturæ studium, ut nec tunc quemquam otiosum esse conveniat, cum agricolæ arista fructus perfecto flore commédant. Nam solent adultæ messes spinis adcrescientibus impediri: atque illa

quæ in spe maturitatis cōstituta sunt, alieno semine suffocari. Ita intelligendum & multa agricolæ studio crescere, maxima quæque per negligentiam deperire. Sed dicis fortè, omnes negligentias sollennitatis excusant. Omnibus sine dubio periculis subiacer, qui vitam suam quolibet tempore negligentia tradiderit. Nūquam denique equis otio deputatis bene fræna laxantur. Ita & post hœmis rigorem citò inebriata aquis terra luxuriat. Videmus etiam frequenter nauigia maris portu proximo, quiescentibus remis, subita vi incurrisse naufragiis. Ad hæc ergo, respicientes, fratres dilectissimi, ita vitæ nostræ ordinem disponamus, vt primo loco castigemus illum conuiuiorum luxum, quatenus à nobis desideria carnis fugitiua discedant. Non igitur idcò dico, quasi adeo sit abstinendum cibus, aut in totum parcen-

dum poculis : quia licet sint ad crucem parata, tamen semper sustinenda sunt corpora. Displicet mihi solum in his diebus insatiabilis gula, atque illa ventris infructuosa commercia. displicet profusum ebrietate conuiuium, ac per totam noctem ludibrio expositum. Excedit profectò disciplinæ modum, si quis plus bibat quàm sitiat. Quid igitur apud illos exosum, vbi præter ebrietatis vitium, etiam detrimenta conueniunt facultatum? quis autem ferat illa damna vinolentiæ, vbi plus vergitur ebrietatis causa, quàm bibitur? aut quis apparatus illius triclinij libenter aspiciat, in quo omnia peruentis vini odore sordescunt? Nam vbi supercurrit merum, horret necessario turpi squalore conuiuium. perit profectò quicquid hydria plena susceperit. Videat ergo quid futurum sit, cui ebrietas placet : atque

ad hæc, quæ dicturi sumus, animum
sapienter accommodet: & non dif-
ficile causam suæ infelicitatis agnos-
cet. Si oleo nimio vas cōpleueris, ad
os patulum recurrit feruens vnda vin-
demiæ, & cū fœditate reuomet quic-
quid ex nimietate suscepit. Vide-
mus etiā frequēter exudāte vino ca-
prini generis vasa corrūpi, & vndis
luctātib. cuppas figuli rimas aperire.
Nihil profectò liceret morti, si scirēt
miseri causas vitare pereundi. Debili-
tatis autem viam munit, qui infirmis
corporib. plus aliquid oneris impo-
nit. Ita est vt dubiè cœptū iter pera-
gat, quē iniusti fascis pōdus accusat.
Moneo itaque, dilectissimi, vt si quis
Christo nostro placere disponit, pri-
mo loco desideria gulæ castiget: quæ
ebrietate famulante magistra solet
esse damnorum. Deniq. hinc nudi-
tas, hinc mendicitas, hinc solet ali-
quātis venire egestuosa paupertas. ita

Salomone dicente, *Omnis ebriosus pannis vestietur*. Perseuerent magis in bonis illi fructus continentiae, quibus videmur Domino Quadragesimæ diebus deuota iugiter mente seruire. ne cum fortè nos possidendos negligentiae dederimus, videamur studium honestæ vitæ temporibus solum præstitisse, nō moribus. Quid prodest, si te Domino quadraginta diebus bonum exhibeas, & vna die furore impiæ crudelitatis offendas? Quid iuuat per multa temporū spatia pudicitiae seruasse reuerentiam, si postmodum ad turpe facinus luxuria instigante rapiaris? Quid prodest cupiditati ad tempus fraudē fecisse, si post tantos mīsericordiæ fructus, quos tibi manus larga contulit, alienis damnis & lacrymis delecteris? Perit profectò quicquid gratiæ homo per multos annos iustis operibus adquisiuit, si sub vnius horæ spatio

quocunque turpis vitæ deprauetur
errore. Hæc est igitur seruandæ dis-
ciplinæ ratio, vt integritatem in te
nutrias, castitatem diligas, pacem
colas, atque omnia quæ iniquitati
seruiunt, sub metu discipline con-
fundas: ita vt superiori non super-
biat mediocritas, nec despiciatur in
personarum comparatione pauper-
tas. Sicut autem magnum est sem-
per seruisse melioribus: ita vtile est &
gloriosum humiliori personæ reue-
rentiam præstitisse. quia in quantum
homo dignitate præditus humilia-
tur, ad tollitur. ita Domino dicente,
Qui se exaltat, humiliabitur: & qui se MAT. 23
humiliat, exaltabitur. Humilitatis ita-
que ante omnia via eligenda nobis
est, quæ nec odiis subiacer, & mul-
tùm semper amoris acquirit: ita Apo-
stolo dicente, *Humilibus Deus dat gra-* IAC. 4.
tiam, superbis autem resistit. Cogitet er-
go quis huiusmodi labore in quo de-

pœna dubitare futuri iudicij, qui videt aduersus sese pœnam cœlestis iracundiæ commoueri. Quam si quis humilitatē præuenerit, non difficile erit, vt in cœlesti sede locum æternæ possessionis inueniat, de quo ille diabolus superbia operante depulsus, sententiam perpētux damnationis excepit. Sectemur ergo humilitatē, sobrietatē, continentiam, pudici-
tiam: elaboremus obtinendo studio sanctitatis: vt vita nostra nullis damnis animæ concutiatur, nullis vnquā apud Dominum odii addicta suspi-
ret.

HOMILIA XX.

De auaritia.

Asferunt, dilectissimi, autores
omnium curationum diuersis
dolorib. medicinæ beneficia diuersa

competere, & singulis infirmitatibus singula quæque beneficium peculiare præstare: ita vt doceant tumentia aut ferro debere compesci, aut medicaminis confectione moliri: latentia melius esse poculis indagari, frigida corporum feruentibus pasci, calidiora frigidioribus temperari. Ego verò in opere diuinæ institutionis aliter sentio. Nam si illam epistolam ad Timotheum factam recensatis, inuenietis sub vno medicamine, & vnius vulneris resecatione multas valetudines posse curari. Quod autem istud vulnus sit, in quo infirmitates diuersæ conueniunt, & mortiferos dolores operantur, sanctus Apostolus Paulus euidenter exposuit, dicens, *Radix omnium malorum* ^{1. Tim. 6} *est cupiditas. quam quidam appetentes errauerunt à fide, & inseruerunt se doloribus multis.* Tractādū est ergo, dilectissimi, quo opere, quo labore debeat tanta

criminum sylua succidi. Sed prius concurrentium vndique in vnum omnium vitiorum causas debetis agnoscere, & singula quæque vnde descendant, quò vadant, quid deformitatis, quid doloris exhibeant, diligenter inquirere. Maxima enim spes est recuperandæ salutis, fontem nosse languoris. *Radix omnium malorum est cupiditas.* Et verè dilectissimi, si respiciamus ad singula, quibus ab initio vitam suam habendi studio conditio humana prostituit: nihil est malorum, quod non cupiditas, aut concipiat, aut parturiat, aut pascat, aut nutriet. Ex hoc enim fomite videmus pullulare odiorum causas, hinc euenire criminum pugnas, hinc fraternas acies instrui, hinc amicitiarum fœdera dissipari. Nemo ergo singulis infirmitatibus proprii doloris crimen adsignet. Nam cum omnia vitia constent nominib. suis,

pendent tamen sceleribus alienis. Videmus igitur superbiam vanitatis tumore componi, & humillimum quemque arrogantiae contagione moueri. Quem si inter æquales positum subito fortè respicias, alium iudicas esse quàm fuerit. ita elatū verbis incedere, & tumentis aspectu aspicias ad cœlum collum portare: ac paupertatis beneficio diu clausum iter linguæ verborum munire ponderibus: atque in tantum fastidiosum oris verba disponere, vt cū ipse velit loqui, alium nolit audire. Sed hæc quamuis sint per se grauia, constat inlecebris cupiditatis animari. Cesset deniq. diuitiarum pompa, & non tam facilè inuenies, qui superbiam laboret inuidia. *Radix omnium malorum est cupiditas.* Curramus per singula, si videtur: & inuenietis quantis malis pullulet vitium cupiditatis. Ecce armatur vicinitas fre-

quenter ad litem. vnde est, nisi quòd hic fortè terminos transcendere, & cespitem iuris alieni cogitat occupare? Quare nò occurrit oculis illa sententia, *Ne transeatis terminos quos posuerunt patres vestri?* Ecce fit primùm in hoc loco de proprietate contentio: & dum suam quisque cupiditatem verbis fouet, stimulum litis accendit. Crescit postmodum de contentione causatio. atque vtinam hoc solum sufficeret cupiditati! Illud grauius est, quòd dū nemo vult inchoatæ calumniæ facere iacturam, peruenitur ad rixam. Armantur serui, incitantur propinqui, & in alterius luctum pectus opponitur alienū. Animatur vino furor conductus, & effusus sanguis fit pretium possessionis. Aperitur postmodum legib. forū: & dum ultionis locus quæritur, congemminatur homicidium. Videmus etiā frequēter acies cupiditate componi:

dum aut hic vult videri ditior, aut ille
erubescit esse pauperior. Quib. inter
se æmulantibus periclitatur interim
vicina possessione consortium, dum
quærit quis primus inuadat, & cogi-
tat vt immune possideat. Ita fit vt dū
cupiditas quærit augmenrum, patri-
monium vacillet alienum. Quare nō
cogitant isti illā sententiā, quæ dicit,
Stulte, hac nocte requiretur à te anima tua: Luc. 12.
hec quæ parasti cuius erūt? Et verè nihil
est stultius, quærere dubia, & adqui-
rere peritura. Quid enim profūt ho-
mini opes, quæ ad hoc solum cōgre-
gātur vt pereāt? Certè te moriēte re-
manet cespes auaritia propagatus: re-
linquitur ampliata possessio: & quā-
uis sit in alterius potestaté trāsfusā, te-
stimoniū tamē tui sceleris seruatura.
In quo loco cogitandus est semper
ille Propheticus sermo, *Væ illi qui* Esai. 5.
iungit villam ad villam. Sed dicis, le-
go parentes filijs thesaurizare debere. 2. Co 12

Ex hac ipsa sententia potes agnosce-
re, quid profecerit pietas tua. Ecce
ad alium transeunt diuitiarum tua-
rum ornamenta, & tecum remanet
peruasionis inuidia. Apud alium fa-
cultatum tuarum pompa resedit, &
tecum pœna migravit. Stultitiæ ge-
nus est, aliis fecisse lucrum, & sibi
parasse supplicium. Nam ita dicit
1. Tim. 6 Apostolus, *Qui volunt diuites fieri, inci-*
dunt in tentationem & laqueum diaboli.
Sed nec lógo interuallo cœlestis sen-
tentia districtiōnis suæ exerit pote-
statem. Nam quodā modo per gra-
dus ad ultionem quandam præteri-
torum actuum vitiorum incremen-
ta succedunt. Denique hic parrici-
dali animo, aut patris vitā increpat,
aut matris mortem expectat. Tuea-
tur illum fortè ab hoc crimine causa
debitæ hæreditatis. Verum est. sed
quanquam legitimus hæres sit, non
tamen sine cupiditatis vitio succes-

fionis vota componit. Vellet denique vnicus esse, si posset. modò de patris morte cogitat: modò de fratris vita suspirat. Non est hoc sine grandi scelere impietatis. Nam quisque hominum parentiux mortis expectatione animam pascit, parricidalis crimine in hæreditate succedit. In quo loco cupiditatis impulsu nutriuntur inter cohæredes odia. Necdum funus effertur, & iam testamenti fides iuris interpretatione vacuatur. Alter de subscriptione patris disputat: alter de fratris persona desperat. Hic adstruit scripturam nò stare testibus: ille adsignat testamētum non conuenire temporibus. Ita vacillat prædium in collisione causarum: & quod adquisiuit avaritia parentum, perdit cupiditas filiorum. Audite scripturam dicentem, *Ne cō-* Exo. 20.
cupiscas rem proximi tui. Enumerari non potest, quantis modis cupiditas

ſæuiat. Ecce vbi testamentum profertur, statim de falsitate cogitatur. Quæritur quis mutum audierit loquentem, quis mortuum hæredes nouerit ordinantem. Nec difficile est, quod peius est, cuiquam inuenire personas, aut scelere coniunctas, aut pretio comparatas. Imitatur hic infelix subscriptionē manus alienæ. Ita scripturam, quam testator non instituit, cupiditas calamo sæpius repetente componit. *Radix omnium malorum est cupiditas.* Hic ad confirmandam fraudem armat periurio falsitatem: ille alienis litibus corruptum nonnūquam pectus opponit. Ita sub vnius cupiditatis vitio facultas & acquiritur, & laceratur. Vbi *est* quod dicit scriptura, *Falsus testis non erit impunitus?* Cui hoc imputandum putamus, quòd inter illos quos audimus aliquoties criminibus interfuisse, etiam innocentes in crimen

vocantur? Venit enim frequenter in quæstionē suspicio: & cū apud alterum resideat furti culpa, ad aliū transit peruasione inuidia. Ita dum augmentum facultatum quæritur, etiam bene adquisita lacerantur. Sic fit vt aliquotiens descendat ex cupiditate falsitas, & ex falsitate paupertas. *R*adix omnium malorum est cupiditas. Vnde est quod videmus inter se frequenter armatas stare legiones? Quid autem aliud est, nisi quod aut ille aliena occupare quærit, aut ille occupata custodit? Inde descendit, quod aliquotiens de imperij potestate contenditur, & de primatus ambitione certatur. Omnia profectò in pace consisterent, si hominem imperandi cupiditas non teneret, *R*adix omnium malorum est avaritia. Requiramus cuius sit vitium; quod tenui tabulato hominis vita committitur, & dubiis casib. pelagi

incerta tentantur. Nonne cupiditati adscribendum est, cum superueniente procella altum mare nauticus clamor incusat? Nonne ad cupiditatis recurrit inuidiam, cum scrupulis rupibus naufragum corpus illiditur, & tumentia aquis membra ignotis littoribus pelagi unda iactantur? Nunquam se profecto nauta nauigio credidisset, nisi nauigandi desiderium negotiandi cupiditas incitasset. Fertur denique homo undis voto quadruplicandæ pecuniæ: portatur aurum, ut reportetur cum falsitate periurium. Nunquam enim negotium sine fraude agitur, ubi ad hoc solum vilius emittitur, ut carius distrahatur. In quare etiam si votis hominum nauigatio quæta successerit; non sine naufragio est; cum inter vendentem & ementem iniquis aut ponderibus, aut mensuris, quis aut operatur aut

patitur. Quare isti non cogitant illam sententiam, quæ dicit, *sicut mensurus fueris, metietur tibi*? Erubescimus illa dicere, dilectissimi, quæ luxuria agente deferuntur, cui descendit ex cupiditate commercium. Frequenter igitur coniugalis pudor pecuniæ taxatione vilescit: & diu incontaminata virginitas sub paruo auri pondere prostituta fidem integritatis amisit. Tanta est apud aliquantos cupiditas, ut venalis pudor pretium fœditatis inueniat. Nam ita ad corruptionem corporis pecunia studiose pensatur, quasi dignum aliquid comparetur. Infelix profectò est, qui plus cupiditati consulit, quam pudori. Damnassee est promissæ hereditatis gratiam, integritatis fecisse iacturam. Videte sub vno crimine quam dissimile commercium cupiditatis. Hic pecuniam dedit, ut corruptionem emeret: illa pudorem

perdidit, vt pecuniam compararet. Nihil enim sine cupiditate agitur, quotiescunque peccatur. Nam si remoueas ornamentorum cultum, nullum patieris in corporis contaminatione naufragium. Cesset denique auri desiderium, & nec coniugalis fides perit, nec virginalis integritas erubescit. *Radix omnium malorum est auaritia.* Hic proditiōis arguitur, ille delator alieni criminis accusatur. Quis dubitet quòd secretum pectoris oblatae pecuniae pondus irruerit? Nihil clausum constat, quod auro, argentoque non pateat: nihil occultum, quod non pecunia indagante sit cognitum. Vnde periculose illis conscientiae fides creditur, quibus cupiditas dominatur. Haberet profecto integritas totum secretum, si in aliena domo proditrix pecunia non haberet ingressum. *Radix omnium malorum est cupiditas.* Ecce ille Dominus

ac Saluator noster exitum voluntarię
passionis vitio alienę cupiditatis im-
pleuit. Legimus damnationē Redē-
ptoris nostri triginta argenteis cōpa-
ratā. Sed sicut vidistis proditiōē ex
cupiditate venire: ita debetis agno-
scere damnationē ex proditiōe de-
scēdere. Proditus quidem ductus ad
supplicium, sed proditor currit ad la-
queum. Ecce quid fructus habet cu-
piditas. pecunia damnationis ad cō-
parationem sepulturę reposita, hoc
est funerib. deputata. Intelligite er-
go, in quo statu sit culpa cupiditatis,
cū in damnationem venerit pretiū
proditiōis. Nam & Apostolus Pe-
trus dicit, *Pecunia tua tecum sit in perdi-* Act. 8.
tionem. Fortē sit aliquis de stultis &
auaris, qui sibi de hac sententia blā-
diatur; & præferat quod audit, secū
suam pecuniam migraturam. Nihil
votis istius ex hac parte subtrahimus.
Ventura quidem tecum est, non ut

putas ad ornamentum corporis, sed ad testimonium falsitatis. Non tamē ad illos est ratio, quos misericordia comitatur. Alia illos manet causa, quos pecunia sua circa pauperes expēfanda, Domino larga erogatione commendat: alia illos, quos recon-
Matt. 25 ditæ per scelus facultates accusant. Istis denique adnumeratur ad supplicium: illis verò paratur ad regnū. Ita Domino dicente, *Venite filij, possidete mecum regnum paratum vobis à constitutione mundi. Esuriui, & dedistis mihi manducare: sitiui, & dedistis mihi bibere: nudus eram, & vestistis me.* Sit ergo, dilectissimi, vnusquisque vestrū illa pecuniæ qualitate contentus, quæ gratiam salutis adquirat, non quæ causam damnationis accendat. Castigemus itaque primo loco cupiditatem, si volumus vt omnium vitiorum vincamus errorem. Nemo appetat alie-

na, & non est qui inimicitiarum laboret inuidia. nemo impetat consortium, & nullum est de peruatione certamen. Sit vnusquisque contentus propria, & nulla est de occupata possessione causatio. Conténe aurum, & paratum euanesceit homicidium. nec parricidalia odia feruntur, si cupiditatis oculus castigetur. Non est in quo hæres erubescat, si quis ad mediocritatem portionis suæ contentus accedat. Non sit qui pecuniæ augmentum quærat: & neminem culpa prodicionis accusat. Si non requiras lucrum, nullum patieris in tempestate naufragium: & cum agelli tui otiosus secreta custodis, alienum periculum securus aspicias. Vitare ista, dilectissimi, per singulos gradus fortè difficile est, & laboriosum multis simul hostibus per diuersos errores occurrere. Quærendum est ergo compendium bel-

li, & auctor litis requirendus: ut cum illo nobis sit pugna, à quo processit iniuria. Non enim dubiè legiones armis instructas poteris vincere, si tyrannum potueris obtinere. Totam autem causam belli finiuit, qui auctorem pugnae superauit. Instruamus ergo virtutum acies aduersus paratas scelerum legiones. Sed ante omnia aduersus ipsam, quæ caput belli est, hoc est cupiditatem, fide auxiliante pugnemus. Ita non difficilis erit de illa quam diximus vitiorum labe victoria, matre captiua.

Homiliarum finis.



VALERIANI EPISCOPI
CEMELIENSIS EPISTOLA
ad Monachos,

*De virtutibus & ordine doctrinæ
Apostolicæ.*

IMPOSITÆ mihi voto-
rum circa me vestrorum
farcinæ etsi interim cor-
pore , vt scriptum est,
absens , præsens tamen spiritu ac
mente succedo. Nec parum, vt reor,
dilectioni vestræ officij atque amo-
ris exhibeo: quia vos quoque in spi-
ritu, non in carne agere confido. Di-
cente Apostolo , *Quicumque in carne* Rom. 12
sunt, Deo placere non possunt. Vos autem
in carne non estis, sed in spiritu: si tamen
spiritus Dei habitat in vobis. Nec sanè
incognitam spiritualibus viam teneo,

fi ædificationis vestræ sollicitudinē sermonib. eloquij epistolaris expromo: præcipuum beatissimi Pauli exemplum præ manibus habens; quem sequi cupimus, etsi consequi non valemus. Etenim etsi nos comparatio illius in nullo recipit: vobis tamen obedientia eorum est cœquanda quos edocet. Vt doctrinæ ordine constituto, cum ROMANIS prædicari credulitatem vestram in toto orbe cupientes, secunda emendatione correcti, pace integra, caritate non ficta inuicem vos, vt scriptum est, sancto osculo salutetis. Cum GALATIS mensium, temporum, dierumque obseruatione reiecta, repudiantes mundum, ac sequentes Deum, non ancillæ vos filios intelligatis, sed liberæ. Vt in verbo veritatis cum EPHESIIS permanentes, vnum Dominum, vnam fidem, vnum Deum patrem omniū,

qui super omnes, & per omnia, &
in omnibus nobis est, noueritis.
Cum PHILIPPENSIBVS irrepre-
hensibiles & simplices, omnia sine
murmuratione & hæitationibus fa-
cientes, in medio gentis prauæ sicut
luminaria luceatis. Cū COLOSSEN-
SIBVS verbo Christi in vobis abun-
danter habitante, inuicem vos psal-
mis, hymnis, & canticis spiritualibus
doceatis. Cum THESSALONI-
CENSIBVS voluntatem Dei absti-
nentes à fornicatione sectemini,
orantes sine intermissione, omnia
probantes, quæ bona sunt retinen-
tes. Dehinc præcepti ordinem cum
omni labore sectâtes: vt si quis ope-
rari non vult, nec manducet. Ipse
enim est panis, qui de cælo descen-
dit. cui admisceri neminem decet,
nisi opera quib. ille delectatur exer-
ceat. Vt TIMOTHEVS vobis for-
ma sit, etiam post diuturnam aquam

vino modico vti præceptus, ad sustinendum stomachum, non ad opprimendum. quia quamuis geminis commonitionib. erudiatur: nisi quis sobrius fuerit, ministerium suum implere non poterit. Vt TITI vos informet exemplum, non solum sobrios esse debere, sed etiam continentes. quia omnia munda mundis, coinquinatis autem & infidelibus nihil est mundum. Denique hæc Apostolicæ conclusio tota doctrinæ mystici numeri summam absterfi corporis purificationem compleuit. quia nihil est tam Deo proximum, quàm hominem non esse corruptum. Attendamus quippe post hæc circumspectiùs quid sequatur. Fugitiuus quondam domino famulus redit, & conditio conuersione mutatur. Apostolicis vinculis genitus ad vtilitatem inutilis proficit: nec solum in fratrem, sed etiam in ca-

EPIST. AD MONACHOS. 237
rissimum fratrem, gradum coniun-
ctorum nominum fastigio transcē-
dit animorum. nec tantum appella-
tionis meretur vinculum, sed etiam
amoris affectum. Ad hoc enim Do-
mini dignatione perducitur pura ca-
stitas sobrietate nutrita, ut quod
parcitas vini curavit in Tímotheo,
quod abstinentia & continētia pur-
gavit in Titó, id ad indulgentissimā
libertatem accrescat in O N E S I M O.
Hæc & exsequenda doctis, & agno-
scēda sunt imperitis. quia sicut scri-
ptum est, & ignorantia mors est, &
fides sine operibus mortua est. Ge-
mina vobis ratio adhibendæ obser-
vationis incumbit, sciendi cura, cum
labore complendi: quoniam ea quæ
in diuinis eloquiis præcipiuntur,
non solum non facere, sed etiam
ignorare peccatum est. H E B R Œ O S
denique in exemplum consummate
perfectionis assumens, contemptu

238 S. VALER. EPIST. AD MON.
præsentium rerum ob amorē cœle-
stium in sinu præmiorū. Vt si fortè
quispiā vobis, aut persecutionis pō-
dus intulerit, aut diripuerit vniuersa
quæ vestra sunt vos: quoque nobile
illud ac singulare testimoniū, quod
in eximia eorum laude venerando
Paulus ore deprompsit, non dispari
sanctæ imitationis prosequatur affe-
ctu, quo ait, *Nam & vinctis compassi*
estis, & rapinam bonorum vestrorum
Heb. 10. cum gaudio suscepistis.

FINIS.

